




Сигнальный видеотайп

ВОЙВЫВ КОДЗУВ

4

1966



КУЗЬ ТУЙО — МОРЕЛАНЬ.

Фото В. Вежевлюн.



ВОИВЫВ КОДЗУВ

ЛИТЕРАТУРНО-
ХУДОЖЕСТВЕННОЙ
ДА ОБЩЕСТВЕННО-
ПОЛИТИЧЕСКОЙ
ЖУРНАЛ

Коми АССР-са писательяс союзлн орган

ТАЙӦ НОМЕРЫН:

У. АНУФРИЕВ. Миянӧс ышӧдліс и ышӧдӧ Ленин	3
Т. СЕРДИТОВ. Ме аддзылі да кывзі Ленинӧс	7
Л. ПАЛКИН. Ленинлӧн портрет (висът) . . .	10
С. ПОПОВ. Щугӧрса зон (поэма)	15
И. ИЗЪЮРОВ. Лун заводитчӧ асывсянь (повесть)	22
Ю. ВАСЮТОВ. Тувсов войяс (кывбурьяс)	37
Г. ТУРЬЕВ. Телеграмма (висът)	38

МИЯН ЛУНЪЯССЯ ОЧЕРКЪЯС

Г. ЛУЦКИЙ. Ветымын арӧс — томлунӧй . . .	40
А. АНУФРИЕВ. Нимыд кӧ тэнад — коммунист	47

КОМИ МУЫН

П. КАЛИНИН. Удораса сотчысь сланецьяс . . .	53
---	----

САТИРА ДА ЮМОР

Л. ПАРШУКОВ. Овнытӧ колӧ кужны, вокӧ (висът)	55
М. ЛУДЫКОВ. Абу тай еретнича — еретник вӧлӧма (висът)	57

КРИТИКА ДА БИБЛИОГРАФИЯ

Г. ЮШКОВ. Лоны ас мортӧн	59
Н. ПОПОВ. Коми гижысьяслӧн медводдза организация	62

4

АПРЕЛЬ

1966

СЫКТЫВГАР

СЕВЕРНАЯ ЗВЕЗДА



ЕЖЕМЕСЯЧНЫЙ
ЛИТЕРАТУРНО-ХУДОЖЕСТВЕННЫЙ
И
ОБЩЕСТВЕННО-ПОЛИТИЧЕСКИЙ
ЖУРНАЛ



ОРГАН
СОЮЗА ПИСАТЕЛЕЙ
КОМИ АССР

Редактор Я. РОЧЕВ

РЕДАКЦИОННАЯ КОЛЛЕГИЯ:

*И. Вавилин, И. Изгюров, С. Попов (зам. редактора),
С. Раевский, А. Сажин, Г. Юшков (отв. секретарь)*

УХТА БЫДМӨ-МИЧАММӨ.

Фото И. Петровлөн.



Ленин йылысь казтыломъяс

Е. Е. АНУФРИЕВ,
1918 восянь КПСС-са член.

МИЯНӦС ЫШӦДЛІС И ЫШӦДӦ ЛЕНИН

Кымын водзӧ ми олам, сымын матысаджык да ясыдджык лоӧ Владимир Ильич Ленинлӧн великӧй образыс. Мӧд ног оз и вермы лоны. Ӧд Ильич ассыс олӧмсӧ ставнас сиис прӧстӧй йӧзлӧн мездлун да шуд вӧсна тышлы, индӧс югыд туй мян народлы, кодӧ ӧнӧ успешнӧй стрӧитӧ му вылын медея передӧвӧй да справедливӧй общество — коммунизм.

Торйӧн нин мичаӧн да югыдӧн кажитчӧ Ленинлӧн образыс налы, кодъяслы уси шуд асланыс синъясӧн адзвыны став муывса уджалысь йӧзлысь великӧй вождьӧс, асланыс пельясӧн кывлыны сылысь ловъя сёрнисӧ. Менам пай вылӧ усылӧ татшӧм шудыс сійӧ кадӧ, кор том Советскӧй республика сӧмын на заводитӧ паськӧдны ассыс вына бордъяссӧ, медым лӧбзыны талунъя шуда лунъясас.

Тайӧ вӧлі 1921 вося гожӧмын, кор коми народ решайтӧс Коми автономия лӧсьӧдӧм кузя вопросъяс. Меным, кызди РКП(б) обкомса членъясысь ӧтилы (сэки уджалӧ РКП(б) Печорскӧй укомса секретарӧн), ковмис ветлыны Москваӧ, сёрнитчыны Коми областнӧй партийнӧй организация организационнӧй оформитӧм кузя, такӧд ӧтшӧтш ПУР-ын решитны вопрос коми коммунистыясӧс армиясысь демобилизуйтӧм йылысь, медым найӧс индыны областнӧй центрн да уездъясын руководящӧй постъяс вылӧ.

Менам некор оз вун аслам нэмын медея шуда лун — 1921 вося июль 11-ӧд лун, кор меным, том партийнӧй работниклы, удайтчис адзвыны Владимир Ильич Ленинӧс. Тайӧ тӧдчана лунас РКП(б) ЦК Оргбюролӧн сёрнитанторъясысь ӧтиӧн вӧлі «Коми (зыряна) областнӧй комитетлӧн состав йылысь». Заседание водзвылын ме, кызди партия обкомлӧн представитель, вӧлі ЦК-са секретарь Ем. Ярославский ордын приём вылын. Буретш тайӧ здукъясас кабинетӧ пырис пелькиник тусаа тэрыб вӧраса морт. Съӧд тройка-костюма, лӧсьыдик мугов чужӧма, сійӧ нинӧмӧн торья эз шыбитчы синмӧ. Мича паськыд плешкыс, читкыракодъ вежӧра синъясыс, тшӧтшӧдыштӧм ускыс да ёсь тошкыс меным тӧдсаӧсь нин вӧліны портретъяс серти.

Да, тайӧ вӧлі Ленин, Владимир Ильич Ленин. Сійӧ тэрыба матыстчис секретарь динӧ да тшӧктӧс рытнас котыртны зарубежнӧй делегациякӧд встреча. Ӧдзӧслань бӧр бергӧдчигӧн сійӧ казяліс менӧ да пыр жӧ юалӧс: «Кытысь тайӧ том мортыс?»

Татшӧм виччысьтӧм юалӧм вӧснайд ме первойсӧ шӧйӧвошлі, чӧв олӧ, виччыси, гашкӧ, мися, Ярославский вочавидзас ме пыдди, а сійӧ быттӧкӧ наршнӧ докнитӧс юрнас: висътав пӧ ачыл. Ме збоймӧдчи да вочавидзи: «Коми автономия котыртӧм кузя локтӧ Усть-Сысольскысь».

Ильичлы, буракö, менам могыд кажитчис: ошкана довжнитис юрнас да, мыйкö ышöданаöс шуыштöм бöрын, петис кабинетсыс.

Кывъясöн сьöкыд шуны, кутшöм ёна ме волнуйтчи тайö регыд кадея аддзсылигас. Но тайö здукъясыс менö веськыда ловзöдiсны, сетiсны выль вын, вöвлытöм эбöс.

Ог, ме некор ог вунöд великöй вождыкöд аддзыслан тайö здукъяс йывсыс!

Мöдысь, прамöйджыка, В. И. Ленинкöд ме аддзысли Сöветъяслöн IX-öд Всероссийскöй съезд вылын, көни ме вöли Коми областсыань делегатöн.

Сийö воясас сьöкыд вöли ыли войвывсыань писькöдчыны Москваö. Меным колi мунны Извасыань Архангельскöдз вöвъясöн тысяча километр, а Архангельсксыань Москваöдз көрт туй кузя. Ывляын трачкöдчис клящöй мороз. Туйö босьтöм пажун — нянь да яй — из кодöдз кынмылис. Вагонъяс эз ломтысьны, көрт туй станциясын сьöкыд вöли судзöдны пöсь ва, но Ленинкöд матыса кадö аддзыслöм йылысь мöвпыс став тайö сьöкыд-торъяссö вештывлис бокö.

Извасыань Москваöдз ковмис мунны 20 лун. Кöдзыдсыс видзисны бур малича, парка да пими.

Со и дыр вичысына Москва. Вокзалын делегатъясöс встречайтö ВЦИК-лөн представитель.

Кöть ме вои Москваö лун voidöр, татшöм паськöмнад карö эг петав. Тэрмасынсö вöли некытö. Делегатъясöс быд боксыань обслуживайтисны места вылын, Сöветъяслöн коймöд керкаын. Ок и ёна жö ме шензи, кор завтрак дырийн сетисны еджыд нянь, вый да сыр, а буфетын вузасисны папиросöн. Фронтöвöй вобла, рудзöг нянь да махорка бöрад меным кажитчис, ме веськалi мöд мирö.

1921 вося декабрь 22-öд луно рытнас висьталисны, мый аскинас, 11 час лунын, лоö съезд РКП(б) фракциялөн заседание. Большой театрö лэдзалисны еджыд рöма специальной мандатъяс серти. Менам аслысыаа вылыс паськöмöй тшöктис тэрмасыны фракциялөн первой

заседание вылö, медым йöз чукöр-мытöдзыс удитны пöрччысьны. Но, вöлөмкö, каднад менам ылавсьöма, и мыйöн сöмын воськовтi театр порог вомöн, менö пыр жö кытшалисны йöзыс, ог вермы некодарö вешйыны, быттöкö веськалi вабергачö. Маличанад да пиминад менö дыр и бергöдлiсны, весиг видлалисны, кызди вöчöма көр куяссö, кызди найöс вурöма. И друг йöз пöвстысь ме казяли Владимир Ильичöс. И шай-паймунли, кызд шуласны, лолöй мытшасылис. А Владимир Ильич аслас соратникъяслы тшöтш ошкö менсьым гöна паськöмöс: шоныд пö, кокныд, ён дай мича. Народ пö кужöмөн думыштöма да лöсьöдöма кöдзыдкöд тышкасьöм могысь татшöм паськöмсö.

Кызди меным кажитчис, Ленинлөн чужöм вылас ворсö мелi нюм. Съезд РКП(б) фракция заседание заводитöм водзвылын сийö веськыда вашъялис.

Фракциялөн заседание помасьöм бöрын пуксисны медся торжественнöй здукъяс — съезд вощьöм. Большой театр тырöма делегатъясöн да гöстъясöн. Гөгöр кыпыд чöвлун. Ставöн видзöдöны сценалань, президиумлань, көни вот-вот мыччысяс Владимир Ильич Ленин. Со и залыс ловзис, шызис. Президиум пызан сайын мыччысис Ильич. Ставкöд видзаасьöм бöрын сийö мелiа, шоныда-шоныда нюммунис. Делегатъяс да гöстъяс сийöс встрети-тисны помтöм пöся, залын юрöб-тисны аплодисментъяс, шыалисны горöдöмъяс:

«Мед олас миян вождь да учитель Ленин!»

Став сертиыс тöдчис, мый Ленинлы татшöм парадностьыс оз во сьöлöм вылас. Сийö волнуйтчис, лэптис шуйга кисö да корис-чуксалис ланьтны. Коркö и залыс лöнис.

Всероссийскöй староста М. И. Калинин бурнöй овация шум улын восьтис Сöветъяслысь IX-öд Всероссийскöй съезд. Президиум, мандатнöй комиссия да секретариат бöрийöм бöрын съезд вынсöдiс съезд вылын сёрнитанторъяс.

Председателялысь Калинин ёрт первой вопрос кузя кыв сетис На-

родной Комиссарьяс Советса Председатель Владимир Ильич Ленинлы. Залын бара кылысны приветствиаяс, аплодисментьяс.

«Республикалөн пытшкөсса да ортсыса положние йылысь» Ленинлөн докладдыс босьтис кык час сайо, но кадыс мунис тодлытог. Делегатьяс лов шы подтомон кывзисны Ленинлысь сернисо, зилисны велавны быд кыв. Кажитчис, залса дзык став пукалысьяссө колдуйтома, гипнотизируйтома. Докладчик асьсө кутис зев прөсто, пыр сулалис трибунасянь бокын, вештавліс гижом докладдыслысь листьяссө, отаро жодзис места вылас, весиг ветлодліс, збоя овтыштлывліс кияснас. Сернитис сийо прөсто, पोся, сьолөмсяныс, быттьокө беседуйтис делегатьяскөд. Велькыд киас воли топодома бумага лист, тыдало, справочной материал, но сэтчо сийо отчыд эз видзодлы.

Ассыс выступление заводитогон Ленин юөртис, мый 1921 вося зев ыджыд засуха, коди шымыртис 34 губерния, вывти ена сьоктодис странагысь продовольственной положениесө. Правительствогы быть коммис примитны тшыглунокд тышкасьом кузя чрезвычайной мераяс. И век жо, коты и зев ыджыд сьокылуньясон, но справитчим роч народ повстын тайо ыджыдсьыс-ыджыд бедствиескөд. Та йылысь по сточа лоо висьталома М. И. Калининлөн специальной докладдын.

Ленин первой здужьяссяныс жо покьоритис аудиториясө. Сылон быд кыв пьодоз йиджліс сьолөмо, волнуйтліс, и делегатьяс син паськодөмон видзодисны докладчиклөн вежласысь чужом выло. Сийо петкодліс то ирония либо нюм, то шензьом либо зывөктөм. Ильич ышодис мянос, делегатьясөс, сетны отувья делолы став сьолөмнымос, став сямнымос.

Кор съезд водзын великой вождь выдвинитис индустриализация, электрификация да коллективизация кузя гениальной план, кар да сикт костын крепыд йитод лосьбодом йылысь вопрос, менам (чайта и мукод делегатьяслон) син водзын вежласисны серпасьяс, кони быттьокө

чурвидзисны нин уна тысяча фабрично-заводской труба, тшына-сисны муткырасысь съод тшынон; страна пасьта зымвидзисны уна лыда гырысь электростанцияс; Ильичлөн лампочкаяс дзирдалисны помтом-дортөм рөдина пасьтала; уна тысяча трактор муралисны-уджалисны синмон судзтом муяс вылын, сиктъяссянь каро мунысь туйяс вывти помасьлытог люзьгисны видз-му овмосса прөдуктаяс тыра автомашинаяс, а сьтысь бор бергодчоны промышленностьон вочом товарьясон.

Кутшом гениальной водзысь адзис Владимир Ильич, кор вөзйис тшыг, комтом-пасьтом Россияс сылон боро кольом видз-му овмоснас да сиктлөн корысьлунон портны вынйора социалистической державао.

Ленинлөн величиеыс сын, мый сийо, партиялөн да народлөн выно эскөмон, вочис мян, торйон босьтом странаын, социализм да коммунизм стрбитом кузя научной подулалом конкретной план.

Кор Ильич сернитис странаын экономической олом бурмыны заводитом йылысь, сылы нимкоддысла эз тырмыв местаыс авансена вылын.

Тайо кадлөн медся ыджыд могон великой вождь лыддис вель экономической политика пыртөм, продразверстка продналогон вежом. Тайо по дзык оти медся велькыд туй, медым регыдджык бурмодны страналысь экономической оломсө. Вель экономической политикасө по артыштома буретш сы выло, медым основной крестьянской массаясөс кыскыны социализм стрбитом, мелкотоварной производство вуджодны ыджыд общественной овмос лосьбодан туй выло.

Ленин кужис видзодлыны ыло водзо, быдса исторической эпоха сайо. Сийо сэки нин адзис, кутшом гырысь одьясон мян Рөдина кутас восьлавны водзо, социализм стрбитан туй вылын модас босьтавын рубеж борся рубеж. Сийо ясыда адзис, мый НЭП оломө портөмыс вочас «Рабочийяслысь да крестьяналысь союзсө мян революция-

лысь, ставнас мян Сѳветскѳй республикалысь подувсѳ,— непобедимѳйн».

Миянѳс, делегатъясѳс шензѳдѳс вождълѳн ыджыдысь-ыджыд мывкыдысь, пѳсь сѳлѳмысь. Ме некор ог вунѳд, кутшѳм пѳся да кыпыда Ленин сѳрнитѳс Краснѳй Армия йылысь, чуксалѳс делегатъясѳс радѳйтны сѳйѳс, отсавны сылы, медым сѳйѳ, вынъяс жалиттѳг, пасъвартѳс интервентъяслысь колясъясѳс, видзѳс мян народлысь мирнѳй созидательнѳй уджсѳ.

Россияѳс экономическѳя ловзѳдѳн дан вопросъясѳс Ильич йѳитлѳс народнѳй образование, здравоохранение, местнѳй Сѳветъяслысь да центральной аппаратлысь удж бурмѳдѳмкѳд. Сѳйѳ чорыда критикуйтѳс бюрократъясѳс, став чорыд сѳблѳмаясѳс, кодъяс чунъ пырысь видзѳдѳны уджалысь йѳзлѳн нуждаясь вылѳ.

Ленинлѳн олѳмысь миянлы век вѳлѳ и лоас примерѳн. Сѳйѳ збыльысь вѳлѳ сѳтшѳм вождълѳн да учительнѳн, кутшѳмѳс мирысь эз на тѳдлы. Сѳйѳ вѳлѳ великѳй, шензѳдѳна прѳстѳй да скромнѳй. Сылѳн скромностьысь да прѳстлунысь тѳдчис быдторйын. Съезд мунѳгѳн перерывъяс дырйи сѳйѳ век бергалѳс делегатъяс пѳвстын, самѳй прѳстѳй йѳз пиас. Сѳйѳ интересуйтчѳс Россияса пельѳсъясын олѳмѳн, народлѳн настрѳениен, кооперативъяс уджѳн, войнѳн кысьтѳм овмѳс дзоньталѳмѳн.

Ильич весиг аддзѳс кад волены Кремльса вѳщѳвѳй складѳ, кѳнѳ сѳталѳсны делегатъяслы памятноѳй фарфорѳвѳй кружкаяс, кытчѳ вѳлѳ гижѳма: «Сѳветъяслѳн IX-ѳд Всероссийскѳй съездывъяс делегатлы», да пѳдарки — полушерстянѳй толстовка да гач. Тайѳн сѳйѳ петкѳдлѳс гырысь государственнѳй могъяс рѳшайтѳмын участвуйтѳмысь делегатъясѳс аттъѳалѳм.

Ленин спокойнѳя кывзылѳс быд делегатѳс, кыпыда, синъясѳс чѳткыртыштѳмѳн сѳрнитлѳс накѳд.

Ме ѳнѳ казътывѳла В. И. Ленинкѳд аддзысьлан тайѳ здукъясѳс и некыдз ог эскы, мый сѳйѳ шуда кадсянысь коли нелямын нѳль во. Ме-

ным кажитчѳ, мый ставысь тайѳ вѳлѳ весиг эз тѳрыт, а талун, кѳнкѳ танѳ; мѳнам синъяс водзын сувтѳ Большой театрын торжественнѳй обстановка, кѳнѳ мунѳс съездысь. Синъяс водзын чужѳ кыпыд, гажа, тѳрыб вѳраса, прѳстѳйсысь прѳстѳй морт — Владимир Ильич Ленин, сѳрнитѳ сѳйѳ кадлы медся тѳдчана военнѳй, хозяйственнѳй да культурнѳй вопросъяс кузя да пѳся чуксалѳ съездывъяс делегатъясѳс: «Велѳдчыны веськѳдлыны странаѳн, велѳдчыны тѳргуйтны, велѳдчыны став сѳйѳторъясас, мый войдѳр вѳвлѳ буржуазиялѳн монополиян».

Мѳным, Сѳветъяслѳн IX-ѳд Всероссийскѳй съездывъяс делегатлы, гортѳ локтѳм бѳрын ковмывлѳс волостнѳй общѳй собраниеяс вылын висътасъны съезд йылысь, и быдлаын крѳстьяна ѳтувъя гѳлѳсѳн шуавлѳсны: «Кѳнѳ Ленин, сѳнѳсь и ми».

Тайѳ висъталѳ трудѳвѳй народлысь сѳветскѳй правительство дор, Ленин дор сулалѳмсѳ, Лениннѳн сувтѳдѳм могъяс тырвѳйѳ олѳмѳ пѳртны дасълунсѳ.

Ленин... Кутшѳм матыса да дона быд сѳветскѳй мортлы, на лыдын тшѳтш мѳнам рѳднѳй коми йѳзлы, тайѳ нимысь. Буретш Владимир Ильич Ленин налы восьтьш шуда талунъя лунас туйсѳ, ловзѳдѳс пѳмыд парманымѳс, помтѳм-дортѳм кѳдзыд тундранымѳс. Тайѳ сѳйѳ Рѳдиналы служба вылѳ лѳптѳс му пытшкысь помтѳм озырлунъясѳс, отсалѳс чужны Печорскѳй угольнѳй бассейнлы, Ухтинскѳй нефтянѳй промыселъяслы; Ленин индѳд серти нюжалѳс Печорскѳй кѳрт туй, садъмис коми йѳзлѳн сознаниеысь, быдмисны лыдтѳм-тшѳттѳм учебнѳй заведениеяс, культурно-просветительнѳй учреждѳниеяс. Ленин сѳтѳс коми народлы государственнѳй самоопределение.

Великѳй Ленинлысь мѳвпъяс олѳмѳ пѳртѳгѳн Коми край экономика, культура, техническѳй прогресс да материальной благосостояние бурмѳдѳм боксянъ чѳччыштѳс ылѳ-ылѳ водзѳ.

Коми республикалысь морѳссѳ неважѳн мѳчмѳдѳс Ленин орден. Тайѳ вѳвлытѳм событие, ыджыд-

сьыс ыджыд победа. Такөд тшөтш уна сё мортлысь, уджывса передө-викъяслысь, республикалысь озыр-лун содтысьяслысь морбснысö мич-мөдöны правительственной награ-даяс. Слава налы! Честь да слава зумыд кияса, пöсь сёлöма став коми народлы! Аслас шуднас, ад-дзывтöм гырысь вермөмъяснас сийö обязан Коммунистическöй партиа-лы да братскöй роч народлы, код-лөн отсөгөн да кодкөд öтувъя уджөн перйöма став тайö вер-мөмъяссö.

Миян олöмным оз сулав öти мес-таын. Быдмöны выль йöз, форми-руйтчö выль морт, коммунизм стрöитысь, сэтчöс олысь. И ставныс найö мед олöны, уджалöны, велöд-чöны да тышкасöны выль вöснаыс сідзи, кызди велöдліс Ленин.

Ми, пöрысь йöз, унатор аддзылім асланым нэмын. Сьöкыдторъяскöд

тышын ми велöдчылім Ленинлысь. И меным талун окота шуны:

Том другъяс, землякъяс! Радей-тöй Ленинöс ассьыныд батыс моз, велöдöй сылысь некор кувлытöм трудъяссö да биографиясö, сийö ышöдас тiянöс выль вермөмъясö, рöдина ним кузя, народ ним кузя выль подвигъяс вылö.

Миян сöветскöй народ пуктö став вынсö, медым регыдджык пöртны олöмö великöй Ленинлысь индöль-яссö, медым миян Рöдина весьтын дзирдаліс коммунизмлөн югыд шондіыс.

Владимир Ильич Ленинлөн бес-смертнöй нимыс не сöмын югдöдö Россиялысь революционнöй прош-лöйсö, но и миянлысь коммунисти-ческöй будущöйнымöс! Миянöс ышöдіс и ышöдö Ленин!

Кисловодск кар.

Т. Т. СЕРДИТОВ,
1918 восянь КПСС-са член

МЕ АДДЗЫЛІ ДА КЫВЗІ ЛЕНИНÖС

Меным, прöстöй коми мортлы, усис ыджыдсьыс-ыджыд шуд кы-кысь аддзывны став мирса уджа-лысь йöзлысь радейтана вождьöс, Сöветскöй Союза Коммунистиче-скöй партия да Сöветскöй государ-ство котыртысьöс — Владимир Иль-ич Ленинöс, да кывзыны сылысь биа-пöсь кывъяссö. Уна во нин ко-ли тайö кадсяныыс, но Ильичлөн вунöдлытöм образыс пыр на быттö сулалö менам син водзын, ме быт-тö и öни на кыла сылысь мывкыд-луна сёрнисö...

Первойысьсö ме аддзылі Ленинöс 1920-öд воын, Москваын, РСФСР Наркомпросса öти совещание вы-лы, кытчö волісны делегатъяс странаса став губерниясысь да уездъясысь. Тайö совещание вылас пансис ыджыд сёрни уджалысь йö-зöс, быдмысь поколениеöс комму-

нистическöя воспитайтöм йылысь да тайö уджөн веськөдлысь ор-ган — «Главполитпросвет» котыр-тöм да сылөн удж йылысь.

Совещание вылын докладөн вы-ступиті Надежда Константиновна Крупская — В. И. Ленинлөн гöтыр, сылөн медматыса друг, коді таöдз веськөдліс Наркомпрос бердын вне-школьнöй отделөн. Надежда Кон-стантиновна интереснöя сёрнитіс сы йылысь, кутшöм гырысь могъяс сувтісны миян страна водзын выль мортöс воспитайтöм кузя. совеща-ние вылын Надежда Константинов-наöс вöлі бөрйöма «Главполитпро-светса» юралысьö.

Öтчыд ми, делегатъяс, юалім Крупскаялысь, оз-ö позь корлыны миян совещание вылö Владимир Ильичöс. Мед эськö сийö выступи-тіс миян водзын. Надежда Кон-

стантиновна сетіс кыв висътавны та йылысь Владимир Ильичлы, а сэсса бõрынджык юõртис миянлы, мый Ильич кõсйысис волены миян дорõ.

Мыйõн ми кылім татшõм юõртõ, ставõн шызим, ёна радлыны кутім, мяся, кутшõм ми, вõлõм, шудаõсь.

Помнита, вõлі зэв гажа лун. Залõ гырысь õшинъясõд ыльгõ-пырõ шондїлõн югõрыс. Видзõда, друг сцена-бердса шуйгавыс стеньс воссис õдзõс, сэтсыс тэрыба мыччысьліс кутшõмкõ морт да горõдіс:

— Ленин воис!— сэсса пырысь-пыр жõ бõр воши õдзõс сайõ.

Здук мысти сійõ жõ õдзõсõдыс пырис Владимир Ильич. Ми пыр жõ нетшыштчим пукаланінъясысь, и вочасõн ыджыд залын быттõ кутіс пессыны вына бушков.

А Владимир Ильич тэрыба кыпõдчис неджуджыд поскõд сцена вылõ да, ярскõба тувчалігтыр, мõдõдчис сцена вомõн мõдарланьыс. Сувтіс миянлы паныдõн, пõлынь-тыштõма юрсõ, виччысьõ, кор залын лõняс. Чужõм вылас — кокныдик нюмтор.

Дерт, ми ставõн сатшкысим синъясõн Ильич вылõ. А сцена вылас сійõ миянлы бура вõлі тыдалõ. Видзõда, шõркоддõм тушаа крепыд морт. Джуджыд кымõсыс паськыд, куш. Неыджыд, йыла тоштор, видзõдõ синъяссõ читкыртыштõмõн. Сьõд костюма... Прõстõй сэтшõм морт.

Кыпõдіс кисõ, быттõ кõсйис шуны: лõньõй нин пõ сэсса... А кор медбõрын ми лõньыштім, заводитіс сёрнитны.

Сылõн гõлõсыс, кызди и ставнас ачыс сійõ, меным сәки кажитчис зэлыд пружина кодьõн — сэтшõм топыда вõлі йитчõмаõсь õта-мõдныскõд кывъясыс. Найõ вõліны прõстõйõсь, гõгõрвоанаõсь, и сәк жõ õзтісны ловтõ. Кымын водзõ сёрнитіс Ильич, сымын ёнджыка сылõн мõвпъясыс пырисны меным вежõрõ, сымын ёна найõ волнуйтісны менõ. Быд выль мõвп висъталігõн Ленин кызкõ аслысногõн пыр быттõ вежсьыштліс, õзйыштліс... Сёрнитіс сійõ зэв пõся и этша кывъясõ тõрõдліс уна мõвп.

Сылõн кывъясыс вõліны тырõсь ыджыд убеждениеõн, а õттшõтш найõ тшõктісны помõдз эскыны висъаланторйыслы, думайтны сідзи жõ, кызди думайтõ сійõ ачыс — Ленин.

Владимир Ильич сёрнитіс сы йылысь, мый õні, кор ми вермим вир кыстаана тышъясын контрреволюцияõс да ортыса врагъясõс, медся ыджыд могыс сыын, мед эськõ сувтõдны кок йылõ, õдйõнджык сõвмõдны страналысь кузь войнаõн рõзõритõм овмõссõ. Мед эськõ миян лои тырмымõн нянь, ломтас, чугун... Сідзкõ, миянлы колõ велõдчыны бурджыка кõзьяинавны, колõ вõчны сідзи, мед эськõ миянлысь политиканымõс ошкисны став рабочõйяс да крестьяна, мед эськõ найõ лыддисны большевикъяслысь туй визьсõ асланыс туй визьõн да сетісны õтувъя делõлы став выннысõ, ыджыд сьõлõмъяснысõ да вежõрсõ.

Владимир Ильич тõдчõдліс, мый кывкутана могъяс сувтõны õні пропагандистъяс да агитаторъяс водзын. Налы колõ мунны масса-яс дінõ, пõсь кывйõн, кужõмõн висътавлыны йõзлы миян политика йылысь, висътавлыны быд лун, мудз тõдтõг.

Ильичлõн сёрни бõрын кызкõ ставыс лои гõгõрвоана. Менам син водзõ быттõ сувтіс ставнас странаным — став поэянлунъяснас и гырысь сьõкыдлунъяснас, и зэв гõгõрвоанаõсь лоины миян воздын сулалысь могъясыным, лои, кызди некор, гõгõрвоана, мый колõ вõчны, медым веськыдджыка восьлавны социализмланы да коммунизмланы нудысь туйõд.

Помнита, кутшõм кыпыд вõлі меным сійõ луннас: ме быттõ аддзи сэтшõмтор, мый меным важõн нин вõлі колõ, но кызкõ некыз на эг вермыв аддзынысõ. И со, медбõрын сюрис. Сәки меным кажитчис, мый та бõрын меным ёна кокныдджык лõõ овны, ёна интереснõджык...

Мõдысь ме аддзылі Владимир Ильичõс во мысти, 1921 вося октябрын. Ме сәки вõлі велõдча Тимирязевскõй Академияын. Ильич воліс Академиялõн муяс вылõ, ме-

дым тѳдмасыны, кыдзи уджалѳ мед-воддза электропруг.

Кыдзи тѳдса, Владимир Ильич пыр ѳна тѳждысыліс странаѳс электрофицируйтѳм вѳсна. Сылѳн водзмѳстчѳм серти вѳлі лѳсьѳдѳма паськыда тѳдса ГОЭЛРО план. А кодѳс миян пѳвстысь эз ышѳдлыны Ленинлѳн со тайѳ кывъясыс: «Коммунизм — сійѳ эм Сѳветскѳй власть да став странаѳс электрофицируйтѳм».

Владимир Ильич пыр тѳждысыліс мортлысь сѳѳкыд уджсѳ кокнѳдѳм вѳсна, морт мускулъяслысь вынсѳ машинаяс, электричество вынѳн вежѳм вѳсна.

И со, вѳлі вѳчѳма медводдза электропруг да вайѳма сійѳс Тимирязевскѳй Академиялѳн муяс вылѳ. Сы вылѳ видзѳдтѳг, мый Ильичлѳн юр вывтырыс вѳліны быд пѳлѳс делѳяс государствоѳн веськѳдлѳм кузя, мирѳвѳй политика вопросъяс решайтѳм кузя, сійѳ тшѳтш воис видзѳдлыны, кыдзи уджалѳ пругыс. Тані и ме бара аддзылі Ильичѳс. Сійѳ Надежда Константиновнакѳд ветлѳдліс электропругкѳд орччѳн,

копрасис, сюся видзѳдіс пругыслѳн удж бѳрся — пыдіа да паськыда-ѳ сійѳ гѳрыштѳ, сѳрнитіс инженеръяскѳд да сійѳс кытшалысь мукѳд йѳзкѳд.

Кутшѳм долыд, буракѳ, сѳки вѳлі миян вождьнымлы. Пруг вылѳ видзѳдігѳн сійѳ, дерт, кѳнкѳ, аддзис аслас сюсь вежѳрѳн уна сѳтшѳмтор, мый йылысь ми сѳкся сѳѳкыд каднас эг на и лысьтлѳй думыштны...

Кутшѳма эськѳ кутіс радлыны миян дѳна Ильичным, вермис кѳ аддзывны миянлысь странанымѳс талун! Гѳгѳр электричество, став сѳѳкыд уджсѳ вѳчѳны быд пѳлѳс машинаяс. Лѳсьѳдѳма выль, социалистическѳй общество. Сѳветскѳй народ зумыда вѳслалѳ коммунизмѳ мунан туй кузя. Став гырысь вермѳмъяссѳ миян странаын шедѳдѳма великѳй Ленинлысь мудрѳй индѳдъяссѳ олѳмѳ лѳртѳмѳн. Ильичлѳн велѳдѳмыс, сылѳн титанлѳн кодъ уджыс, коді вайѳдіс мирын первой социалистическѳй государство котыртѳмѳ, ѳна вежис и мирса мукѳд народъяслысь оласногсѳ.

ЛЕНИНЛӨН ПОРТРЕТ

ВИСЬТ

Сиа аслам землякы, Советскöй Армияса генерал Александр Иванович Калининлы, кодi 17 арöссиянь тышкасис Советскöй власть вöсна, кодi сулалiс по-чётнöй караулын Владимир Ильич Ленин горт дорын...

— Дедö, а дедö? Мыйла нö дядя Лениныслысь портретсö он веж?— пондiс тельгыны булки бандзибьяса Серёжа.— Быдлаын дядя Лениныслөн портретыс ыджыд да мича, а тэнад ичöтик да чукрасьöма. Дедö, ньöб ыджыд портрет, мичаöс. Но?

Дзормöмысла байдöг гөн кодь еджыд юрсиа, зарни погоньяса генерал мелiа кутлыштiс инас öш-йитöм Серёжа внуксö.

— Абу пыр ыджыдын да мичлунын портретыдлөн доныс. Тайö ичöтик портретыс меным медся дона, самöй ыджыд картинаясысь, кодьясöс рисуйтiсны ылöдз нималысь художникьяс.

— Мыйла нö?— чуймис Серёжа.

— А кöсьян кö, ме тэныд висьтала тайö портретыслысь историясö?

— Кыз нö ог! Висьтав, дедушка.

— Но, кывзы...

* * *

Берег дорын вуграсис няйтысла да жарысла варчöм кокьяса детинка. Ас дöраысь вурöм гачыслысь кок помьяссö пуджöма лидзöсöдзыс. Дöмаса дөрöм сайсьыс тыдалiс сьöдöдз гожьялöм морöсыс. Нярьялöм шабдi кодь небыд юрисыс чикыльясөн лэччöма синкымъ-

ясöдзыс. Детинкалөн чужöмыс вöли беринöсь, быттьö ськөд орччөн прöйдитöма телегаа вöла да резыштöма нйит чутьясөн. Чöдлач синьясыс сюся видзöдiсны вералысь ва вылö.

Зонка öвтыштiс шатиннас, и лыа вылö шлапкысис эзысь тасьтi кодь ляпа. Чери чеччыштiс гоз-мöдысь да пыр жö вевттьысис лыаөн. Детинка чышкыштiс лыасö, суйис кыйдöссö сумкаö.

Мыйкö дыра вуграсьöм бöрын мөдöдчис мунны водзöджык. Регыдөн туйсö сылысь потшис пөрöм коз. Зонка лажыньтчис, быйкнитiс-петiс лапьяс костöд пу сайö да тököтьö эз зурась сэнi пукалысь гöгрöс öчкияса дядькөд.

«Шыш!»— повзис зонка. Сийö тöдiс тайö мортсö. Некумын тöлысь сайын öчкиа дядьсö вайöдiс сиктö югыд кизьяса урадник да сэки жö скöрысь висьтавлiс сиктса йöзлы:

— Государственнöй преступник. Бунтовщик. Царлы да отечестволы паныд сувтiс. Мед некутшöм сёрнибасни ськөд эз вöv!

Урадниклөн прöz бöрын сиктса пемыд мужикьяс да бабаяс ёна полiсны вайöдöм мортысь, нимтiсны сийöс шышөн.

Öчкиа дядьö кызкö аслысног мелiа нюмъөвтiс, ышöдiс лөнъ гөлöснас:

— Лок, лок, молодец. Эн пов. Кызди тэнад нимыд?

— Васька... Василий Малинин, — о́два кывмөн вочавидзис детинка.

— Но, Василий, уна-о́ шедіс чериыд?

Ошйысьны вөлі нинөмөн: өти пөвтан, а мукөдыс — поснияс.

— А ме унджык вугралі. Со видзөдлы, — дядьо мыччис детинкалы бура ыджыд туис, көні куйлісны нитшялөм бокьяса сынъяс.

Детинкалөн чөдлач синьясыс быдсөн пемдылісны завидьысла. Сэсся сійо төдлытөг пукис дядьокд орччөн. Ачыс сйосис сёрнио:

— А кутшөм сам вылө нө?

— Номыр вылө.

— Номыр вылө? Коді тай...

— Да, да, — гөгөрвоис дядьо. — Зэв бур сам. Ме век сійөн вуграся.

Васялөн полөмыс разалис асыя ру моз. Думнас весиг дивитны пондіс ас сиктсаяссө, кодьяс нимтөны татшөм бур дядьосө бунтовщикөн. Буди, йөйөсь-а.

Дядьо босьтіс косіндзи ныр вывсьыс өчкисө, чышкыштіс рузумторйөн стеклөяссө. Видзөдліс детинка вылө, юалис:

— Вася, а кызди-мый тэнад делөясыд грамота кузяыд? Кужан он лыддысьны-гижны?

Детинкаөс чуймөдіс татшөм юасьомыд. Некод на та йылысь эз юасьлы сылысь. Топөдліс пельпомьяссө:

— Кужышта неуна. Кык класс помавлі. Окота эськө водзө велөдчыны, да кысь босьтан — бать-мамлы отсасьны колө гортса уджьяс вылын.

Дядьолөн раминик синьясыс быттьө зэлалыштісны. Мыйкө дыра видзөдіс йөктысь таб вылө, но вугыр шатинө эз кутчысь.

— Да, Вася, став Россия пасьта тиян коддьөмыслөн олөм-вылөмыс өткодь. И не сөмын челядлөн. Сьөкыда овсьө уджалысь мортдылы. Ок, сьөкыда! Но Россия садьмө. Садьмө, Вася! — дядьолөн гөлөсыс чорзис. — Кыптө выль вын. Сөвмө революция. Вежөра йөз гөгөрвообны, мый му вылын оз вермыны овны мирөн нартитысьяс да нартитанаяс. И мед оз төрны ку

пиас царскөй палаच्याс, мед йөрта-лөны медбур йөзсө тюрьмаясө да ысталөны ссылкао — революция лоас. Му вылын көзьяинөн лоас прөстөй народ!

Васялөн весиг сьөлөмыс кынмыліс. Кызди нө тайө мортыс сар вылө лысьтө воны?

А дядьөыд быттьө лыддис Васялысь думьяссө, водзө нуөдіс «омоль» сёрнисө:

— Вот менө урадникыд бунтовщикөн шуис, сиктса войтыр шышөн нимтөны. А төдан-ө тэ Вася, мый ме тшөтш бур олөм вөсна төждыса? Сы вөсна и веськалі татчө. Абу шыш ме, пиук, а революционер. Гөгөрвоин? А шуоны менө Игнатий Анисимовичөн...

Гортас воөм бөрын Васяөс дыр на мучитісны дзуг мөвпьяс. Сьөкыда пукисны юр вемас Игнатий Анисимовичлөн кывьясыс. Торйөн нин сійөс чуймөдіс «революционер» кыв. Онтай детинка полис юавны, мый сійө лөб, а өні окота лоис төдмавны. Дыр падьялөм бөрын, бать-мамсыс гусьөн, детинка кыйкнитіс выль төдсаыс ордө.

— Лок, лок, Вася. — Игнатий Анисимович быттьө виччысьома нин. — Пуксы, шойччы.

Игнатий Анисимович оліс Одой баблөн пөлыньтчөм керкаын. Виль олысь овмөдчөм бөрын Вася татчө локтіс первойысь на. И медводз, мый сійөс шензөдіс, вөліны книгаяс. Найө куйлісны пызан вылын, пу крөвать улын, поздысьомаөсь енув пельөсө. Та вөсна кажитчис, мый книгаяс кындзи жырын некутшөм олас-вылас сэсся абу.

Вася матыстчис пызан дорө, видзчысьөмөн босьтіс киас руд коркаа вөсньыдик книга. Лыстыштіс гоз-мөдысь. Лыстыяс костысь лэбзыштіс-усис ки пыдөс пасьта портрет. Портрет вывсянь детинка вылө видзөдіс чегөм синкымьяса, читкыра синьяса дядьо. Васялы кажитчис, мый сійө кыськө аддзыліс нин тайө мортсө, сөмын нимсө вунөдіс-а.

— Игнатий дядь, коді нө тайө мортыс? — дыр чөв олөм бөрын смелмөдчис юавны детинка.

— Тайө? Тайө ыджыд морт,

Вася. Россияса медся ыджыд «бунтовщикыс», медся ыджыд революционерыс. Царлөн медся мустом мортыс. Тайо — Ленин.

— Ленин? Революционер Ленин? А мый но сийо революционерыс лоо, Игнатий дядь?

Карасин лампалон чусыд югор улын Игнатий Анисимовичлөн синьясыс гусьонник кодзловтлысны. Тодчис, мый сылы любо лои тайо юасьомыс.

— Эк, Вася, Василёк, ме съолөмөн кыла: тэ кутан овны выль олөмөн, кутан овны шуда му вылын. А сийос, шуда олөмсө, вочасны большевик-революционерьяс, кодьяс сулалөны помещикьяслы, фабрикантьяслы паныд, царлы паныд. Көть уна революционерос нин пуксьодисны тюрьмаясө, ыстисны ылі ссылкао, но налөн лыдыс лунысь-лун содо. И некушом лёк вын оз вермы подтыны локтысь Революцияос!

Тайо кывьясыс Вася онтая моз бара на повзис. Сийо эскис Игнатий Анисимовичлөн кывьяслы и сэк жө эз гогорво, кызди поэо вөтлыны сарос. Од сар — сийо муывса ен, а енлы сиктын эскөны ставон.

Кор Игнатий Анисимович лангыс да мыйкө мөвпалитыр пондис восьлавны комната кузя, Вася бара шыодчис сы динө:

— Дядя Игнатий, а тэ Ленинсө аддзылин матысянь?

— Гашкө, аддзыли, гашкө, и эг, — лөня вочавидзис Игнатий Анисимович. — Од тайо ыджыд мортыслы лоо овны гусьон, дзбсаясны царскөй жандармьясыс да сыщикьясыс. Сылы ковмыло вежны не сомын нимсө да овсө, но и чужомсө. Та вөсна весиг ме, революционер, эг тодлы, волис али эз сийо мяян гуся сходкаяс выло.

Детинка пыр на кутис киас Ленинлыс ичотик портретсө. И кызкө эз эскысыс, мый буретш тайо мортыс и эм большевик — революционерьяслөн нырщикыс, кодыс полө весиг ачыс сарыс.

— Тодан мый, пиук, — кызкө эзв меліа шуис Игнатий Анисимович, — босьт тайо портретсө аслыд.

Видз сийос синмөс моз, некодлы эн петкөдлы. А воас кад — тэ ачыл, гашкө, аддзылан Ленин өртос. Ме чайта, тайо кадыс абу нин ылын.

Та бөрын и чужис Вася юрын мөвп — быть аддзодлыны голь йозос дорйыс Ленинос. Ленин өртос. А регыд кывсис, мый Игнатий Анисимовичос өти войо урадник нуодөма матысса уездной каро.

...Кадыс гогыльтчис-тэрмасис джуджыд кыр вывсянь лэдзөм из моз. Вася Малинин быдмис-туис, нэриник детинкаыс лоис зумыд тэ-часа зонмөн. И бать-мамыс немыдз эз кужны мөвпыштны, мый налөн уджач да шань пиныс важон нин оз эскы ни сарлы, ни енлы, а дзбасайнын видзө главной «бунтовщиклыс» портретсө. Эз кужны чайтны, мый сиктө вайөдлөм «шыш» кодзис Вася съолөмө сэтшөм көйдыс, кодыс быдмис олөм выло дзык мөд видзөдлас.

Сэся лоис вөвлытөмтор. Веньдор сиктө локтис юор, мый сарос путкыльтөмаось, а властьсө босьтөмаось большевикьяс. Первойсө некод эз эскы. Но регыд сиктө пондисны воавны ротйысьом шынельяса, гөрд лентаа шапкаяса салдатьяс. А кодсюрө и винтовкаясөн. Отчыл найо чукөртисны сиктса йозос скод выло да шуисны:

— Кызди и став Россия пасьта, талунсянь Веньдор сиктын котырта Советскөй власть, уджалыс йөзлыс власть. Озырьяслыс мусө кутам юклыны гольяс костын.

Вася Малинны эз терпитсы, мед не петкөдлыны дона подаркисө. Скөд заводитчытөдз сийо мычис портретсө өти салдатлы да юалис:

— Тоданныд-ө, коді тайо мортыс?

— Кытыс тэныд сюрис? — чуймис салдатыд. — Тайо жө мирөвой революциялөн вождь — Ленин!

Портрет ветлөдліс скөд выло чукөртчөм йөзлөн кыыс кио. Быдөн көсийсны кутны портретсө дырджык, кольны паметяс гольлуныс мездыс мортыс өбликсө. Медбөрын портретыс веськаліс сиктса кулак Одөким Микул кабырө.

Одөким Микуллөн гөнсялөм чу-

жөмыс векыштчыліс, быттьо кучкис паралич, көрт тувьяс кодь ёсь синьясас öйыштлісны лёк бияс. Ок, кутшөм öкота эськө вöлі сылы косявны картинаа чорыд бумагасө. Но эз лысыт. Тöдiс: косялас кө портретсө, сиктса войтыр асьсө косявласны лестукöдз. Öд Ленин индöд сerti талун голь крестьяна пöлучитасны му.

Вася Малинин зывöка видзöдліс Öдökим Микул вылө да босьтiс сылөн гöна лапайсы портретсө. Чышкыштiс ки мöдзнас öтар-мöдарöдыс, быттьо портретыс усылiс няйтö, да бöр дзевис.

...Эз, эз дыр удайтчы шойччыны сиктын гöрд бантъяса салдатъяслы. Эз удайтчы тöрытъя батракъяслы пöттöдзыс сёйны небыд нянь асланыс му вылысь. Ю кузя буткигтырйи кайис пароход, кыскис ас бöрсыс баржатыр белогвардеецсө. И пыр жö прездыясын кыпöдiсны юръяснысö раммылөм купечьяс да кулакьяс. Василий чöвтiс мыш саяс ноптор, пельпомас кöлысалiс важирик берданка, а морöс бердас пуктiс медся донаторсө — Ильичлысь портретсө. Мунiс вöрö, партизанавны. Боевöй другьясөн сылы лоисны коммунистьяс, гöрд лентаяса салдатъяс, сиктса активистьяс.

Абу конки партизанскöй олöмыд: и тшыгылöмыд, и кынмалöмыд пыр сьöрсөйд. И бойяс, сьöкыд бойяс. Американскöй галетьясөн тшöгöдöм, английскöй шынельяса белогвардеецьяскöд бойяс. Сöветскöй власть вöсна бойяс.

Дженъыдик шойччан здукьясö пукалöны партизаньяс бипурьяс дорын, казътылöны сиктъясö колльöм рöдвужöс да тöдсаясöс. Гажтöмтчö гортсаясыс и Василей, но сiйö тшöтш волö думъяснас ылöылö. Пыр мөвпавсьö зонлы сiйö ыджыд морт йывсыс, кодi вöрзьöдiс став мирсö, кодi сетiс уджанысь войтырлы вежөр да сямлун босьтны властьсö ас киö, кодi мездiс решетка сайысь Правдаöс, Справедливостьöс, Равноправиеöс.

«Ок, адзöдлыны кө эськө Ленин ёртсö, сёрнитыштны ськөд выль олөм-вылөм йылысь», — частö мөв-

павліс том партизан. И некор эз чайтлы Василий Малинин, мый збыльмасны Игнатий Анисимовичлөн кывъясыс, мый сылы збыльысь усяс шуд адзвывны Ленинöс. Но адзвывны оз сiдзи, кызди көсйис. Рöдиналөн да став мирлөн медся шог лунъясö удайтчис адзвывны Малининлы Ильичöс...

Гым-чардөн, йиркөдчигтыр пуркнитiсны биа вояс. Вендор вöлөстьысь, Коми муысь, Сöветскöй Россиялөн быд пельöсысь рабочöйяслөн да крестьяналөн Гöрд Армия көрт роскөн чышкыштiс белогвардейскöй бандаясöс да быдсикас интервентьясöс. Том Сöветскöй Россия пуджис сосъяссö, пондiс стрöитны мирнöй олөм. Тшöтш көсйис кутчысыны гөр бердö и Василий Малинин, но Революционнöй Комитетын сылы шуисны:

— Малинин ёрт, Сöветскöй власть дорйигөн тэ петкөдлiн асьтö бур коммунистөн. Тэныд и водзö ковмас дорйыны Великöй Октябрлысь шедöдöмторсö. Ми ыстам тэнö велöдчыны военнöй школаö. Гöрд Армиялы колöны грамотнöй командирьяс.

И со революциялөн чужанiн — Петроград. Авиационнöй школаын велöдчигөн коми пармаса пив, курсант Василий Малинин первойысь адзис самолёт, первойысь кыпöдчыліс енежö. Кыпöдчыліс эз öтнас — ськөд вöлі Ильичлөн портретыс. И кор школаса командир ошкыліс коми зонмöс бура велöдчöмысь, Василий Малинин ас думнас аттöавліс портретсö, кодi пыр куйліс сьөлөм бердас партийнöй билет костын, кодi пыр отсавліс венны сьöкыдлуньяс. Ськөд конъыдджык вöлі воюйтны, конъыдджык вöлі велöдчыны.

Василий буретш ноксис самолёт дорын, кор нораа горöдiсны карса заводьяслөн, фабрикаяслөн, электростанцияяслөн, паровозьяслөн гудокьясыс. Кажитчис, мый великöй странакод тшöтш пондiс сыркакывны-бöрдны сынöдыс...

Курсантъяслөн измөм строй водзын сулалiс шапкатөм командир. Сьöкыд нöшкөн кучкалісны юр вемö сылөн кывъясыс:

— ...Талун кувсис... Владимир... Ильич...

Командирлөн вазисны синъясыс. Вазисны синъясыс курсантъяслөн. Вазисны синъясыс Василий Малининлөн, кодлысь синвасё эз вермыв перйыны весиг белогвардейскöй пуля. Василий кыскис съёлём бердсьыс партийнöй билетсö, паськөдіс сійöс. Портрет вывсянь видзөдіс чегём синкымъяса, читкыра синъяса морт. Видзөдіс ловъя Ленин.

...Сьöкыд, вывті сьöкыд вöлі тайö туйыс. Сьöкыда ышлолалысь поезд вайöдіс Москваö партийнöй организацияслысь, рабочöйяслысь, интеллигенцияслысь, военнöйяслысь делегациясöс, кодъясöс ыстис революционнöй Петроград, медым колльöдны медбөръя туйö мирöвöй революциялысь вождьöс. На лыдын вöлі и курсант Василий Малинин.

* * *

— Дедö, дедук, мый тэкöд?— шöйöвошис булки бандзибъяса Серёжа.— Вай висътав водзö.

Дзормöмысла байдöглөн кодъ еджыд юрсиа, зарни погонъяса генерал тіралысь киясөн босьтіс пызан вылысь каллянсö, öзтіс. Буракö, курыд тшыныс веськаліс синъясас, и генерал гусьöникөн чышкыштіс найöс. Пыдісянь кыскыштіс табак тшынсö гоз-мöдысь да вöлисти бергöдчис детинкалань:

— Эз удайтчы меным, пиук, адзывны ловйөн Владимир Ильичöс... Почётнöй караулын сулалі сълөн горт дорын...

Генерал малыштіс Серёжалысь летём шабді кодъ небыд юрсисö.

— Тэ öні гөгөрвоин, пиук, мыйла тайö ичöтик да чукрассьöм портретыс меным медся дона?



БЕРАФИМ ПОПОВ

Шүгөрсө

ЗОН

ПОЭМА

1

Пуксый, челядь, ыджыд кытшө,
Сэсся ланьтөй ті.
Чайта, кывзыны оз дышөд
Өти ыджыд висьт.
Регыд воас югыд праздник —
Миян Гөрд Октябрь.
Асья кыаысь на ярджык
Сылөн биа флаг.
Тиян том олөмныд шуда,
Ставыс тырмө, эм,
Сөмын аттьөавны кужой
Ассьыныд бур нэм;
Быдмөй, велөдчөй да бөрийөй
Сьөлөм серти удж,
Кужой лыддысьны и гөрны,
Радейтны бур мудз.
Петас тиянысь учөнөй,
Врач и инженер.
Ставлы өтмоз лоө дона
Чужан мулөн эрд,
Кодөс Рөдинаөн шуам,
Дона челядь, ми.
Сийө став му шарлы нуө
Выль олөмлысь би.
Некор вунөдлытөг колө
Төдны сылысь дон...

Коми муын коркө оліс
 Тіян кодь жө зон...
 Сійө вөлі сюсь да тэрыб,
 Вөр-ва шуднас рад,
 Но эз тувсов шоныд зэрөн
 Мусө мыськы кад.
 Шонді петалис, но сөйис
 Сійөс кымөр йир.
 Қырныш чукөр татчө воис
 Қисьтны йөзлысь вир.
 Эжвасянь Печора вожөдз
 Сатшис сылөн гыж.
 Кык кузь төв да кык кузь гожөм
 Кыссис чорыд тыш.
 Төдны, челядь, бура колө
 Мездлуныдлысь дон...
Шугөр сиктын сэки-й оліс
 Дас арөса зон.
 Лок вай, Костя Никифоров,
 Татчө өні лок!
 Но оз кыв Печора дорысь
 Тіян дона вок...

Изъяс костөд кывтө Шугөр,
 Вильшасьөмнас збой,
 Койө сөстөм асья югөр
 Сылөн эзысь войт.
 Мыйла талун өшинь дорас
 Костя вывті рам
 И оз кыв, көть сійөс корө
 Аслас муса мам?
 Батыс котөртис комбедө,
 Мыйкө дыр оз лок...
 Ичөт сьөлөмлы тшөтш шедө
 Чужан сиктлөн шог.
 Сійөс тшыглун дойдө-личкө,
 Қуйлө уджтөг пань.
 Бара некодлөн эз вичмы
 Тулыс кежлө нянь.
 Закар Егорлөн, дерт, тырмө,—
 Удждысьны оз пет,
 Қиыс жытник бердас сырмө.
 Весиг кыд оз сет.
 — Босьтам!—
 Шуис зонлөн батыс.
 — Тадз вөчас комбед:
 Небыд көвдумыд быд пачын
 Отчыд лоас мед!..
 Костя төдө, ставсө төдө,
 Отсасьны тшөтш дась.
 Овны медводдза во мөдіс
 Гөль войтырлөн власть.

Щугөр сайын кырныш чукөр
Гартчө лун и вой.
Закар Егор сылы юкө
Гуся лөг да дой.
Котөрт, Костя, өдийө котөрт,
Бательы юөр ну!
Аддзан, звермөм кулак котыр
Вуджө Щугөр ю.
Оз өд вывти ыджыд радлун
Сийө татчө вай:
Водзас восьлалө урадник —
Огаш Микулай!

4

Костя уськөдчис...
— Тэ кытчө?—
Равөстис бандит.
— Висьтав меным, ичөт кычан,
Қодлөн лоан пи?
Закар Егор зонмөс төдө:
Тайө сылөн ай
Ыджыд жытникъяссьыс мөдис
Гөльы корсьны пай.
— Мама-пиаөс ми... рытнас!..
Чөвтис мөд бандит.
— Нолтөсь, няньтө юклө кытөн
Тиян коммунист?
Щугөр бөрдө, Щугөр ойзө,
Воштіс шуд да мир,
Шомпол йылөн вөчөм дойысь
Муө киссьө вир.
Өкмыс кырнышкөд тшөтш орччөн
Қывтө сөт да мать.
Костя писө синнас корсьө
Никифоров-бать.
Қисө көрталісны сылысь,
Нетшкисны быд кизь.
Өкмыс штыклөн өкмыс йылын
Өкмыс югыд визь.
Но эз копырт батыс юрсө,
Прөща кыв эз кор...
Йөла шыөн төвзис нюрсянь
Өкмыс биа стволысь вурсьөм,
Өкмыс лыйөм гор.

5

Щугөр бөрдө, Щугөр ойзө,
Сылөн шог оз ям.
Бательысь сывъялісны шойсө
Ичөт пи да мам.
Сылөн русыд юрси пратьөн
Ворсө вильыш төв.

Кырныш чукөр нуис татысь
Быд керкаысь чөв.
Воддза рытнас — весьтас йөрөд!—
Сёрмыны эз позь!—
Мама-пиаёс съöd вöрын
Дзевис пашкыр коз.
Мамлөн синва шорён тюрö,
Зонлөн синмыс кос.
Сыысь, чужис нин мый юрас,
Нинöмысь оз кос.
Ичöt кабыр — зумыд гөрöд,
Биён öзйö сям.
— Гөрд отрядö меным пöра
Мунны, мам!..
Мамсö пыр на пöдтö синва.
— Костя, ланьт... Ог лэдз!..
— Съöлöм пытшкын бательöн нимöн
Корся нянь и мезд!..
Уна дзоридза лөнъ эрдын
Ещё öти гу.
Костя копыртчис сы бердö,
Окалис пöсь му.

6

Чужан муын тшыг и кöдзыд,
Мургö тышлөн гым,
Мöдöд во нин мусö кöдзö
Сöмын шер да лым.
Щугөр толаясö пырис,
Воис төвся кад.
Кырныш чукөрöс тась зырис
Миян гөрд отряд.
Тэрыб вöв вылын Зарубин —
Повтöм командир.
Сылөн сабля, бытьö югөр,
Койö лэчюд дзирд.
Костя сы динö, но полö,
Чужöмыс тшöтш дон,
А Зарубин:
— Кыдзи олан,
Щугөр сиктса зон?
— Босьтöй менö гөрд отрядад,—
Артмис сылөн друг.
— Сус пу кутас видзны ягын
Лыйлöм бательысь гу...
Лэччис вöв вылысь Зарубин:
— Ичöt на... Он туй!—
Öд Сибирöдз öнi вуджны
Кутам съöжыд туй...
Коми йöзлы нянь сесь ваям,
Тэ тшöтш лоан пöt.
Ленин тшöктис вöчны тайöс,
А эз кодкö мöд!
— Бо-о-сьтöй!..

Ыджыд кыв ме сета,
Кодӧс нэм ог вудж:
Корсьны батыӧ пыдди пета
Чужан мулы шуд.
Командирлӧн нюмыс воссис:
— Со кутшӧм тэ ён!
Сідзкӧ, босыт винтовка, Костя,
Щугӧрса смел зон!..

7

Витӧд лун нин ӧти серпас:
Руд енэж да из,
Тӧдтӧм вӧралысьлӧн керка,
Букыш Тӧв Поз из.
Ой, Урал, тэ кутшӧм шуштӧм,
Турӧбъяснад йӧй!
Гӧрд отрядлы туйсӧ кушты,
А эн лымйӧ вӧйт.
Сійӧ кыссьӧ Обь ю дорӧдз,
Кӧні Ляпин грезд.
Изъя ордымъяссӧ дорис
Помтӧм кыксӧ верет.
Костя мудзис, но оз висытав,
Мунны, мунны дась.
Мамыс сетис сылы киссьӧм
Медбӧръя важ пась,
Ставсӧ, керкаас мый вӧлі,
Тшӧтш и синва вӧйт...
Енэж шӧрын кодзыд тӧлысь.
Ӧзйӧ бипур.
Вой...
Турӧб шутлялӧ зэв гора,
Оз тӧд мортлысь мудз.
Кодкӧ пуксис Костя дорӧ,
Шыӧдчис:

— Он узь?..

Командирлысь гӧлӧс кылӧ,
Тӧдӧ сылысь ки.
— Шонді петтӧдз зэв на ылын,
Ылын дона пи!
Век жӧ, воас сійӧ кадыс,
Кусас ыджыд кось.
Миян мулы шуд да радлун
Вир кисыттӧг он корсь!
Сэк тэ книга босытан, Костя,
Тшыг олӧм он ну,
Ассыс мичлун тэныд восьтас
Миян Коми му!..
Бипур дорын Костя узьӧ,
Аддзӧ мича вӧт...
Сылӧн нэмыс ёна кузь-ӧ!..
Мыйла нӧ оз тӧд?

8

Ӧшйис миян вӧр-ва весьтӧ
Гӧгӧрбокся грӧз.

Командирыс дыр эз казав,—
Омоль ворсөм — тыш!—
Сылысь веськыд флангсö разис
Вөрöглөн ён кытш.
Тайö кытшас Костя коли:
Петны вöлі сёр.
Сы моз куйлісны сэн нельён,
Ранитчөм нель ёрт.
— Кула татчö, но ог сетчы,
Джагав няньнад, зверь!..
Сэк жö пидзöс вылас лэччис,
Лымйö турбыльтчис да пессис
Еджыд офицер.

10

Эм быд шорлөн, юлөн, вислөн
Чужан йыв да вом.
Ог на пукты тайö висьтлы,
Дона челядь, пом.
Мöдысь овны, дерт, оз ловзвы
Щугöрса смел зон...
Враглы козынавны эз повзвы
Медбөръя патрон.
Сэк жö төвзис Ленин дорöдз
Коми мулөн шог:
Ыджыд воклысь отсөг корис
Вöрын олысь вок.
Вöлі вой, а гашкö, асыв,—
Висьтавны ог куж!—
Миян вождь эз лыда часөн
Артав ассьыс удж.
Буретш татшöм узытöм кадö
Сийöс суис дой...
— Тадзи,— шуис,— миян радысь
Усьö том герой!..
Чöла мөвпалöмөн ветліс,
Мукöд дой эз кыв.
Пыр жö Реввоенкоматлы
Гижис куим кыв.
Сылөн куим кывйыс, пиян,
Чардысь вöлі ён..
Оз, оз кувлы некор
Миян
Щугöр сиктса зон!
1966 во.

Лун заводитчө асывсянь

8

ФЕДОР МИХАЙЛОВИЧ мөд вежон куйлис Сыктивкарса больничаян. Дыр эз сетчы, но висьом век жө личкис. И коть доктор эскөдіс, мый регыд бөр сувтас кок вылас, ёна эз эски. Одвакө нин сэсса удайтчас ас кокөн кайлыны паськыд ягъясө, көні коли нэмыс, морөс тырөн лоловны вөрса сөстөм да чөскыд сынөднас. Оз удайтчыв аддзывны и гырысь пожөмъяслысь пөрласьөмсө, непөштө аслыс найөс пөрлөдлыны. Арлыд да кад босьтөны ассыныс. Наысь он пышйы. Ок, чукөртны кө өти чукөрө став керсө, кодъясөс аслас киөн увйивлис да орлөдлис Ярков, артмас прамөй ыджыд чукөр. Гашкө, весиг өти гожөмын Вөрью кузя кылөдны он вермы. Дзик бара сідзи, артыштны кө став керсө, кодъяс динө кутшөмкө ногөн нелямын во чөжөн инмылис сылөн кыис.

— Эн на өшөд юртө, Федор Михайлович! — Ярковөс ышөдіс доктор Валентин Владимирович. — Эн вунөд, тэ — Ярков! Вөрью кузялаын медся нималана мортыс. Кутан на вөравны и чери кыйны. Кутан на крут кыркөтш вылын панявны свежөй юква либө вөрса керкаын азыма сөйны чөскыд дозмөр шыд...

— Оз нин ло тайө, Владимирович! — доктор кывъяс бөрын ышлов-

зьявліс Ярков и мыйкө дыра кежлө ланьтыштлөм мысти содтывліс: — Но и мед! Колө и томъяслы места сетны! Дыр-ө ме кута государстволысь деньга босьтны весь олөмысь? Абу велалөма менам та вылө. Уджавны оз жө сетны-а...

— Уджавны!.. — вашъяліс доктор, быттө сы водзын куйлис дзикөдз нин вошөм морт. — Удж йывсьыд вунөд. Вөчин ассыд пай... Уджыд миянлы, томъяслы, мед колө. А тэныд — берег дорын чөскыд юква да яг нөрысын дозмөр шыд. И бур стопка! О, кутшөма сійө лөсялө колана кадө!.. Ветлөдлыштам на ми тэкөд Вад тыбокса гажа ягъясөдыд!

Шань сьөлөмыс Валентин Владимировичлөн. Ярков тайөс бура төдө. Сійө кадсянь на, кыдзи том доктор, институтсө помалөм бөрын, воис Пармаө да восьтіс больнича. Медводдза доктор Вөрью кузялаын. Сыөдз сиктын сөмын фельдшер вөлі.

Буретш сійө кадас Ярков ёна дойдіс коксө. Том доктор вьлө больничаян кык вежонөн кок йылө сувтөдіс вөр лэдзысьөс. Мыйта сэсса та бөрын Ярков новлөдліс бурдөдысьсө ягъясті, кымын вой отлаын узьлісны ноддя дорын. Радейтіс Валентин Владимирович вөрөд шлөнъявны. Мукөд дырйиыс коть куш киөн воас — веськодь, оз дөзмы. Пыр дась мөдысь кайны вөрө. Тайө торйөн воис сьөлөм вылас Федор Михайловичлы: пияныс сылөн

* Пом. Заводитчөмыс тавося колян номерьясын.

пищальтё кианыс шоча босьтлывлёны, коть вёрын быдмисны.

Дзик на неважон быттьокё Валентин Владимирович уджаліс Пармаын, а о́ні со карса больничайн докторалё. И Ярков бара веськаліс сы ки улё. Майбыр тай, томъясыдлы! Быдмёны.

— Мыйкё и пияныд видлыны оз волены,— о́тчуд обходсё вочигон шуис доктор.— Он гажтёмчы?

— Мый морла налы татчё? Гортанис нё налы нинём вочны?— Федор Михайлович видзёдліс Валентин Владимирович вылё. Думсьыс кёсийс тёммавын: кызди гогорвоны докторлысь кывьяссё. Гашкё, мый дыра на ковмас куйлыны? Но тайё лёк думъяссё Ярков кутіс ас пыткас.— Ачуд жё шулін — регуд кок вылё бёр сувта... Сідзкё, горто воа, ачым аддзысьла быдёнкёд...

— Но, но! Кыв вылын менё эн кый!— бара вашмуніс Валентин Владимирович. Нюмыс сылөн пыр важ кодъыс: восьса, челядълён кодъ.— Ас саяд ставыс. Эн сетчы висьомыдлы, со и ставыс. Шуа тай: кутам на ми тэкёд Вёрьюысь чери кыйны... А пияныд... Нинём лёкыс оз ло, волосны кё тэнё видлыны... О́ні тай Пармасынъыд туйыс вель дженъыд: час джын самолётён... Абу важъяыд. Сэки вёлі лун куим кыссян карёдыд...

— Да, час джын,— жалитёмон-моз ышловзис Ярков.

— Эн шогсы, старик!— Доктор казяліс висьысьлысь шогсё, небыд кинас тапнитіс Ярковлы пельпомас.— Ми тэкёд ветлам на ягё дозмёр сёйны...

...«Да, час джын,— доктор мунём бёрын думайтис Ярков.— Тайё — збыль. Менё со ачымёс татчё час джынён вайисны. Дерт, и войдёр карсянъыд эз вёв ылын: сё ветымын верст. Он и тёдлы, туй костыд коляс... Оти сиктын тёдса, мёдын... Коть быдлаын гёстит. А машинаыд, кор найё лоисны...».

Веськыда кё шуны, Федор Михайлович эз на лёсьодчы кувны. Тайё думыс сылы некор эз волев. И сійё эз эскы, мый быттьокё кодкё окотапырысь лёсьодчё медбёръяысь лолыштны, коть мед сё арёс сылы

тырё, коть мед кутшём висьомён висьё. Быдён кёсийоны дырджык адззыны вольной светсё, мича вёрвасё, лолавны чёскыд сынёднас. Ярков томысянь эз тёд енмёс, эз эскыв мёдар югыдё, и, вермис кё, некор эз вод эськё больничаса чорыд койка вылад. Быдторыйс нин сы вывті муніс, бурыс и лёкыс, и ещё лёкджыкыс вермас лоны сёмын о́титор: олёмыслы пом. А кадыс о́ні сэтшём, овны да овны сёмын, уджавны йёзкёд радысь.

Ярков эз кывзысь палатаын куйлысьяслён сёрниясё, унджык кадсё куйліс крөватъ вылын, шебрассё бокё вештёмён. Казытьвліс кольём вояссё, уна вося олёмсё и сёмын шочиника кыссьывліс улич вылё. Сэні вижодісны кызьяс да топольяс. Ярков зіліс думнас казытьвын, кутшём мичаёсь тайё кадас Вёрьюса ягъяс да давъяс. Коть о́ні сійё ылын, но сэтчёсса егыръяс, паськыд ягъяс син водзасёсь, некор оз вунлыны: гажаёсь тулысын и арын, мусаёсь гожомын и тёлын. Накёд йитчёма да гартчёма Ярковлён став олёмыс.

Кутшёма на коліс олыштны гозмёд во! Квайтымын вит арёсыд абу на сё. Торъя нин сэк, кор кылан кокъясад и морёсад вын, и верман на вочны йёзлы бур.

Пиян вёсна ыджыд шог эз вёв. Асшёр туй вылынёсь, олёны асланыс олёмён. И век жё вёлі жаль, мый эз кыкнанныс лоны сэтшёмён, кутшёмён эськё бать кёсийс аддзыны найёс. Мыйла тадзи пырджык артмё? Васьякаёс ёна кулитны оз позь: батыслысь туйсё талаялё. А Никён кырлёдліс стариклысь сёлёмсё.

Гогорвоё бать, ставсё гогорвоё: мыйла Никён пышйыліс, мыйла о́ні гортас бёр кыскё сійёс. Ветліс сы мында во, а мый шедодіс? Важ потём вор дінё бёр воис. Олёмсё коть выльысь заводит. И медъя! Мед кужис сьёкыд кадас овны, эз ышты кокни туй вылё. Мукёдыс тай кужисны вуджны сійё сьёкыд вояссё.

Ярков сьёкыда ышловзис. Палатаын куйлысьяс чёв олісны. Тыдалё, доктор волём бёрад быдён думайтисны ассьыныс дум. Оз, Федор

Михайлович куйлысьясёс оз кулит некодос. Ставныс найо бур йоз. Но Ярковлы эз волы сёллом вылас наллон норасьомныс: арлыд выло, кольом вояс выло, памень вошом выло. Весиг вольной свет вылас мукод дырйи: мыйла томъяс — томось, а порысьяс — порысьось. Бытьёкко наллон няргёмон вермас мыйко вежсьыны. Но висьысьясид — висьысьяс и эмось: то воштыласны бурдом выло надеянысо да шогё усьлоны, то выле надеяон олоны.

Палатао мича бобув моз шпоркнитис-пырис сестра, вайис письмояс.

— Меным? — томиник нывкалысь юалис Федор Михайлович.

— Талун и тьяны эм!

Окота вёлі сёрнитыштны тайо варовиник нывкаыскод, кывны сылысь тюльодчан мелі гөлөссө, но сийо бобув моз жо и воши. Еджыд бобув моз, кутшомъяс гожомнад уна пыравлоны осьса ошиньод керкао.

Ярков ышловзис: вежыс петис томлун да мичлун выло, коді сылон аслас кольома ыло боро.

Письмомыс вёлі Стешасянь. Сийо жо гижыштас, а оз пияныс. Найо оз гогорвоны кыв-мод пасйыштны. Стеша юбртис, мый Никон гортын на, лосьодчо лэчыны каро. Гашко, по и батя дино пырала.

Водзо Стеша гижис сиктса да посёлкаса вьлиторъяс йылысь. И кымын водзо лыддис Федор Михайлович, сымын шог лои. Весиг эз эскыссы: мый вермис вочсьыны Вөрьюбын, кор сэни Миш Педор Ярков абу? Сылон од гог сюрөсыс гартчома Пармакод борья нелямын онас. Да, тшук нелямын во: Ленин кулан воо Федор Михайлович лои коммунистон.

Вояс, вояс! Тьянос модысь он ов. Дай ковмис ко, Ярково эсько олис сиджи жо, кызди колины воясыс. Пोजалуй, корсюрө сюсьджыкөн вёлі, ылысьджык аддзысьон. Гөрдодны да яндысьны аслас оломысь сылы оз ковмы йоз водзын ни аслас совесь водзын.

Но коть кызди да, делоясыс сылон больничаян век жо бурмыштоны. То ли кадыс отсало, то ли Валентин Владимировичлон уколь-

ясыс. Коскыс эз нин сэтшома борья луньясо юкаво, ветлодлыны лои кокныдджык. Окотанырысьджык нин петалис улич выло. Пукалис ыркалыштом шонди водзын, ветлодлис аллеяса кузя, кывзысис карлон ловшыо.

Ыджыд оськов вочома карыд борья воясас. Больничной городок гогор кыптомаось гырысь керкаяс. Вьл вокзаллань нюжодчом туй полон тыдалисны вьл керкаясесь еджыд кварталъяс. Вашьялоны гырысь каменной зданиеяс, нель да вит судтаось быдон. И машинаяс оти борся мод коставлытог журьялоны. Ыджыд оломон оло кар. А важон-о сэни вёлины картофель муяс да посныдик вөр.

Дум вылас бара уси аслас Пармаыс, Вад ты бокко борья кайломыс. Кутшом окотанырысь ветлодлис мича ягьясти, коть и кылис нин асьсыс висьомсо. Нимкодясис том йозлон уджон. Рад лои Ян да Сергей вөсна.

Федор Михайлович казтыштис, кызди во комын сайын заводитлисны жо вийодны сирсо. Но регыд эновтчисны: оз по вешты донсо. И они на кодсюрө серам сорон видзодоны сир вийодом вылас: аддзобамось по удж. Тайос быд нывбаба вермас вочны. Сэн по и нажотка оз во.

«Кутшом кузьось весь олигад луньясыс, кутшом ньожмыда муно кадыс, — ас кежсыс думайто Федор Михайлович. Кутшом окотанырысь эсько они сийо мунис пестерон да набурушкаон вөрө тшак вотны. Лунтыр дась копрасыны да чод вотны, мед сомын вөрын лоны. Но лоо куйлыны да ошинь пыр видзодны, кутшом ромъясон ворсо ывлавыв. — Эк, босьтны эсько асьсым важ двустволкаос, кайлыны коть час кежло яго... Кывзыштны, кызди ыджыд шыон вузля бокысь кыподчо чукчи. Он босьт!.. Проклятой радикулит! Морыс мед лыяс, коді думыштома сэтшом висьомсо. Да ещо гожом шорын. Арын ко — мед нин, гашко, кымы конко...».

Кажитчо, Федор Михайлович казтылис нин ставсо, мый вөвлі сылон олом чожыс. Майбыр, кадыс эм. Но оломыдлон пыдосыс вёллом оз

тыдав. Мыйта на вöчтöм. Казытыв-
лис том дырся вояссö да другьяссö,
ассьыс Марьясö, пиянсö. Унаöн нин
другьяс пöвстыс абубсь: кодi аслас
вольпась вылын кувсис, кодi война
воясö ловсö сетис, эз во гортас. Кы-
мын верстьö мужичöй öд сэки ас-
сьыныс олöмнысö сетисны талунъя
олöм ради, мед сийö, Миш Педöр
Ярков, сылөн пияныс, и пияныслөн
пияныс вöлины шудаöсь, мед та-
лунья и аския олöмыс вöли югыд,
сöстöм. Сийөн и скöралис Никöн
вылö бать, мый олö аслас сöвеств-
лысь юасьтöг, ас радиыс. Но тайö
öд сэтшöм на этша.

Федор Михайловичлы дум вылас
унаысь волö тестыслөн, Як Вась-
лөн, судьбаыс. Мыйта öд вöлины
коми сиктъясад Як Вась кодьясыд!
И öнi на, гашкö, эмöсь. Дерт, эмöсь.
Босьт кöть сийö жö Мирон Тикöнöс,
кодлөн вуджöрыс бара кыптылис
Вежьюын. Пармаын öтувъя овмöс
котыртчис во-мöд водздзык мукöд
сиктъясын серти. Артмис тайö
тадзи: машиннöй товариществоыд
кызкö ачыс öтувтис членъяслысь
муяссö. Посни торпырига видз да
му пластьяс вылад ытшкан да вун-
дан машинаыснад бергöдчыны сьö-
кыд. Öтилаысь мöдö новлöдлöм
вылö кадыс муно уна.

Сиктын муяссö юклисны вылысь.
Артельса членъяслы öтувтöм мусö
сетисны медся бурьяссö, матысь-
джык, öтчукöрысь. Босьтисны муяс-
сö и Вась Яклысь. Сылы сетисны
ылысса лыз муяс, кытчö, гашкö,
куйöдыс эмнас абу веськавлöма.
Игö Миронкöд öтвытчöмысь сылөн
нинöм эз артмы. Кызди и позис вич-
чысьны, Мирон босьтис сылысь день-
гасö, а сөсся зепталис.

Скöрмис Ярковлөн тестыс.

— Ог сет! Нинöм ог сет! Вöв ни
мöс! Ставыс аслам!— шуалис сийö,
сикт кузя öтарö-мöдарö шевкья-
лиг.— И муöс асьым ог сет! Веси
аслам внуклы — сийö öд антикрис-
тлөн жö быдтас, пернатöм!

Первойсö Ярков пыдди эз пуктив
тестыслысь тайö грöзсö. Но öтчыд
Марья локтис гортас да бöрдигтыр
висьталис: батыс мöд сутки гөрö,
вöвсö вердлытöг да лэдзавлытöг.

— Но и мед!— кинас öвтыштис

Ярков.— Окотасö пesyштас да дуг-
дас. Либö аслас эбöсыс бырö, либö
вöлыслөн...

Ярков век жö мунис видзöдлыны
тестыслысь гөрöмсö. И аддзис:
Вась Як, еджыд дөрöма да еджыд
гача, кöмтöм, брöд пöсялöмысла кö-
тасьöм юра, гöрис асьыс нюрбокса
вутшкось да васöд кук йöрсö, кöни,
дерт, немтор эз вермы быдмыны.

— Мый тэ вöчан?— горöдис Яр-
ков да кутчысис гөр воропас.

— Лэдз!— лёкысь чилöстöмөн
воча горöдис Якö, вынсьыс швачöб-
тис вöлыслы кузь леторосөн. Саврас
гöгөрвотöма видзöдлис мегыр увти-
ыс бөрвыв, легнитис йывмöм бöж-
нас, дышпырысь воськовтис водзö.

— Мый тэ вöчан, тесть?— Яккöд
орччөн восьлалигтыр вылысь юалис
Ярков.

Тестыс весиг эз вочавидз. Сэки
Ярков панйис сьöкыда пошиктысь
вöвсö, кутчысис сылы дом поводас,
сувтöдис.

— Мый тэ? Йöймин? Мый вылö
нюрсö да трундасö гöран? Аддзан,
бöрад ставыс няйт сьöд му кыптö?
Танi нинöм оз быдмы,— шуалис
Ярков.

Якö видзöдлис зятыс вылö быга-
лöм синьясөн, шуис:

— Меным сөсся некытчö... Ась-
ныд мусö мырддинныд. А ме сы
мында додь куйöд быд ар катли...

— Лэдзав вöвтö!— тшöктис Яр-
ков.— Вердышт неуна, а то, аддзан,
дзикöдз унежитöмыд. Муртса кок
вылас сулалö.

Сэки Якö кывзысис. Лэдзалис
вöвсö, лэдзис йирсьыны, а ачыс
катликтис гортас. Унатор йылысь
сэки Ярков висьталис тестыслы, но
пöльзаыс эз ло: кодзыда видзöдис
зятыс вылö шог синьяснас, эз гö-
гөрво, мый сылы тшöктöны.

— Вод да узь,— шуис Федор Ми-
хайлович.— А то ачыл кок йывсьыд
усян. Асывнас ме бара вола...

Кор асывводзнас Ярков локтис
тестыс ордö, сийö эз нин вöв гортас.
Вой шöрнас чеччöма, да вылысь
кайöма му вылö, войбыд гөрöма.
Вель ыджыд виль гөрöм сьöд му
пласьтвидзис Ярков водзын, руа-
лыштит асья шонди улын кокныдик
еджыд руөн, а тестыс пыр на

кытшлаліс сы гөгөр жуялём вөвнас. Рытъя моз жө еджыд гача да еджыд дөрөма, но гач коксянныс дөрөм волысөдзис сьод няйт. Тыдалө, абу нин этшаыс нюждчылөма сьод да няйт му вылас.

Ковмис мырдысөн дугөдны гөрөмсө, лэдзавны вөвсө, сой бордйөдыс вайөдны гортас гөрысьсө.

— Кытчө ме няньсө көдзны кута? Мый төвнас сёйны мөда?— пыр өтмоза кайтис Як.— Пернатөмъяс! Ставсө мырддисны, нинөмө вөчисны... И эсийө Игө Мироныс... Енмыс мед накажитас сийөс, мисьтөм чужөмс...

Эз кужлив Вась Якө лёк кывйөн шулыны некодөс, весиг асьсө бөбөдысьсө. Сийөн и кужис Игө Миронсылөн сьөлөм динө сибөдчывны.

Прамөя висьмис Вась Якө, ковмис көрталөмөн гортсыс лэччөдны карса больничаө, кытыс эсса эз и волы.

«Вот өд мортыдлөн доныс!— думайтис Ярков, ставсө тайөс казътылгөн.— Нәмсө чөжис да чукөртис, а мый ради? Бытьөкө ки пыдөс пасьта му кусөкас став олөмыс... Эз мун миянкөд, эз кывзыс, а вермис эськө прамөй олөм аддзыны».

Тадзи помаліс ассыс олөмсө Вась Якө. А бытьөкө өд прамөй крестьянин да вөралыс вөлі...

Овлөны тай йөз, кодъяс кокныдик чагъяс моз катласьөны гыяс вылын. Кодарө төв, сыланьө и чаг, кытчөдз визув сийөс оз босьт да аскөдыс оз ну либө оз ляскы кыр бердө. Сэні и косьмас чаг торйид. Федор Михайлович важысянь лыддис: морт, коді өтчид прөступитчас, кокниа тупкас аслас сөвस्थ्यс синьяссө, и мөдыс кокниа сетчас олөмлөн визувлы, лөньджык туй корсяс. Сэтшөмыд оз зіль сыныштны гыяслы да визувлы паныд.

«Эк, олөм, олөм!— думайтис Федор Михайлович.— Абу на кокни тэнö вуджны. Он и төдлы — коньясян. Но коньясян кө, бөр сувт кок вылад, видзөдлы бөрвыв, төдмав, мыйө коньясин, и водзө мун. Но некор эн пышй пельөсө, эн бокусянь видзөд олөм вылас».

Федор Михайлович ачыс тадзи вөчлывлис. Сылөн эз жө пыр ставыс

шылыда мун. Вөвліны и гуранъяс, весиг гырыс тєпканъяс. Нелямын во чөжнад — сєсянь, кор морөс бердас заводитис новлөдлыны коммунистлыс билет, ас вывтлыны быдторсө ковмыліс нуны. И ёртъяс-коммунистъяс водзын эз өтчид ковмыв гөрдөдлыны. Нинөм соссыны: вөвлі и тадзи. И весиг не өтчидыс. Но абу мөй сы вылө и коммунистъяслөн партияыс, мед тэнө велөдісны ёртъясыд. Эз удайтчывлив Федор Михайловичлы прамөя велөдчывны, дженьыдик курсъяс да семинаръяс вылын кындзи. Гашкө, оз прамөя да джуджыда төд марксистскөй философия, көть эськө и Ленинлөн гижөдъяс вылын эз этша зунясьлы. Но став вежөрыс да став сьблөмыс сылөн йиджтысьсөма сийөс гөгөрвоөмөн, мый партия вайө став йөзлы шудлун да гаж, и эз кө эськө Ярков вөв тайө партия радас став тайө кольбөм нелямын во чөжыс, сылөн олөмын эськө эз тырмы медся ыджыд да медся коланаторйыс.

И вот, кутшөмкө проклятөй радикалит ставсө тайөс мырддөб. Но энлы! Оз, Федор Михайлович оз сетчы. Сийө унатор на эз удит вөчны. И колө на Янлөн да Сергейлөн свадьба вылын гуляйтны. А, гашкө, и налыс пиянсө ки вылын вөдитыштны.

— Мыйкө тэ, другө, он лөня узь,— друг шуис Валентин Владимирович, коді босьтис Ярковлыс кисө, кутис лыддыны пульсө.— Лөка чувствуйтам асьнымөс?

— Кытыс бурыс, Валентин Владимирович,— вочавидзис Ярков.— Оз на тыдав помыс менам катаргалы?

— Тэ менө дойдан, Федор Михайлович! Тадзи оз позь... Тэ менам гөсть...

— Гөсть...

— Да гөсть... А өні и тэ динө гөстьяс... Со...

Палаталөн осьса өдзөс порог сайын сулалісны кыкөн. Отис вөлі Никөн. Сыкөд орччөн сулаліс том морт. Кыкнанныс еджыд халатаөсь, и ылысянныд пөшти оз торьявны өта-мөдсьыныс. «Энлыв, энлыв!— друг радлыштис Федор Михайлович.— Тайө жө Валерик!»

— Пырöй, пырöй...— пуксис крö-
вать вылас Федор Михайлович.

Ярков аддзис Валериклысь до-
лыд чужöмсö, гажаа югъялысь
синъяссö, батысь вылö тэрыба ви-
дзöдлывлöмсö, и гөгөрвоис: на кос-
тын лоöма мыйкö выльтор. Эз кö
вöv нинöм, эз эськö и вövны найö
ötлаын, сы диньн.

Никöн кызкö вежсьöма жö. Сы-
лөн синъясын öзйисны öнöдз ад-
дзывтöм би киньяс.

— А мыйла ми тані мöдам пу-
кавны!— шуис Ярков.— Петам шон-
дi водзас...

Кор куимöн петисны да орччөн
пуксисны скамья вылö, Никöн ош-
йысьöмөн моз шуис:

— Вот локтiм... кыкөн...

— Аддза... Важөн тадзи колiс...

— А тэнад мый выльыс? Регыд
гортö?

— Доктор шуö: регыд... Но код
на тöдас... А гортын мый выльыс?

9

Мирон Тикөн, кызди аслыс ка-
житчыліс, важөн нин олiс кöч олö-
мөн. Сійö кадянь, кызди Игö Ми-
рон воши Вад ты бокö, да вокьяс
эновтiсны батыслысь эштöдтöм
стансö, Тикөн велалiс овны кык
олöмөн: аслыс и йöз водзын. Ас-
лыс — гуся думъяс, йöз водзын —
небыд кыв, мелi нюм. Тикөн тöдiс:
батыслөн озырлуныс эськö тырмис
вок котырлы. Батыс унаысь ош-
йысьліс пияныслы: менам озырлу-
нöй пö тырмас куимнанныды.
Кызкö весиг калькнитліс: сулалö
Вежью нöрысын джуджыд пожöм,
видзö сылысь озырлунсö. И некод
сійöс оз аддзы, оз кö инды ачыс.

— Керка-картаыд, мöскыд да вö-
лыд — юр сюянiн да кынöмпöt на
сöмын,— велöдліс пиянсö бать.—
Кöсьян кö, мед тэнö некод оз таяв,
колö зарни. Сылөн доныс некор оз
вош. Сы вылын олöмыс му пасьта-
лаыс кутчысьö... Став мирын озыр-
лунтö зарни вылö донъялöны... Воас
кад, и Вөрью кузялаын миянлы за-
видьтыны мöдасны...

«Пöрысь выжив!— батыс вошöм
бöрын думайтліс Тикөн.— Аслыд эз

ло и пияндылы эн коль. Уна грек
тэ аскöдыд нуин, бать, енмыс мед
видзас тэнö наысь. Но кодлы шуö-
ма сир пöртйiн пусыны — сыысь
оз мын, а кодлы абу шуöма — и
повны нинöм».

Öтитор вöлі жаль: батыс аскö-
дыс нуис асьыс тайнасö.

Сэссия воисны сьöкыд вояс. Игö
Мирон пиянлы батыныслысь кывъ-
яссö ковмис вунöдны, медтыкö пель-
пом вывсьыд юртö не воштыны...

Тикөн эз бöбъяв ичöt вокьясыс
моз. Найö сiдзи и гантайтчисны ра-
зiпельын. Тикөн кужис вуджны ас-
лас дзiбрöс пыжөн гыа ва вомөн:
пырис уджавны «Руссголандлес»
фирмаö. Кор стөрöжалiс, кор чери
кыйис, а кор и черөн шенасьыштліс.
Сэссия вуджис кадрö «Комилесö».
Быри купеч Игö Миронлөн пи. Сы
местаö лои вөр лэдзысь Тикөн Ше-
велев. Весиг мастерöдз волiс.

Öтитор кöсийс Тикөн — не лэдз-
чысьны Миш Педөръяс водзö пи-
дзöс вылö. Кöть кызди да, не лэдз-
чысьны. Мед лыддöны: раммис пö,
бордъяссö пö сылысь чегим. Дудки!
Ланьтöдчис, но эз раммы. Асьыс
кадсö виччысьö. Сійö абу йöй, мед
кодкö вылö чер ли пурт лэптыны.
Мый тайö сетас? Сöлөвкиö сöмын
веськалан. Олöмыс жö кольö Яр-
ковъяс кыи.

Оз вунöд Тикөн, кызди на вöсна
батыслы лои Вад ты бокö кайны.
И сэнi сылөн нинöм эз артмы. Кöть
коркö Тикөн и горзiс Миш Педөр-
лы, мый веськодь сылы Вась Яклөн
нылыс, Марьяыс, но Тикөнлысь сьö-
лөмсö ёна кырыштiс тайö нылыс,
кор сійöс пыдди бөрйис Миш Педө-
рöс. Купеч пи пыдди бöбыльöс, код-
лөн гач да дөрöм кындзи нинöм сэс-
ся абу. «Воас жö сэтшöм кад, кор
и ме верма радлыштны!» — гусьөн
надейтчис Тикөн.

Öтчыд Тикөнлөн сьöлөмыс бур-
мыштліс. Сэки, кор Роман Подоро-
вöс партияысь вöтлісны да тюрьмаö
пуксьöдiсны. Мед кырышъяс öта-
мöднысö кокаласны!

Веськыда кö шуны, Тикөн сэки
прöстö кöсийс лөк вöчны Роман
Подоровлы да Никөн Ярковлы. Этш-
сö асьыныс эз тöдны. Кöзиянъяс!
Петкöдліс налы Тикөн кöзиянъясö!

И некод эз казьяв, кодсянь ставыс артмис. А Никѳныс коли бокѳ, кѳтъ Тикѳн медсясѳ сійѳс кѳсийс кон-йыштны. А кор Миш Педѳр сувтис Подоровѳс дорйыны, сійѳ ачыс муртса эз чег ассыс сьылдзирсѳ: Тикѳн босьтис водзѳс аслас вѳрѳглысь. Но регыд кежлѳ вѳлѳма. А кор арся войын Тикѳнѳс кыскисны баракьяс сайѳ да кысьтисны пиньяс-сѳ, гѳгѳрвоис: сылы колѳ татысь ус-йысьны. Ас вылас ставыс вермас бергѳдчыны.

И мунис. Ылѳджык Вѳрьюысь да Вад тысь. Мунис сэтчѳ, кѳни сійѳс некод эз тѳд, кѳни сійѳ вѳли эз Игѳ Миронлѳн пи, а кадраѳн. И бара стѳрѳжалис, чери кыйис.

Сидзи и колины воясыс. Корсюрѳ думыштчылис: мый сылы, збыльысь кѳ шуны, колѳ? Йѳзысь оз омѳльджка ов. Жалѳваннѳ быд тѳлысь кыкысь мынтѳны. Уджавтѳгыд тай некѳн оз вердны. Патера век дась, аслыс керка эз лѳптыв. Тайѳ и бурджык: некутшѳм бѳж бѳрсяньыд оз кыскась.

Но тайѳс ѳмѳй кѳсийс Тикѳн? Олѳмыс кѳтъ и деньгаа, и кодсюрѳ сы водзын копрасисны, но ачыс век жѳ вѳли йѳзлы казакѳн, кыдзи важжѳн шулисны. Важ мозыс Миш Педѳрьяс ыджыдалисны. Налы кесйылѳсалис Тикѳн. Мый сійѳ вермис вѳчны? Чукиртчылас сьѳлѳмыс, топѳдлас кос кабырьясѳ, но... важ местаас ставыс воас. И пыр жалитлис батыслысь уна вояс чѳж чукѳртѳм озырлунсѳ, кодѳс сидзи таргайтисны Миш Педѳрьяс.

Сѳсся шеныштіс став вылас. Кажитчѳ, весиг вунѳдис важьясѳ. Гортладорсѳ эз мѳд казьявны. Но пенсия босьян кадлань бара ставыс сувтис син водзас. Бытьѳкѳ чуксалис кодкѳ, корис. Сѳки гѳтырыс кувсис нин. Нывьяс разѳдчисны жѳ: кодѳ верѳс сайѳ, кодѳ прѳстѳ сидз торьялис батысьс. Эз радейтлыны нывьясыс Тикѳнѳс. Код тѳдас, мый налы вѳли колѳ.

Казьяштіс свѳяксѳ, Матвей Кушмановѳс. Нинѳм эз вѳвлы на костын матысаыс, не кѳ лыддыны сійѳс, мый гѳтырьясныс вѳлины кык чой. Тикѳнлѳн аслас олѳм, Матвейлѳн — аслас жѳ. Казьяштіс Матвейѳс, и

радлыштіс — кѳтъ ѳти ловья эм важ рѳдняысь. Ыли туйясѳд тѳдмалис: Матвей стрѳитчѳма Лопьюын, олѳ аслас керкаын. Свѳякыс воча шыасис Тикѳнлѳн письмѳ вылѳ, корис гѳститны. Сѳсся и нывыс Тикѳнлѳн карын уджалис, колѳ видзѳдлыны. Вот и веськѳдчис важ бѳрти-ыс чужанланысь.

Матвей примитис бура, кольѳдис Вежьюѳ. Гѳжѳмнад пѳ деньгатор позьѳ нажѳвитны.

— Пенсияѳс оз чинтыны? — тѳждысшыштіс Тикѳн.

— Вѳрад уджалѳмсьыд? Мый тѳ! — серѳктис свѳякыс, петкѳдліс табакысь вижѳдѳм пиньясѳ. Вѳли сійѳ важ кодъыс гѳрд тошка, но юри-сийс сивѳймѳма нин, и синьясыс пыдѳ вѳйѳмаѳсь.

Тадзи Тикѳн лои сир вийѳдысьѳн. Вын сылѳн вѳли на, вѳрѳд ветлѳдлыны ыджыд эбѳс эз ков.

Тикѳн ѳдийѳ казьялис, мый Матвей оз вунѳд асьсѳ: тшѳтш аслыс обходьяс пасйышталѳ.

Тайѳс сюркнялис пель гѳгѳрыс Тикѳн, гоз-мѳдысь гѳститѳдис свѳяксѳ. Попутнѳй машинасын эз дышѳдчыв лѳччывны карѳ, вайны спирт сулеяас.

— Буряд вылѳ и ме бур, — нырпырыс нускыштіс Матвей. — Асьным ми танѳ кѳзяиньясыс...

Тикѳн вуджавлис Вѳрьюѳ, гѳгѳртіс батыслысь вѳвлѳм стансѳ, чатрасыштіс джуджыд пожѳмьяс вылѳ. Бытьѳкѳ ставыс дзык важ кодъ, кутшѳмѳн тѳдліс тайѳ места-яссѳ нелямын во сайын. Сѳмын батыслѳн керасьясыс удитѳмаѳсь нин бѳр вѳрсявны. Пес керавны сѳни позис.

Свѳякьяслѳн бытьѳкѳ гѳгѳр вѳли бур. Тикѳн думыштывліс нин Вежьюѳ дзыкѳдз кольчѳм йылысь. Но вот тайѳ Подоровыс да Миш Педѳрыс, кодьяс бѳрья кадѳ частѳ мѳдисны волывлыны Вежьюѳ. Оз, дерт, прѳстѳ волывлыны. Вештасны кѳ свѳяксѳ мастерысь, сѳки и сылы, Тикѳнлы, танѳ нинѳм вѳчны. Тикѳн эз на паныдасыльв Миш Педѳркѳд, пыр на удайтчывліс кежны сылѳн туй вылысь, но пыр он пышьяв, кор-

кө ковмас и зурасыны. А тайо Тиконлы дзык ниномла.

Тикон ена скоралис ас вылас: сидзи сюрис лесниклы. Скоралис и своякыс выло, ниномон эз вермы отсавны. «Эк, жалити деньгабс,— видис асыо Тикон.— Шыбитны колис, мый воли. Оз вермы лоны, мед деньга выло эз ыштыны».

Казытыштис Никонкод Вад ты бокын паныдасыомсо. Тиконлон воли ыджыд надея тайо серни вылас. Муртса лолыс эз пет, кор суодис сийос да сувтодис туй шорас. Тикон арталис: Миш Педорлон ичот пиыс важ кодыс на лышкыд да небыд. Отнасцо сийос поэя ышодны, а сы пыр и Бутиковос. Нином эз артмы. «Этша возьи,— борвылас думайтис ас кежсыс.— Уна-о, збылысь ко шуны, кык морт вылад се шайтыд. Колис мыччыны кык мында, а то и унджык...». Видлис питшог зепсыс деньга екмыльсо. «Эк, чорт! Сьорысь воли да скупитчи, эг куж киас суйны!»—ещо отчыд шуис аслыс, коть и жаль воли торйодчыны деньга екмыльскод. Эз кокниа шед сийо Тиконлы. Сэни воли ставыс, мый чукортис.

А Вежьюса ягъяс важ мозыс шыалисны да быттьокэ эз и косийны тодны Тиконлысь шогсо да тождысьомсо. И Миш Педор важ мозыс ветло отаро-модаро, и пияныс сылон местанысь, ассыныс дон тодоны, и внукьясыс котралоны нывъяс дино, нажотка гортаныс вайоны.

Воли мый йылысь думайтны Тиконлы...

Тикон коймод лун гогралис Вад ты гогор. Педор Ярков да Роман Подоров воан рыто своякыскод сийо сер войбоз отсалис быгльодлыны бочкаяс, а асыадорыс шопнитис Матвейлы: «Ме саймовтчыла... Юаласны ко, шу — каро мунис...».

Воши Тикон вежьюсаяс син водзысь, но ылодз эз мун. Луннас вочалис обход аслас деланкаясын, вой кежло мунлис батыслон важ стано.

Чусмом да рушмом керкалон важ короминаыс шустом, но Тиконлы

веськодь: коді вой шорын пырас ошиньтом да вевттом повзьодчысь керкашояс? Луннас сы динти политырийи муноны, термасыоны одйоджык боро колныс сийос. И ачыс Тикон пемдом борын матыстчас керка динас да пернагас човтас, коть енлы ни чортлы важон эз эскы. Эм ко енмыс, мыйла сидзи лэдзис вочны Игго родкод? Абу жо од сэтшом мыжаось найо ен водзас? Модаро ко, код на ещо та йылысь тодас. Уськодчас став паськомнас полынтьчом лабич выло, бурпот куйлыштас гатшон. Нянь да влогатор эм, уна-о коло порысь мортлы?

Гогор шы ни тов. Лонь. Сомын корсуро кылыштол, кыдзи киссьом джодж улын войнас шародчоны шыръяс. Дозмис Тикон и важъясо казтывны: нином бурыс сылон оломын эз вов, сьоломто сомын кырлодло. Мый колъома — вошмоа, он бергод. Тайос Тикон они крепыда гогорвоис. Сийон и забедно медясо: порысьодз олис да нином бурсо эз шедод, пенсионной книжка кынды. Но кодлон они сийо абу? А йозыс од со олоны, нимкодысьоны, радлоны. А сылон кутшом гаж коли?

Тикон адзылис Миш Педорлысь да Роман Подоровлысь гортланьныс боро муномсо. Локтисны Вад ты доро, йоткыштитсны пыж, пуксисны сэтчо. Отыс божало, модыс сыно. Мед коть пыжыскод мыйко лоас, и кыкнанныс купайтчасны кодзыд вас! Тикон они дась воли корны енлысь, мед сийо вочис тадзи, эм ко быттьо да вермо ко. Синмыс доймытодз дзоргис ты шород шывгысь пыж выло. И нином эз вермы вочны.

Пыж матыстчис берег доро, кык морт чеччисны сесь, саялисны воро... Да, на сайын правдаыс, Миш Педор да Роман сайын. Сийон и тшотш збоа ветлоны отаро и модаро, быттьо козяинъяс. А мый, найо и прамой козяинъяс. Тикон дрогмуні. Сийо став тушанас модис сырмыны, сэтшом лои вичысьтом тайо думыс.

Тикон водис небыд вутш выло, дыр видзодис паськыд лоз енэжын лоня кывтысь кымортгоръяс выло. Мичаось найо, но оз сылы вайны гажсо. Тиконлы кажитчис: талун

сійö воштіс мыйкö ыджыдтор. Öнi и батыслöн керкаыс лои торъя мустöм, зывöк. Дай пырныс нинöм-ла. Коліс мунны свöякыс ордö, öт-вылысь думыштыны, мый водзö вöчны. «Эк, Матвей, Матвей!— гөрддзасьліс Тикöнлөн горшыс.— Дьöбынöсь ми тэкöд кыкнанным, кодарö кöть эн бергöд миянöс. Ов-сьöма миян, и виччысьны мыйкö бурöс водзысь нинöм...»

Тикöн бура дыр эз казавлы, кызди Вад ты сайсянь кыпöдчис кымөр, заводитіс вoйтасьны. Казяліс тайöс сöмын сэк, кор медводдза зэр вoйтъяс усини чужöм вылас. Недыр мысти мöдiс кисьтны дорышöн. Неб-зис да вежсис кос сынöдыс, ёсь-джыка öвтыштiс вöрса чöскыд дук. Но и тайö эз вöрзöд Тикöнлысь сьöлöмсö. «Суликöдз кöтöдас»,— воис вежöрас. Видзöдліс гөгөр, ма-тыникысь аддзис пашкыр увъяса коз, муніс сы улö.

Чöвтліс синъясö вылö. Енэжыс шылясьöма, некодарланьнын эз юг-дышт. Код тöдас, гашкö, войбыд зэрас. Оз прöстö вöлöм бөръя лунъя-снас Тикöнлөн коскыс вись: тайö сылөн пыр овлö поводдя вежсьöм вoдзын.

Нинöм он вöч, колö мунны посё-локöдз. Абу сөй монь, оз нёзды.

Тикöн петіс коз улысь. Муніс нин бура ылöдз, и юрас визнитіс виль дум. Мыйла кольны Вад ты берег дорас пыжсö? Мед Яркoвъяс шывъялісны ты кузя? Оз ло тадзи! Тикöнлөн эм на вын пуктыны талы пом. Тойыштас ты шöрас, и некод сійöс оз судзöд кадъя берегдорся-ныйд. Юрсö ваö некод оз суй, кызди и ачыс Тикöн. Сійö олыштны на жö кöсйö, пöрысьладор любуйт-чыштны вöльнöй светнас, мед кöть сійö и сэтшöм абу мелі сы дінö...

Тикöн котөрөн сорөн кытшовтіс ты мегсö, лов шысö кутöмөн да видзчысьöмөн матыстчис пыж дінö. Кыліс, кызди йöктіс сьöлöмыс. Кöть и кок улас береге лайкъяліс, таж-гöдіс кокъясö да пельпомнас мый-вынсьыс йöткыштіс пыжсö. Сійö эз вöрззы места вывсьыс.

«Но, морö... Ещö и асныралö, оз кöсйы!..»— скöрмис Тикöн и öдöб-тöмөн, став тушанас йöткыштіс

пыжсö. То ли нюйтö сибдöм кок пöвсö перйигөн ачыс катовмуні, то ли ещö мыйкö мöдтор лои, но ачыс бузгысис вешйысь пыж бөрся. Ше-ныштіс кияснас гоз-мöдысь. кодзыд ваын, кöсйис тойыштчыны берег-лань, но кыптöм пыдди ещö пыдö сунгысис. Тайö лои сэтшöм öдйö, Тикöн весиг эз удит думыштыны...

Гашкö тадзи эськö и помасис Ти-кöнлөн олöмыс, но буретш тайö бөръя здукас кутшöмкö морт тэры-ба локтіс берег дорö, кузь зибйөн ылысянь крукаліс павъялысь пась-кöмсö вöйысьлысь, кысқыштіс асла-нысь.

Недыр мысти Мирон Тикöн куй-ліс нин берег вылын кияссö шевгö-дöмөн. И кор Тикöн сувтіс пидзöс вылас, гөгөрвотöма видзöдліс гөгөр, казяліс сы весьтын сулалысь мор-тöс, тöдіс сійöс.

— Тэ... Семён Андреевич...— муртса кывмөн вашнитіс Тикöн.— Пасибö!..

Да, тайö вöлі Семён Бутиков. Гортланьныс мунігөн сійö сюсь синъя-снас аддзис пыж дінö кыссьыс Тикöнöс, вöтчис сы бөрся, кысикис ваысь.

— Нинöмысь, Тикöн Мироно-вич!.. Мый нö тэныд сись пыжыс мöдiс мешайтны?

— Эн сёрнит, Семён Андреевич... Мутияс йöйтöдлыны мöдiсны... Прöстит!— кок вылас сувтöм бöрын шуалис Тикöн.

— Пыж вылад нинöм лөктö пес-ны,— нюммуніс Бутиков.— Олöм йылысь колö думайтны, Тикöн Ми-ронович, бур олöм йылысь... А пы-жыд... оз вош... Тöлыс берег дорö ваяс. Мунам...

Кötасьöм шыр кодь Тикöн Бути-ковлы быдөн жаль лои.

— Мунам!— вылысь шуис Бу-тиков да мышкöдыс йöткыштіс Ти-кöнöс ас водзас.— Свöяк ордад косьтысян... Ог жö би пестö татчö...

Тикöн надзöник мöдöдчис. Но гоз-мöд воськов вöчöм бöрын бергöд-чис да, Бутиковлы синмас видзöдö-мөн, шуис:

— Прöстит, Öндреевич... Став-сьыс...

Семёнлы весиг кажитчис, мый Тикöнлөн доршасис синва.

— Енмыд прөститас, аддзас кō коланаон,— серōктис Бутиков, а сәс-ся содтис:— И бур йōзыс... Наыс колō повны да яндысьны...

Тикōн, юрсō ошōдōмōн, бара вōчис вōськов водзō, бōрвыв бергōд-чывтōг мōдис катликтыны тәр-масьтōг.

10

Быд гожōмлōн аслас сер. Быд мортлōн аслас олōм. Но кызди оти гожōм оз мун мōд вылō, сідзи и быд мортлōн олōмыс аслас. Тōвъясыд кызкō откодъджыкōсь. Гашкō, сы вōсна, мый лымйыд быд во еджыд, и сийō век тупкō му веркōс-сō оти рōма шебрасōн. Оз прōстō шулыны — тōлыд став серсō вевт-тяс.

Мортлōн олōмыс некор оз саяв отсера эшкын улō. Быдōнлōн аслас рōм, аслас паськōм. Весиг аслас чужōм-рожа, аслас син. То съōд, то руд, то карбй, то ещō кутшōмкō. Мудрōй природыд некор да нинōм оз быдыв откодъōс. Сәсся од тōлыд дженьыд нэма, волас мыйкō дыра кежлō да бōр мунō, мед сәсся вылысь воны. Мортлōн жō олōмыс тәчсō каменнōй керкаын кирпич бōрся кирпич моз, и быдōн кольōны ассьыс пас. Век нин сідзи овлō: тайō пасьясыс сетōны мортлōн уна вося олōмлы дон. И кōсьян кōть он, сийō коркō да коркō мыйōнкō петкōдчас, мыччыяс ортсō, кōть кызди мукōд мортыс оз зиль сайōд-ны ассьыс серсō.

Важ йōз шулōмаōсь: олан пасыс быдōнлōн плеш вылас гижōма чужан лунсяньыс. Онйя йōзыд мōд ногōнджык лыддъōны: шудыд быдōнлōн аслас кыин. Куж сōмын дорны сийōс... Тайō тадзи и эм. Олōмад пайыс быдōнлōн отмында. Ставыс ас саяд.

И йōз отыввтчисны, босьтчисны дорны ассьыныс шуд. Отиас та ради юрнысō пуктисны. Мōдъяс кианыс босьтисны пила да чер. Коймōдъяс пуксисны машинаяс вылō. И быдōн аслас шудла мунис сідзи жō, кызди батыяс сувтлисны пуляяс улō.

Никōн Ярков ас йивсьыс тадзи

жō чайтлис. Весиг сәки, кор пышйис гортсьыс, овмōдчис ылын чужанін-сяньыс. Сийō кадō том йōзыд ēна вешъялисны олан да уджаланіннад. Тайō быттō сідзи и колис: кыскис кадыслōн романтикаыс. Майбыр, туйыд быдōнлы восьса. Мун выль каръяс кыпōдавны, сәни туйяс писькōдавны, кōни найō некор эз вōвлыны, мулōн медся ылі пельōсьясас заводъяс стрōитны. Дженьыда кō шуны, войнаон вōчōм ранаяс бурдōдны. Ранаясыс, колō шуны, вōлины быдлаын.

Никōн сідзи жō чайтлис ас йивсьыс: эз кольчы мукōдъясысь, абу омōльджык тшōтшъясысь, кōть и кылис сьōлōмнас — сылы быть лои вешйыны гортладорса йōз син водзысь. И гашкō весиг аслас йōйлун вōсна. Но сōмын бōръя кадō Никōн заводитис вежōртны: став тайō вояссō сийō олис ныр вылас лōз очки пуктōмōн. И видзис сийōс лōз очкыс не сōмын шондй югōръясысь, но и вежис рōмсō вōльнōй светыслысь, ставыслысь сылысь, мый вōчис сы син водзын. И олōмыс сы динтй мунис быттōкō кōдзыд бордйōн шевкнитōмōн. Кызди да мыйла тайō вермис лоны?

Кор Никōн думыштчис та йылысь да пыдысянджык вежōртис сийōс, сьōлōмыс дрōгмунй. Кōдзыд йирмōг весиг босьтлис. «Збыль мōй бать прав онōдз влй?— думыштис чорыда да казтыштлис важъясыс унатор.— Сідзкō, и Дора прав?» Прамōй другьяс сылōн, кватитчис да, абубсь, кōть олōма нэм джынсō. Сьōлōмсяньыс прамōйджыка сёрнитны некодкōд. А сы йылысь, мый батькōд отшōтш вермасны лоны правн и мукōдъяс, веськыда кō шуны, эз думыштылыв.

Кызди и тулысын, Парма чурк йылō бара кайисны машинаяс, онй нин нянь идравны. Керōс йылын кыпталисны чумалияс, сёрмъяс. Ыбъяс вывсянь өвтис воом няньон. Матигōгорса вōрсянь воис озыр арлōн чōскыд кōрыс.

Нинōм тайōс эз казавлы Никōн. Важн коли уджаланинō мунан кадыс, а сийō пыр на Пармаын. И сьōлōмнас кылис — мунны абу окота. Сідзи и коли кык тōлысся отпукс,

коть ачыс артавліс на ветлыны кытчөсюрө. Первойсө кадыс муніс надзөн, луньяс муртса-муртса коланы. Сэсса найө мөдісны чеччавны кыккоқйыв. Видзөдан да, бара нин вежон кольөма. Уджаланінас ыстіс письмө, корис нуюдны отпускө дон мынтытөг, кызди и сёрнитчыліс мунігас. А кор батысө нуисны больничаө, ыстіс справка батыс висьөм йылысь. Сідзи и оліс: эз пасьявлы паметяс, кутшөм повөддя сулаліс Вөрью йылын. Шондіа кө, мунас гортсыс да лунтыр оз волы, шөйтас өтилаын да мөдлаын. Зэрыштө кө, пукалас өшинь водзын, виччысяс кобөм.

Но то ли Бутиков ордө ветлөмсянь, то ли кутшөмкө мөд помка вөсна, Никөн друг казяліс ассыс выльтор: сійөс мөдіс кыскыны йөз дінө. Бутиков ордьс воөм бөрын некымын лун мысти вокыскөд кайліс сир вийөдысьяс дінө. Лунтыр шөйтис вөрын, видзөдіс йөзлөн зиль удж вылө и вежалыштис налы. Қоркө өд сійө и ачыс вөлі том. Ян моз жө уджаліс горша, и быттө эз пөтлы уджсыс. Быд лун вайліс сылы выльтор. Кутшөм вөлі любө лунтыр уджалөм бөрын воны шоныда онялысь кузь баракө, тэрмасьөмөн шонтысьны да косьтысьны, а сэсса өтчүкөрөн петны столөвөйө, сэсянь мунны клубө, мөдз кывтөг гажөдчыны, долыда да кыпыда коллявны төвсяс кузь рытсө. Кажитчө, став оломыс муніс тэрмасьөмөн. А водзын виччысисны уна татшөм жө тэрыб да уджөн тыр луньяс да рытьяс. Жаль, оз позь бергөдны томдырся вөястө. Колө, вөлөмкө, кужны донъявны том кадтө ассыд. Сійөс некор он бергөд.

Бөрын пыр важ кодыс: мича, кыпыд. Шувгөны яг нөрысьяс вылын джудждіс пожөмьяс. Шор сьөртьясысь өвтө лүдік турун дүкөн. Гөгөр муралөны машинаяс. И йөз сэтшөм жө варовөсь да уджачөсь.

Та бөрын сьөлөм вылас Никөндлөн лои кокныдджык. Колис гөзмөд лун, и сійөс вылысь мөдіс кыскыны вөрө. «Мый тайө мекөд вөчсьө?»— шензис ас вылас.

Өти асывводзө вуджис ю мөдарө,

кайис автобусөн пөрөдчысьяс дінө. Сэні аддзысьліс важ төдсаяскөд, унакөд сёрнитіс олом-вылөм йылысь. Быдөндлөн вөлі ошйысянтор: семьяөн, уджөн, оломөн. Сөмын Никөнлы нинөм вөлі висьтавны ас йывсыс, коть өнөдз ачыс быттөкө нинөм эз аддзыв аслас оломысь яндысянасө, мый эськө эз позь висьтавны йөзлы.

Со и талун Никөн бара петіс гортсыс да лэччис посөлокө. Пыраліс леспромхозө өти төдса дінө. Думсыс Никөн талун бытть көсйис аддзывны Дораөс. Төдмаліс: Дора кайөма вылыс участокьясө. Сійө лунсянь, кызди Вежьюысь воигөн думыштис Дора ордө пыралөм йылысь, Никөн унаысь нин лөсьөдчыліс пыравны Дора ордө, но пыр на энөвтчыліс.

Казьтыштис, кызди некымын лун сайын Стеша ошйысис Доракөд паньдасьлөмөн. Бөрвылас Стеша серам сорөн содтис:

— Лоө, тыдалө, сваттяавны тиянлы!.. Мыйкө зэв нин дыр ыті-катиасянныд том йөз моз. Радейтанныд кө өта-мөднытө, нинөм мучитны асьнытө. Вунөдө важьясө да өтлаасьө. Медся бур лоө. Мыйыс өд оломад гөзья костад оз овлы да... Сэсса — пиыд. Сылы баты колө.

Көсйис Никөн бурджыка юавны, мый йылысь Стеша сёрнитис Доракөд, но яндысис. Эз вөв лөсьыд Стеша водзын, коть и гөгөрвоис сылысь бур көсйөмсө. Сэтшөмөсь нин тай нывбабаясыд: пыр кодөскө да кодөскө дасьсьө бурөдны да өтлаөдны, артмас оз коть сэсса. Бур сьөлөмыс и Степанидалөн. Дерт, думсыс сійө көсйис бурөс Никөнлы. И оз кө нинөм артмы, то мыжа ачыс Никөн.

Леспромхозысь петөм бөрын Никөн вуджис мөдлапөлө, и тані паньдасис Бутиковкөд.

— Ме нин чайті, мунін, мися...— вашьяліс Семён.— Гажмин, сідзкө? Зэв бур.

Бутиков волөма Вөрьюө аслас могьясөн да абу дышөдчөма корсьны Никөнөс.

— Первой гортад кайлі — некод абу,— висьтавліс сійө, и Никөн завидьпырысь видзөдіс сылөн югья-

лысь руд синъяс вылө.— Лэччи посёлок, пыри магазинө. И сәни кодкө чуйдөдiс: вуджис пö мөдла-пöлө...

Найö сулалiсны кыркөтш дорын. Мыш саяныс налөн шыалiс улыс склад. Сәни таргисны машинаяс, кылис керъяслөн утыяс кузя быглясьöм шы.

— Но, кызди олан?— юасис Бутиков и, воча кыв виччысьтöг, ачыс водзö висъявлiс те öтигор, то мөдöс.— Да, муртса эг вунöд ошйысьны: везитö меным эсийö Шевелев вылас...

— Кутшöм Шевелев вылө?— эз гөгөрво Никөн.

— Но, Тикöныд вылө...

— Мыйкө бара сыкөд?

— Эн на кывлы? Ме сийöс ваысь кыски.— Бутиков босытлiс юр вывсьыс кепкасö, кыпыдöснас нуөдiс вазьöм юрси кузяыс.

— Кызди?

— Сидзи жö. Вад тыысь... Муна öти рытгорулө Вад ты пöлбнiтыс. Тэрмасыя гортö. Вылисянь көшысь моз кисьтö. Видзöда да, кодкө ты бокас пыж дорын ноксьö. Код лешаклы, мися, оз терпитсьы зэр улас ты шөрö петны. Тыдалö, ёнджыка көтасыны көсийö. Сэсыя муртыд йөткыштiс пыжсö пельпомнас и ачыс сы бөрся ваас бузгысис... Ме уськөдчи отсöг вылө. Одва и кыски. Тикöныд вөлөма.

— Ме эськө йөткышти. Мед вöйи.

— Мыйла? Көть öд кутшöм да, морт жö. Мед олө свет вылас. Ме сидзи и шуи сылы.

— И дерт көнкө эз аттьöав везиг,— серөктiс Никөн.

— Мунiгчöж пасибöасис. Нэмöс пö ог вунöд. Велөдiн пö менö, ййи мортöс. Ме шуи: куж, мися, сöмын овны бура водзö, эн кеслы пöрысь пиньтö бур йöзыс вылө. Гөгөрвои пö. Корис весиг гөститны пыравны. Шонтысьшыштам пö.

— Пыралiн эськө мед!

Бутиков шеныштiс кинас, кутiс тэрмасыны гортас.

— Узям миянын,— корис сийöс Никөн.— Аски мунан. Выль вынөн, кызди шуласны.

— Оз позь. Челядь виччысьöны. Көсийыс аски вөрö вотчыны нуөд-

лыны. А тэ вылө видзөдлыны лои окота. Кызди нин, мися, олө-вылө менам важ другой гортас...

Бутиков видзөдлiс ю сайын паськөдчөм посёлок вылө, кылис самолётлысь шы, колльөдiс сийöс синнас, кытчөдз самолёт эз пуксы посёлок помö вөр дi сайö.

— Видзөд миян кызди!— самолёт пуксянiнлань юрнас довкнитлөмөн кыпыда шуис Бутиков.— Самолёт бөрся самолёт öтарö и мөдарö. Ме талун витөдöс нин лыдди... Төдан мый, Никөн Федорович,— Никөнлань друг бергөдчис Бутиков.— Öтигор көсья шуны... Сöмын эн скөрмы...

— Пöжалуйста, Семён Андреевич,— пельпомъяссö топөдлiс Яркоков.— Кутшöм скөрмөм йылысь сёрни вермас лоны другъяс костын.

— Сийö и эм — другъяс костын... Кольччин эськө гортад, Никөн Федорович. Лок көть миянö уджавны. Со мастерöс ёна корсьöны. Мыйла тэныд көнкө бокин овны? Гортад уджыс юр вывтыр. Ме кө эськө эг терпит...

— Думыштыны колö, Семён!

— Думыштыны!— нюжөдiс Бутиков да бара кинас нуөдiс юрси кузяыс.— Эм татшöм притча. Öти морт сидз жö думайтас да думайтас. Кватитчас да — пöрысьмөма. Ме ногөн кө, ордны ставсö крута, и — айда! Вот тайöс ме гөгөрвоа. Мыйла нюжмасынысö? Дерт, карад кокныдджык. И культураыд öни сәни унджык на. Но лоö и миян. Вот аддылан. Дай кодi сийöс татчö ваяс, огö кө асьным вөчöй? Менам со Лёня öни нин думайтö, кызди сийö быдмас да Вежьюын кутас вит судта каменной керкаяс кыпöдавны. А карөдз пö мөда вертолётөн лэбавны. Сэки пö найö тырыс лөны, мотоцикляс дорысь унджык. Мый нö, зэв вермас лоны...

— Но, таөдз, шуам, ылын на,— нюммунис Никөн.

— Делöыс абу сыын. Көсийöны том йөз мича олөмсö и вөчасны. Сыланьö ставыс мунö. Ми öд ог көсийö Тикөнъяс моз овны. Миян — асланым законъяс. Ме вот век завидьта тэнад батлы. Мича сылөн олөмыс. Нэм чөжыс мича... Но,

кызди?—Бутиков весиг тапнитіс ки пьдѳснас Никѳнлы пельпомас.

— Мый кызди?

— Уджавныд кольчѳм йывсьыд.

— Кутшѳм тѳ тѳрыб!—гораа нин серѳктіс Никѳн.

— Мыйла ножѳдчынысѳ? Шуин и вѳчин. Ме тадз радейта.

Бутиковлѳн чужѳм вылысь нинѳм эз позь лыддыны: пыр важ кодыс гажа, бытѳѳкѳ тѳщачыс ордын блин сѳйѳма. Кѳсьян да он вермы скѳрмыны ни дѳзмыны татшѳм морт вылад.

— Ладнѳ... Думышты вай,—лѳньджыка нин шуис Семѳн да топѳдліс Никѳнлысь кисѳ.—Став сѳлѳмсянь шуа: он вошты нинѳм... Сѳтшѳм делѳяс ѳні Вежьюад пансѳны...

Бутиковѳс колльѳдѳм бѳрын Никѳн дыр на ветлѳдліс берег пѳлѳн, думсьыс казѳтывліс Семѳнкѳд сѳрнисѳ. Бутиков бытѳѳкѳ тшук сылы шуалис кывѳяссѳ, сы вѳсна и батьсѳ весиг казѳтыштіс. Дерт, кѳнкѳ, думсьыс сійѳ кѳйис ѳнджыка чуткыны Никѳнлы, сы вѳсна, мый веськыда шуны дивитан кывѳяс эз лысьт. Но Бутиковлѳн уджавны кольчѳм йылысь корѳмыс лои виччысьтѳм, кѳть ачыс та йылысь ас кежсьыс эз нин ѳтчыдысь думыштчыв? «А мый? Збыльысь кѳ дзикѳдз вылѳ кольччыны?»

Вот вѳлѳм мый йылысь Бутиковлѳн пияныс думайтѳны! Тадзи и колѳ лоны бур йѳзлѳн бур семьяын. «Бур йѳзлѳн!—думыштіс.—А менам?» Никѳн ѳні кыліс, кызди весиг сѳлѳмыс нюкыртчыліс. Но кодкѳд юксян шогнад, кодкѳд сѳрнитан сѳлѳмсяньыд? Жаль, батыс абу гортын. ѳні эськѳ Никѳн эз яндысь мунны сы дінѳ, висѳтавны ставсѳ, мый чукѳрмис сѳлѳмас.

Матыстчис машинаяс ректанінѳ, видзѳдыштіс, кызди машинаыс ачыс жѳ кокниа шыбитѳ ас вывесьыс кузь пуяссѳ. Бур машина лѳсьѳдѳмаѳсь инженерѳяс. Никѳн адзыліс нин, кызди тайѳ агрегатѳясыс тадзи жѳ кокниа сѳвтѳны ас вылас пуяссѳ вылыс участокѳясын. Шофѳрѳяс ѳна ошкисны сылы машинасѳ.

Никѳн думсьыс пыр на виччысис

Доралысь вѳрысь бѳр воѳмсѳ. Но тыра машинаяс воисны уна, а Дора эз тыдав. Дерт, кѳнкѳ, сѳр рытѳдз оз во.

Луныс мича, шоньд. Гортѳ мунны эз вѳв окѳта. А мый, ачыс кѳ кайлас участкас? Кыськѳ ѳд аддзас Дораѳс. Инженертѳ быдѳн тѳдѳны.

Виччысис вывлань мѳдѳдчыс тыртѳм машина, вѳйысис шофѳрлы.

— Пуксьы, тѳрам,—вочавидзис сійѳ, вѳстьіс кабиналысь ѳдзѳссѳ.

Шофѳр вѳлі Никѳнлы тѳдтѳм. Сы серти, кызди сылѳн сѳѳдасѳма ставнас чужѳмыс, позис казѳавны: оз на дыр ветлы машина вылын. Арлыдаджык да опытной шофѳрѳяыд оз тадзи сѳѳдасьны. Налѳн и паськѳмыс оз тадзи югѳяв.

— Кызди уджавсьѳ, том морт?—водителькѳд орчѳн пуксьѳм бѳрын юалис Яркѳв, мед панны сѳрни. Здук мысти найѳ петісны веськыд туй вылѳ, мѳдісны гольѳдны лежнѳвка кузя.—Кымынѳд рейс талун?

— Коймѳдысь кая.

Керѳс паньд да керѳс горув, кушинѳяс да вѳр визѳяс, кодѳяс колѳмаѳсь вѳрзьѳдлытѳг пѳрѳдчысьяс бѳрын, туй пѳлѳн важ керас местаяс вежласисны Никѳн син водзын. Сійѳ ѳні эз нин медводдзаысь мун тайѳ туй кузяыс, и кажитчис —быд чукыль да гуран тѳдса. «Вот ѳні чѳй каям, туйыс веськыдыв чукыльтас. Сѳні ыджыд конда сулалѳ. Чегѳм йыла,—туналас Никѳн, и ставыс сідзи и лѳѳ.—Тадзи и олѳм діннад велалан. Он и тѳдлы, уджым да тѳждысѳмыд кыскас ставнад».

— Кажитчѳ уджыд?—юасис Никѳн, кѳть и казѳліс шофѳрлысь дышника вочавидзѳмсѳ. Дерт, кѳнкѳ, мудзѳма лунтыртѳ руль сайын пукалігад. Абу ѳд кокни сы сѳѳкта машинатѳ киад кутны.

— Та вылѳ велѳдчи, дѳзмынысѳ эг на удит. Тулыснас курс вылысь вои...

Дораѳс Никѳн ылысянь на казѳліс туй бокын кѳлесаяс вылын сулалысь мастерскѳй дінысь. Югѳялысь резиновѳй сапѳга, сѳѳд платѳтѳ вылас лѳз ковтаа, чышьянтѳм, сійѳ сѳрнитіс сѳѳдасѳм жѳ чужѳма

морткөд, коді киас кутіс гаечной ключьяс.

Никон корис шофёрс сувтөдны машинасө. Чечыштис кабинаыс. Дора здук кежлө чөвтліс синъяссө вобьс машина вылө, мыйкө шуис аскөдыс сёрнитысьлы, и сійө надзөник варгыльтис неылын сулалысь разьём тракьяса трелюйтчан трактор дінө. Эз позь шуны, төдіс-ө Дора Никонс, но кор Ярков матыстчис сы дінө, Дора шензьөмөн моз нюждіс:

— Но-о! Отсөг вылө, гашкө да?— и, кажитчө, Доралөн парьясыс вөрзылысны.

— Гуляйтгмоз,— шуис Никон.— Аддзөдлыны окота лои.

— Мый нин сідз?.. Мунам пуксьыштам, сулалігад абу лөсьыд сёрниты...

Найө мунісны мастерскөй дінө тувьялөм пызан дінө, кодкөд орччөн сідз жө вөлі тувьялөмабьс лабичьяс. Сэні жө бөчкаын сьодасьөм ва. Тыдалө, куритчанін мастерскөйө воысьяслы да ремонтникьяслы.

— Но? Виччыся,— шуис Дора мыйкө дыра чөв олыштөм бөрын.

— Отитор көсья юавны, Дора... Сөмын веськыда... Мый тэ шуан, ме кө лэччыла карө да аддзөдла Валерийсө?

Дора сиясы видзөдліс Никон вылө. Сылөн синьясысь Ярков өні лыддис повзыштөм и падмөм.

— Сулалө-ө?

— Кызди шуан, сідзи и лөб. И ещө мөдтор. Кажитчө, ме кольча татчө уджавны...— Никон видзөдліс Доралы синмас, казяліс сьсь мыйкө сэтшөмөс, и содтис:— Эн пов, леспромхозаныд ог мөд вөзйысьны. Гашкө, тэныд оз ло лөсьыд... А Валериксө аддзөдлыны зэв окота. Тшөтш и дедыс дінө нула...

Дора юрсө өшөдөмөн пукаліс пызан дорын, видзөдіс кытчөкө муө да сапөг нырнас вөрөдіс кок дорас туплясысь коз коль. Сэсья лэптіс юрсө, шуис, Никонлы синмас веськыда видзөдігтыр:

— Мыйла чайтан, мый ме пола? Ог. Меным веськодь, көні мөдан уджавны. И кольччөмсьыд весиг ошка. А Валерик кузяыд нинөм шуны ог лысьт. Пырав, видзөдлы.

Примитас кө да окотитас кө, нулы и дедыс дінө.

...Аскинас Никон лэбзис карө. Кыдзи сійө пиыскөд веськаліс больничаө, ми төдам нин.

Тайө гождөмыс Вөрью кузялаын вөлі кос. Зэрьяс шоча усьліны көдза эштөмсянь сю розьявтөдз. А мыйөн пөлыштис матысмысь арлөн ыркыдыс, зэр өтырышья мөдіс көтөдны косьмылөмла потласөм мусө. Но оз-оз дай енэж мездөдчылас кымөрьясысь, и сэки, кажитчө, выльысь бергөдчылас тулыс. Оз-оз дай мыччыслас шонді аслас став ярлунөн, гажөдас уна рөмьясөн ворсысь вөр-васө. Но кызди гожеся жар оз вермы дзикөдз сотны мусө, сідзи и зэр эз вермы сувтөдны кадлысь мунөмсө. Кага воськовьясөн матысмысь ар век жө босьтіс асьыс, мый сылы шуөма босьтны. Кадтө да олөмтө өд он сувтөд.

Көть кутшөм өна Федор Михайлович воштыліс надеясө Вөрьюө бөр воөм вылө, Валентин Владимирович век жө сувтөдіс сійөс кок вылө. И сійө жө лётчикыс, коді нуөдіс Ярковс карө больничаө мунігөн, өні бөр вайөдіс гортас.

— А тэ ещө вөлі шуан, ог пө нин сэсья аддзыв Вөрьютө! Вот и аддзин!— сералис лётчик, кор Федор Михайлович йөз отсөгтөг да ас көкөн чеччис самолёт вылысь.— Вот и лои ме ногөн. Помнитан, мый шулі? Мися, мортыдлы өні прөстө кувны оз сетны.

Самолөтысь петөмөн тшөтш Федор Михайловичлы өвтыштис сэтшөм төдса көр, кодөс сійө төдліс сөмын аслас Вөрью йылын. Тайө көрыс вөлі сөстөм и чөскыд, кутшөм вермис лоны сөмын вөрьюса вөр-ва весьтын. Кажитчө, Ярков шыбитис пельпом вывсысь быдса кызь во, эз кө унджыкөс. «Олышта на, сідзкө, вольной свет вылас!»— радліс став морөснас сійө.

И лун-мөд мысти нин вөрьюсаяс бара аддзисны Педөр Ярковс вөрысь. Тэрмасьтөг ветлөдліс делянкаысь делянкаө. Чатрасьөмөн видзөдлывлө гөгөр. Көть чужөмыс косьмыштөма да черлыясыс чур-

гѳдчыштѳмаѳсь ѳнджыка, сійѳ эз вѳв висьысь кодь. Мѳдарѳ. Бан бокъяс вылас заводитѳма нин кыптыны вирсер. И быдѳнлы, кодѳ паныдасьліс, сылѳн сюрлі бур кыв.

— Бурдѳд, Федор Михайлович?— юасисны сылысь.

— Висьѳмыд менѳ эз вермы кысынътны,— вочавидзліс Яркоу.— Олышт на пѳ шуѳ, дѳзмѳдышт бур йѳзсѳ, сѳтшѳм кѳ ѳн.

Вѳлі мыйысь радлыны Миш Педѳрлы! Бара аслас вѳр-ягын — аслас гортын. Кыдзи сѳсса мѳд ног шуан сійѳс, мыйлы сѳтѳма медся бур вояссѳ да вынѳ.

Ветлѳдлѳ тѳрмасьтѳг Федор Михайлович да шензьѳ. Сы мында выльтор лѳѳма ветлігкостыс. Ѳдйѳ ѳні, вѳлѳмкѳ, вежсьѳ олѳмыд. Кор аслас син водзын ставыс вѳчсьѳ — быттьѳкѳ он и казаяв унатор. Коставлѳм бѳрад жѳ синмѳ шыбитчѳ.

Сьѳлѳмыс Яркоу вѳн долыджыка тѳпиктѳс и сысысь, мый Никѳн ветліс аслас Сибирѳ да дзѳкѳдз вылѳ воис гортас став кѳлуйнас, и пыр жѳ мунѳс примитны химлесхозлысь Вежъюса производственнѳй участок. «Мед важ бѳртиыс видлас ас шѳр удж,— думайтѳ бать.— Кутшѳм нѳ тѳ морт, он кѳ тѳд асшѳр уджлысь кѳрсѳ? Мортыд сы вылѳ и чужлѳ свет вылас, медым кольны кутшѳмкѳ пас, ас йывсьыс бур казтылѳм».

Та вылѳ сійѳс велѳдліс аслас дядьыс, Миш Егор, Парма сиктын комбедса первой юралысь. Яркоу быттьѳкѳ нѳм чѳжыс кыліс сылысь велѳдѳмсѳ, кыдзи сѳрѳнджык велѳдліс сійѳс и Парма сиктса коммунистъяслѳн юрнуѳдысь Максим Герасимович — Ярѳ Максим. Сійѳс сиктын ѳнѳдз на унаѳн бурѳн казтылѳны.

И ещѳ ѳтитор кѳсйис Федор Михайлович: мед и Никѳн вѳн да Доралѳн мыйкѳ бур ногѳн артмис. Ѳз вермы лоны, мед олѳмыс эз ѳтлаѳд найѳс. И мед Валерий вѳн сѳрѳн да лоис дѳнас бать. Ян да Сергей йылысь тѳждысьны нинѳм. Найѳ бур туй вылынѳсь. Неважѳн кыкнанныс петѳсны вѳрысь, лѳсьѳдчѳны пасыкыд олѳмѳ петны: ѳтиыс — велѳдчыны, мѳдыс — армияѳ. «Бур туй налы!» — сѳмын и вермис сины Федор Михайлович.

Сулалѳ Вѳрью весьтын гѳжѳм помся поводдя. Кор ззырштас, кор воссьылас. Пѳртмасьѳ уна рѳмъясѳн ыліса и матыса вѳр, дзѳрдалѳ шондѳ водзын ягъяс да пармаяс вѳмѳналысь векныдык ю аслас лѳнь ваѳн. Шыалѳны мѳдлапѳлын вына машинаяс. Яркоу Миш Педѳр вѳсьлалѳ муса Вѳрью пѳлѳн и аддзѳ сылысь ещѳ мѳча аскиясѳ. Дерт, сійѳ нъѳти оз ло талунъя кодьѳн.

Олѳм мунѳ водзѳ...

Юрий ВАСЮТОВ

* * *

Синма войй, тувсов коми войй,
Сиктын синтö куньтыртны он вермы:
Петöмаось медся ыджыд бойö
Трактористъяс кöдзны-гöрны.

Локтö оз ли коркö налөн унмыс —
Мöвпыштан да шензыны тэ мöдан.
Тувсов луныс, волөн медкузь луныс,
Налы оз на тырмы, тöда. Тöда.

Трактор — абу вöв, оз мудзлы.
Но öд мортыс, мортыс абу кöртыс!
Он, он вермы тувсов войö узыны,
Быттö вöтлö ыбö тэнö чöртыс.

* * *

Ой тi, войяс! Кыа кустöм войяс.
Некор шоглун тi бердö оз кöвъясь...
Нэм оз вунны сийö сöстöм вояс,
Кодыр юрын сöмын: вöвъяс, вöвъяс.

Вой — не вой. И бипур öмöй шонтö!
Печенча кодь чöскыд сёян — абу.
Мойдыс öнöдз морöс пытшкöс ёнтö,
Öнöдз кыла, кыдзи йирсьö табун.

Мунны эськö вöвъяс видзны войын.
Кывзыны и мойд, и сюзьлысь буксöм.
Воны гортö синтö сёйысь дойөн,
Пöттöдз узыны пызан сайын, пуксөн.

•

ОШИНЬ САЙЫН ар-
ся кодзыд зэр. Тшап
усьяса проводник быд
пöрий пинясьö, кор пас-
сажирьяс весиг ичöтик
станциясын петöны там-
бурö, восьтöны вагон
öдзöссö, видзöдöны тыр-
тöм перроньяс да ва-
гöпьяс вылö, көнi йöктö-
ны зэр войтьяс. Мöд лун нин поезд
чепсасьö лунвывлань, и пассажирь-
яслы дышöдiс нин пукавны вагонь-
ясын да дзоргыны-видзöдны ывла
вылас сöмын öшинь пыр. Тшап
усьяса проводник радейтö сöстöм-
лун, а восьса öдзöсöд вагонад век
нин веськалыштасны няйт да бус.
Сийöн и броткыштö.

Кор поездыс вöрзяс, пассажирь-
яс тэрмасьтöг бөр пырасны ваго-
нö. Коркö пырас и проводник, и
сэки ме коля тамбурö дзик öтнам.

...Сийö вунöдлытöм рытас та-
лунья моз жö зэрис. Зэр войтьяс
öтиөн-öтиөн гылалiсны менам плащ
вылысь, кор ме пыри тiянö. Вöли
помассьö менам салдатскöй отпу-
скöй. Медбöрья рыт ме вöли гортын.

Ми петiм тэкöд посводзö.

Некор ме ог вермы шуны тэныд:
«Прöщайтлы!» Весиг зэв сьöкыд
шуны: «Аддзысьлытöдз!» Меным
сэтшöм окота вöли малышты тэн-
сьыд шабдi юрситö, но ме эг лысьт.
Йöйыд, йöйыд... Öнi, кор тэсянь сэт-
шöм нин ылын, ме окавлi эськö
ассьым ки пыдöсöс, а узыны водiгөн
пуктi эськö юр улö веськыд киöс,
медым вöтөн аддзывны тэнö.

Тэ сэки шуин: «Аддзысьлытöдз,
Стёпа!» Меным кажитчис, мый тэ
ещö мыйкö көсийин содтыны. А, гаш-
кö, сöмын кажитчис... Янсöдчан
рытад мыйыс оз вермы лоны. И ме
сэки гөгөрвои, мый ог вермы шуны
тэныд сийö öти кывсö, код ради и
локтi тэ ордö. Меным колö на сал-
датавны быдса во и ачyd тöдан,
кутшöм сьöкыд эськö вöли меным,
друг кö тэ шуин: «Ог!»

Ме бура тöда, мый меысь матыс-
саджык ёрт тэнад абу. Ме тöда та-

Геннадий ТУРЬЕВ

Телеграмма

ВИСЬТ

йöс көкьямыс во. Сы дыра жö ме
радейта тэнö. Радейта и чöv ола.

— Но, аддзысьлытöдз, Стёпа!—
мöдысь шуин тэ да нюмъялiгыр
вөрöдыштiн асьыд мичаник чунь-
ястö дзик менам синьяс водзын.

Ме вочавидзи сiдзи жö. Тадзи
ми торйöдчывлiм тэкöд быд лун
школаын велöдчигөн на. Тадзи жö
ми янсöдчим, кор менö босьтiсны
армияö. Тадзи артмис и öнi, кор
помассис менам салдатскöй отпу-
скöй.

Сэссия ме петi ывлаö, көнi та-
лунья моз жö зэрис. Көдзыд зэр
войтьяс ыркöдiсны менсьым гөрдö-
дöм чужöмöс, исковтiсны менам чу-
жöм кузя быттьö синва мольяс. Но
ме, дерт, эг бöрд.

Тэ тöдан, кымынысь ме көсийлi
шуны тэныд «радейта» кывсö? Тайö
кывсö унаысь кывлiсны и Карпать-
яс, и Тисса ю, и сылөн берег вы-
лын быдмысь каштаньяс. Тайö зэв
пöсь кыв. Сийö көкьямыс во нин
сотö менö. А ме некыдз ог вермы
мездысьны тайö кывсьыс.

Тайö кывсö тэ некор на эн кыв-
лы мясянь. Эн лыддывлы менам
письмöясысь. Эг шу тайö кывсö и
öнi...

А поезд нуö менö пыр ылöджык
и ылöджык лунвывлань. Оз öдийö и
мун, а меным кажитчö, быттьöкö
сийö тэрмасьö салдат моз, кодлөн
помассьö увольнениеыс.

Дугдывтöг зэрö и зэрö. Быдлаын
зэрö: и ичöтик станциясын, и
ыджыд карьясын, кодьяс веськав-
лöны көрт туй вылын.

Тайö станцияс ми сулалам вель
дыр. Буракö, танi вежсьö поезднöй
бригада. Вагонö пырисны некымын
морт. Тшап усьяса проводник быд

пырысьлы висьталӧ, медым сійӧ бурджыка чышкалас кокъяссӧ. Кыліс нин вокзальной кӧлӧкӧллӧн триньӧбтӧмыс. Медбӧръяӧн кыпӧдчис тамбурӧ кельыдлӧз плаща мичаник нывка. Юрсиыс кӧтасьӧма, синъясыс гажтӧмӧсь. Сійӧ бергӧдчис перронлань, кӧні сулаліс кузь тушаа, ӧчкиа томиник зон. Сійӧ эськӧ быттьӧкӧ видзӧдӧ миян вылӧ, тамбурын сулалысьяс вылӧ, но збылысьсӧ аддзӧ сӧмын ӧти мортӧс. И ми ставным гӧгӧрвоам тайӧс.

Поезд вӧрзӧдчис. Вагонкӧд орчӧн кутіс восьлавны и ӧчкиа зонмыс. Со сійӧ оз нин восьлав, а котӧртӧ. Кӧть и тешкодъ, но сійӧ весиг ӧти здук кежлӧ оз вештыв синъяссӧ ныв чужӧм вылысь и котӧртӧ, котӧртӧ ва гӧпъясӧ тувччалӧмӧн. Кодыр поезд ӧнакодъ нин ӧддзӧдчис, зонка котӧртигмозыс мый вынсьыс горӧдіс:

— Ме радейта тӧнӧ, Зоя! Кылан!?. Ра-дей-та, ра-дей-та!..

Поезд вочавидзис кузя тутӧстӧмӧн. Кельыдлӧз плаща нывка перйис зепсьыс плащыс кодъ жӧ кельыдлӧз кӧсынка да дыр ӧвтчис сійӧн.

А кодыр ставӧн бӧр пырисны вагонъясӧ и ме бара тамбурын коли дзик ӧтнамӧн, меным друг сьӧлӧм доймытӧдз окота лои сувтны тайӧ ӧчкиа зонмыс местаӧ да весиг сідз жӧ котӧртны ва гуранъясӧд. Ӧд тайӧ ӧчкиа зонмыс вӧлі шуда. Збылысь шуда. Та йылысь ме тӧдмалі

мичаник нывлӧн гажтӧм синъяс сертиыс...

Ме тӧрмӧдлі ас кежысь поездсӧ, медым сійӧ ӧдйӧджык, ӧдйӧджык котӧртис локтан станцияӧдз.

Вокзалыс сӧні вӧлі ичӧтик. Тани поезд сулалӧ сӧмын некымын минут.

— Йӧймин!— горзіс меным уска проводник, кор ме поезд сувттӧдзыс на чеччышти перрон вылӧ. Ме ӧні сідз жӧ котӧрта ва гӧпъяс вомӧн.

Почта ӧшинь пыр ме вылӧ видзӧдіс чуймӧм телеграфистка, кор ме сылы сеті телеграммалысь бланок. Дженьыдик адрес бӧрын медводдза строкасяныс да дзик медбӧръяӧдзыс, мыйта тӧрис лист бок вылас, ме гижі ӧти и сійӧ жӧ кывсӧ: «Радейта, радейта, радейта...»

— Гашкӧ, тырмас, гижан кӧ ӧтчыдысь «радейта» кывсӧ?

— Оз, оз тырмы! Бланокыс кӧ ыджыдджык вӧлі и унджыкысь на гижі эськӧ.

Кор ме чеччыштӧмӧн кыпӧдчи вагон тамбурӧ, поездыс вӧлі вӧрзӧма нин.

— Вермин сӧрмыны,— кызкӧ весиг меліа шуис меным уска проводник.

А меным вӧлі кокни и лӧсьыд. Ме талун шуи сійӧ кывсӧ, кодӧс кӧкъямыс во чӧж гусьӧн новлӧдлі сьӧлӧмын.

Ӧшинь сайын важ мозыс пызйис арся кӧдзид зэр.

Ветымын арӧс — томлунӧй

КПСС XXIII СЪЕЗДЫВСА ДЕЛЕГАТ ЙЫЛЫСЬ ВИСЬТ

Кор ме думайта Иван Федорович Сидоров йылысь, менам син водзӧ сувтӧ Мадмас лесопункт, сувтӧны сэтчӧс йӧзыс, быдмысь посёлок. А заводита кӧ ме думайтны лесопункт йылысь, пыр быттьӧ аддза Иван Федоровичӧс.

Мыйла тадзи артмӧ? Буракӧ, сы вӧсна, мый Сидоров, кыз шуласны, вужъяснас йитчӧма Мадмас лесопункткӧд. И найӧс сьӧкыд торйӧдны ӧта-мӧдсыныс.

Тайӧ лесопунктыс и водзтӧджык нимавлӧ республика пасьта. Но бӧръя нель-вит онас сэтысь кутисны воавны пыр бурджык и бурджык юӧръяс. То сэнӧ заводитӧмаӧсь стрӧитны кутшӧмкӧ выль сикас туй, кутшӧмыс страна пасьта на весиг эм кӧнкӧ-кӧнкӧ. То тулысар кежлӧ кутисны улыс складын лӧсьӧдны вӧр запас, кызди тайӧс муртса на вевъялисны видлыны Свердловской областын. То бара улыс складсӧ паськӧдӧны.

Кывлан татшӧмтортӧ и, аслыд тӧдлытӧг, думайтсӧ: «Небось тай Иван Федоровичыд быдтор вылӧ судзсӧ. Оз кӧ и пӧрысьмы сийӧ-а...».

Тӧдӧмысь, водзмӧстчынытӧ и олӧма морт вермас. Да сӧмын тай татшӧм сюсь йӧзыд оз дыр кежлӧ кольччыны лесопунктса начальникӧн. Локтас, шуам, вӧрӧ том инженер либӧ техник. Пуктасны сийӧс мастерӧн. Зильджык кӧ да тӧлкаджык, видзӧдан да, технорукӧ нин индӧмаӧсь, сӧсся лесопунктса начальникникӧ, а ещӧ недыр мысти и леспромхоз контораӧ босьтасны.

Сӧсся, бара жӧ, вӧрса уджыд абу и дзик кокныд. А лесопунктса начальникыдлы медся нин сюрӧ. Лунтыр пӧшти кок йылын. А сэн ещӧ гырысьджык начальство видӧ, рабочӧйяс мыйкӧ абу дӧвӧленӧсь. Оз кӧ



мортсӧ ыджыдджык удж вылӧ удитны босьтны, то и ачыс вермас пышйыны. А кольчысьяс пӧвстсьяс шочыс жӧ кутӧны водзмӧстчыны: кӧдзалӧны. План, процентъяс, график, — нач сӧмын тайӧ и кольӧ дум выланыс, аскияыс надзӧник саялӧ син водзсыныс.

Та вӧсна и ме чайтӧ эськӧ Иван Федоровичӧс том мортӧн. Но сийӧ абу нин том: ветымын сайӧ. И меным лои окота прамӧйджыка тӧдмасьны тайӧ мортскӧд.

* * *

Айкиноын леспромхозса главнӧй инженер Валентин Георгиевич Зубарев висьталӧ:

— Да, мадмассаяслысь эм мыйӧ

велодчыны. Қотъ өні леспромхозын куйман лесопунктыс уджалоны бура, но куйм пыткас медбурыс — Мадмас.

И со ме Мадмасын.

Дум выло усьоны поэт Серафим Поповлон кывбурысь строчкаяс.

Таві батькөд ми кыйлывлім ур.

Чөс туй вылөд, кыт кытшлавлім
расөд,

Талун водіс көрт рельсыяса туй.

Биа югөрын —

Станция Мадмас.

Тайө кывбурсө вөлі гижөма кызы воысь дырджык сайын, 1944 воын. И көтө көрт туй сэк юковтіс нип пармасө, но Мадмасын вөлі сөмын на кымынкө керка.

Иван Федорович воис татчө та бөрын куйм во мысти. Сійөс индісны лесопунктса начальникөн. Кытшовтіс посёлоксө, но лесопунктлысь конторасө сідзи и эз аддзы.

— А со тай нө контораыс,— висьталіс паныдасысь нывбаба.

Контора вөлі землянкаын. Муджоджын сулалісны кык ичөтик пызан. Өтиыс начальниклөн, мөдыс бухгалтерлөн.

— Но вот и бур, мый воинныд,— чолөмаліс Иван Федоровичөс лесопунктса важ начальник, а сөсся чеччис местасыс да, пызанъяс вылас индігмоз, то ли збыльысь, то ли шуткаысь содтіс,— верманныд примитны овмөссө.

— Дворецсө бөрынджык стрөитам,— шуткаөн моз жө вочавидзис выль начальник.

Олісны, дерт, землянкаясын жө. Но Иван Федоровичөс тайө эз жө шензбөд. Ичөт дырйиыс, кор батьяскөд пармаын кыйсис, бипур дорын на төвнас эз өтчыдысь ковмывлы узьмөдчывны. А бөрынджык Ленинград дорын фронт, блокада. Землянкатө сэки и збыль муртса эз дворец пыдди лыддывлыны.

Став тайөторйыскөд позис миритчыны. Лөкджык вөлі мөдтор. Уджалысыс сэк өна эз тырмыны, и йөзсө выль лесопунктө мөдөдісны кыс сөмын позис. Унаөн чер ни пила кианыс некор эз босьтлыны. Да мед нө көтө мужичөйяс. А то унджыкыс,

нывбаба. А пила-чернад пөрөдчөмыд абу дзык нывбабаяслы кодъ уджыс, көтө и ковмывліс налы война дырйиыд да война бөрас первой кадсө пөрөдчыны.

И со татшөм йөзыскөд колө вөлі сетны страналы вөр. Уна вөр. Войнаөн кысьтөм народнөй овмөс эз терпит некутшөм нюжмасьөм. Лесопунктө мөдөдігөн Иван Федоровичлы не өтчыдысь казытыштисны:

— Уджавны ковмас зэв чорыда. Кыдзи вөвлөм фронтовик вылө, надейтчам тіян вылө.

Иван Федорович и ачыс зэв бура гөгөрвоис, мый уджавны чорыда ковмас. Но мыйсянь босьтчыны?

Аски асывводз лесопунктса начальникик йөзыскөд тшөтш восьлаліс делянкаө. Заводитны колө вөлі черөн да пилаөн вөдитчыны йөзөс велөдөмянь. Иван Федоровичлы, Пальса крестьянинлөн пила, кодлы и аслыс вель дыр лои уджавны вөрын, тайө эз жө вөв вельторйөн.

Сійө онас, 1947 воын, сөмын на восьтөм лесопункт сетіс 48 тысяча кубометр вөр. Сэкса кад серти да сэкса «техника» серти тайө эз вөв дзык этша.

* * *

Ставыс тайө вөлі дзык на быттьө неважөн, а со коліс нин дас өкмыс во. Иван Федорович кыскө пызан йөрсьыс клеенка корка кыз тетрадь.

— Со, вездөдлөй.

Первой листяныыс медбөрьяөдзыс тетрадьын ставыс лыдпасьяс да фамилиеяс. Наөн, позьө шуны, аслысног гижөма лесопунктлысь став историясө. А ещө сэні — быд рабочөйлөн трудөвөй биографияыс.

Ме листалі тетрадьсө да думайті: «Пөжалуй, лесопунктыясын сюрасны этша начальникьяс, кодьяс эськө сэтшөм бура төдісны ассьяныс йөзсө. Тайө, тыдалө, и отсалө Иван Федоровичлы быдөнөс индыны сэтчө, көні сійө сетас ыджыдджык пөльза».

Төвся лун дженьыд. Бвлаын пемдіс нин, уджалан лун помасис. Сөмын эз лесопунктса начальниклөн. Кабинетө заводитөны воавны йөз. Быдөнлөн аслас мог. Өтилөн удж-

көд йитчөма, мөдлөн личнөй. Но быдөнлөн зэв важнөй.

Со пырө том нывка. Сийө помалис Сыктывкарын ремесленнөй училище, сэсся петис верөс сайө, уджалис строительство вылын. Неважөн верөсыс мунис армияө, и том нывбаба бөр локтис батыс динө. Көсийө öнi уджавны танi, лесопунктын. Иван Федорович төдө и нывбабаөс и, дертнин, сылыс батысө. Бур рабочөй вөли. Öнi пенсия вылын. И нылыс, колө чайтны, бать кодыс лоас. А прамөй йөзлы уджыд пыр сюрас.

— Но мый нө, мунан туй стрөитны. Места лоас — увйысьны мөдөдам, — решитө лесопунктса начальник. — А аски вөв босыт да батыдыл пес вай.

Нывка бөрын пырө олөма нывбаба. Сылөн могыс ыджыдджык. Сийө зэв бур уджалыс, но бөрря кадас сьөкыд пеля лои. А уджалө вөр пилитан цехын, механизмыяс дорын. Сьөкыд пеля мортлы сэн өпаснө. Подсобнөй уджыяс вылө оз мун: удждоныс ичөт. Нывбабалы пөлагайтчө нин льготнөй пенсия. Но кор во кызь сайын сийө орчча лесопунктын кыскавлис вөр сiдз шусяна декавильнөй туй кузя, то тайөс сылы гижөмаөсь кызд улыс складын удж. А угыта складын уджалысыясы льготаясыс абу, да та вөсна райсобес татшөм пенсиясө эз сет. Вөр пилитан цехса мастер оз төд, мый и вөчны: и цехын кольны нывбабаөс оз позь, и мездысьны немортнога артмө. Зиль зэв мортыс дай нэмыс уджалис вөрын. Да и нылыс сылөн өкмысөд классын велөдчө, вердныпасытөдны колө, вель уна рөскодыс.

Иван Федорович нывбабаөс бура жө төдө. Казытыштісны: лесопунктын эмөсь йөз, кодъяс нывбабаөд өтлаын декавильнөй туй вылын кыскасылісны. Найө вермасны райсобеслы та йылыс юөртны. Сэки и льготнөй пенсия сетасны.

— Аски кежлө пасйы тайөс, — тшөктө Иван Федорович быт кузя лесопунктса начальникөс вежысылы. — Ковмас кө, босыт свидетелясө да ветлы райсобесас, оформит документъясө.

Медбөрын, став йөзөс примитөма. Тайө рыт волісны сизимөн. Но

лесопунктса начальник оз на мун гортас. Рытнас нин подсобнөй өвмөслы вайисны порсыпянөс. Некод та йылыс водзвыв весиг телефон пыр эз юөрт. А ывла вылын пашляк лыйсьө, нелямын градусө матысмө. И порсь гидйис сэтшөм жө: «гөстьяссө» эз виччысьны. Колө пыр жө кызкө шонтыны порсь гидсө да и йөзөс индыны порсыпянсө дөзбөритны.

Лесопунктын эштөдсьө выль пывсян. Лөсьыд пывсяныс, кирпичнөй, карса пывсян кодь дзик. Колө водзвыв и пывсянө уджалысыясөс корсьны.

Леспромхозса рабочком корис ыстыны медбур рабочөйясылыс список: көсийөны наградитны йөзсө. А бур йөзыс өмөй этша! Но коді талун кежлас медбур? Тайөс, дерт, профсоюзлөн цехвөй комитеткөд өтлаын решитасны, но кутшөмсюрө даннөйяс оз жө мешайт водзвыв видзөдлыны.

Совхозсян звөнитлісны: көсийөны лесопунктлы йөв сетны. Колө мөвпыштны, кызд сийөс вайны.

Но со и став вопросъяс решитөма. Коли сөмын видзөдлыны лунтырөн чукөрмөм бумагаяс. А чукөрмөма быдса стопа. Найөс видлалөм вылө мунө ещө час сайө.

Иван Федорович музпырыс нөшмовтчө. Сийө дөвөлен: ставсө, мый коліс вөчны талун, лои вөчөма.

* * *

Дворец Мадмасын кызкө пыр на эз слөймөдчыны стрөитны, а вот бур клуб тан эм нин. Этша лесопунктыс сэтшөм клубсө аддзан. Ыджыд да выль. И весиг кор ортсыяныс видзөдлан, пыр и гөгөрвоан: лесопунктын төждысьөны клуб вөсна. Но главнөйыс, дерт, абу ортсысач мичлун.

Клуб пытшкын онялө шоньд. Шоньд ва локтө трубасөд. Төвся рытө татшөм клубө дивья и локны. Мукод клубас пасбөн пукалан да пинь на пинь воча оз во, а тані дөрөм кежсыд он кымы.

— Овмөдчам надзөник, — висталө Иван Федорович, и гөлөсас сылөн кылө радлун.

Да и кызд он радлы да гордитчы.

Дивöйс, дерт, нинöм абу. Кыз вонад öнi быдса гырысь карьяс кыпöдöны. Вөр лэдзсыяслөн посёлк — абу кар. Но Иван Федоровичлы сийö любöй кар дорысь рöднöй да муса. Быд улича, быд керка и, дерт нин, тайö клубыс. Сы вöсна рöднöй да муса, мый ставнысö найöс; первой керсяныс, кыпöдöма тшöтш и сылөн уджөн. Неважөн на клуб местаын быдмисны пожöмьяс. Веж туганаöсь, сись кодь веськыдöсь. Лесопунктса начальник воывлис татчö любуйтчыны пожöмьяс нас, мөвпалис:

«Со клубы местаыс, а орччөн — парк...».

Эм нин и клубыс, и паркыс. Абу Сыктываркаса парк кодь, но парк. Öнi, тöлын, сийö тырöма лымыён. Но тувсов-гожся шоньд рытьясö, кор уллöv кодь небыд сынöдыс быттьö сквöзь йиджтысьöма чöскыд парма кöрөн да кор некыз он путьмы мунны гортад, том нывьяс да зоньяс дыр пукалöны паркаса лабичьяс вылын.

А öнi клубысь кылö биллиардасьöм шы.

Гашкö, тайöс аддзигөн, лесопунктса начальниклы дум вылас уси сийö кадыс, кор рыт-рыт пукавлис землянкаын дзуган би дорын. Газет вöли öдва лыддыны верман. Кутшöм нин сэн биллиард. А, гашкö, тайö лөнъ тövся рыт шыясас кывзысигмоз, казтыштис помасьлытöм кузь фронтövöй рыт-войяс, — кодзыд да тшын рыт-войяс, кор джуджыд лымыён шебралöм эрдьяс вывти собалис лёк гөлöсөн омлялысь смерть...

Нинöм татшöмторсö эз тöдлыны со тайö том йöзыс, кодьяс пукалöны клубса лыддысян залын. Эз тöдлыны да мед оз и тöдлыны. Мед тöдасны война йылысь сöмын книгаяс серти. Клубса библиотекаын книгаыс, майбыр, тырмö: и войнаяс йылысь, и öнiя йылысь, и техника кузя, и политика кузя. Маркс, Ленин, Лев Толстой, Гоголь, Драйзер, Тургенев, Шолохов, Симонов... Мед лыддясны, кодлы мый колö. Либö мед пырасны техкабинетö да велöдчасны бензопильщикьясö,

трактористьясö. Техкабинетыс öд орччөн жö, клубас.

И со бара Иван Федоровичлы дум вылас уси важыс. Лесопунктын чужи первой кага. И сьöкыда, и дзескыда олісны йöзыс, а олöмыд — олöм и эм: дзескыдыд да сьöкыдыд радейтчöмтö оз кусöд. Но кытчö иналан кагасö? Мамыслы дугдывны лои уджалöмысь, кытчöдз эз быдмышт. А öнi посёлкаса садьясö да яслиясö ветлöны кыксё челядь. Быдса кыксё! Ни öти нывбабалы нин кага вöсна уджысь оз ковэновтчыны, а Иван Федорович мөвпалö выль сад-ясли стрöитöм йылысь. Ковмас öд.

Либö босьтам удждон. Дерт, вөр лэдзсыяс и сэки эз торья этша нажöвитлыны. Да сöмын ёна этшаджык вöли сийö деньга вылас шедö. Олöмыс бара жö вöли сэтшöм. А öнi? Да мый сэн и сёрнитнысö! Магазиньясö бурджык тöварьяссö ваявны оз удитны. Вайöмөн тшöтш босьталöны. Но сöмын бурджыкьяссö. Лёкджыкьясыд куйлöны. Мича кöмкот-паськөм, бур мебель, мотоцикльяс, пеласян машинаяс... Деньгааöсь лоины йöзыд. Трактористьяс сё-мöдөн босьтöны, кодсюрöйс и кыксё ветымынöдз, шоферьяс öнi, тövнад, куимсёөдз катöдöны, да и увйысысыяс сё шайтсыдыд этшаджык тöлысьнад оз вайлыны. Мукöд семьяыс нельсё-витсё шайтөн пöлучайтöны, а то и унджык. Мый не босьтасыны!

Иван Федорович висьталис сьöлөмсяныс, пöся. Висьталис, кызди сылөн син водзын вежсис и вөр лэдзсыяслөн посёлкасыс, и йöзыслөн олöмыс, а öттшöтш и думьясныс, кöсийöмьясыс. Сийö, мый кызь во сайын кажитчис югыд, но ылысса кодзув кодьөн, талун лои матын, дзик бердад: китö нюжöд да босьт.

Ме сюся кывзи лесопунктса начальниккöс. Кывзи, а ачым бара жö думайти:

«Ставыс тайö, дерт, вернö. Но öтитор, Иван Федорович, тэ век жö он висьтав: оз на öд быд лесопунктын йöзыс сідз овны, кызди Мадмасын. И он висьтав тэ, Иван Федорович, мыйта труд тэныд аслыд лои пуктыны, медым татшöм олöмыс

воссис. Но да мый тэкөд... Тайоc өд оз быдөн радейтны висътавны, да тайо и сідз гөгөрвоана. И гөгөрвоана сідз жө, мыйла Мадмасыс сөмын өтка йөз муналөны да и на пиыс унджыкыс бөр вооны, кыдзи неважөн воис улыс складса бригадир Николай Яцкевич, гөгөрвоана, мыйла йөзыс тани дас вояс чөжөн уджалөны да оз и лөсьөдчыны некытчө мунны. А тайо кө гөгөрвоана, то кызвыннас гөгөрвоана и сийө, мыйла лесопункт лои республиканы медбуръяс лыдын».

...Заводитчө кино. Клубө чукөрмөм йөз пиыс унджыкыс пырөны видзөдны сийөс. Кинозал некор оз овлы тыртөм, көть уналөн нин гортаныс телевизоръяс эмөсь: телевизор пырыд выль кинотө кор на ещө петкөдласны ли оз ли. А Иван Федоровичлы кино видзөдны талун мыйкө абу окота. Көть өти рыт пукалыштны гортын. Оз тай частө удайтчывлы.

* * *

— А тайө,— индө Иван Федорович гаражын сулалыс кутшөмкө аслыссяма машинаяс вылө,— мян туй стрөитан техника.

Лесопункт гөрдитчө аслас туйөн. И эм мыйыс! Туйсө вөчөма муыс, кодөс сорлалөма цементөн да ещө мыйсюрөөн, медым ён лоис. Сийө нинөмөн оз торъяв асфальтыс, сөмын ёна крепидджык. Асфальтыд лёка регыд жугласяс, кутасны кө сэт ветлыны 20—25 кубометр вөрөн грузитөм сьөкыд машинаяс. А тайө туйыс ёнасө оз и вөрзъыв. Оні республикаын татшөм туйыс нель нин стрөитесьө. Во-мөд сайын Малөй Пераын вөлі вөр лэдзысъяслөн всесоюзной совещание. Ветлісны и татшөм туйсө видзөдлыны. Гөстъяс да көзяинъяс костын кыптис спор. Кружка сур вылө заклад вартісны. Оти гөсть көсийысис лөмөн да киркаөн дас вит минут чөжөн туйсыс метрджын пасьта кусөк жугөдны. Мудзтөдзыс пессис, но дзик нинөм эз артмы. Ворссис...

Но тайө лоис бөрынджык нин. А 1960 воын, кор заводитісны стрөитны Мадмасса туй, некод на прамөя эз төд, мый таыс артмас, сы вөсна

мый стрөитісны татшөм туйсө странаын дзик первояс лыдын. Проектируйтісны туйсө Комигипрони-леспром институтса сотрудникъяс. Найө, дерт, ставсө гөгөрбок артыштісны. Но мый на петкөдлас практика? Сийө өд мукөд дырйныс медся стөч арталөмъяссө путкыльтө. Шуам, дыр-ө олас туйыс? Гашкө, и стрөитөм доныс абу: во-мөд мысти торпыригөдз жугласяс?

Тайө вопросы, төдөмыс, лесопунктса руководительяслы эз вөв дзик веськодь. Од туйсө лесопункт заводитіс стрөитны сідз шусяна хозяйственной способөн, прөстөйджыка кө шуны — ачыс, а эз дядьө. И нинөм кө сэсэ эз артмы, сэк эськө төв йылө лои койыштөма вель уна деньга да удж, а лесопунктса начальствоөс юрөдыс эз малыштны.

— Эн полөй босьтчынысө?— веськыда юалі Иван Федоровичлыс.

— Мыйкө мындаыс вөлі,— оз соссы сийө.

Но ёнасө, тыдалө, эз жө. Повзис кө — эз стрөит. Иван Федорович эскө наукалы. И төдө, мый кутан кө тіравны, быд выльторйыс повны, он вермы мунны водзө.

И со журъялөны выль туй кузя вөр тыра машинаяс. А Иван Федорович ещө ёнджыка кутіс эскыны, мый наука, кутан кө дружитны сыкөд, вермас сетны производстволы ыджыд отсөг, да ещө ярджыка босьтчис нюжөдны выль туйсө водзө. Весиг төвнас туй стрөитанінын уджалісны нель бригада. Найө писькөдісны туйлыс трассасө. Пөрөдөм вөрсө төвнас кыскыны кокныдджык. А тулыснас туй местаыс бурджыка косьмас да туйыс лөө ёнджык. Туй полотносө вөчисны гөжөмнас, а сэсся туйсө «кышасны» стабилизуйтөм муөн.

Нинөмыс оз пов выль туй: ни рөспутаыс, ни зэръясыс. Но позьө, дерт, и зэв ён туй жугөдны, он кө нөти кут сийөс видзны да дөзбөритны. Мадмасын видзөны туйсө.

Некымын во сайын Свердловскөй областъса уна леспрохозъясын вөр лэдзысъяс заводитісны уджавны выль технология серти. Тулысаркежлө найө кутісны лөсьөдны улыс складъясын вөр запас, а рөспута

дырйи дугодны кыскасьомсё да кражъявны запасё лэччөдөмторсё. Сэк кості бара лөсьөдөны вылыс складъясын вөр запас.

Иван Федорович, мыйон сөмын кывліс выльтор йывсьыс, пыр жө босьтчис пыртны сійөс аслас лесопунктын. Некрымын во нин Мадмасын запасьяс лөсьөдөны. Кольөм тулыс кежлө лэччөдісны 11 тысяча кубометр, ар кежлө — 3 тысяча. А таво тулыс кежлө 15 тысяча кубометр лэччөдны шуисны.

Эмөсь лесопунктын и кутшөм-сюрө мукөд выльторьяс. Июльын улыс складын заводитіс уджавны лыскыс витаминной пызь вөчан установка. Республикаын өні татшөм установкаыс вит. Мадмаса — «медтомсьыс» мөдыс. А продукциясө сетіс мукөд «пөрысь» установкаыссьыс унджык, сы вөсна мый лесопунктса рационализаторьяс сы бердө ассыныс киньсө пуктылісны.

Неважөн вештісны (збылысь вештісны!) вөр пилитан цех, матыстісны сійөс сэтчань, көні вөрсө сөвтөны вагоньясө. Цехсянь сөвтчанінөдз пилитөм вөрсө вайны лои кокныдджык, а кадыс та вылө кутіс мунны этшаджык. И со мый таысь артмис: 1964 воын кө цехыс сетіс пиломатериалсө 8 тысяча кубометрысь этшаджык, то 1965 воын — 14 тысяча сайө.

Кольөм вося июнын заводитіс уджавны тара вөчан цех да воджынойон сетіс 500 кубометр тара.

А гаражыс лесопунктын кутшөм! Кирпичной, шоньд. Төвнад ремонтникьяс да шофөрьяс веськыда расуйтчөны сэні. Стрөбитісны сійөс во сайын.

Да, уна выльторьяс эмөсь Мадмасын. И ставсө найөс веськөдөма сы вылө, медым сетны страналы унджык да донтөмджык продукция, а йөзыслы уджавны мед вөлі лөсьыдджык да кокныдджык.

Татчөс йөз абу полысь рөдысьөсь. Найө смела мунөны водзө, а медводзын — Социалистической Уджывьса Герой Иван Федорович Сидоров — производствоса опытной командир, сюсь да төлка көзяин.

* * *

Производствоывса уна передөвикьяс эмөсь Мадмасын. Накөд төдмасыны ме заводиті найөс аддзөдлытөдз на. Да и быдөн төдмалас, коді сөмын пыралас клубө. Сэні медся тыдалана местаас өшөдөма налысь портретьяс. Лесопунктса руководителььяс, партийной да профсоюзной организацияыс өна төждысьөны ордысьөм паськөдөм вөсна. А та могысь мый колө? Колө, медым став лесопунктыс пыр төдіс, коді талун водзын да коді кольччис, төдіс нимьяссө медбурьяслысь да зілис вөтчыны на бөрся. Сы вөсна и портретьяскөд орччөн өшөдөма переходящей выпельяс: «Медбур шоферлы», «Вылыс складса медбур бригадалы», «Улыс складса медбур бригадирлы». А выпел весьтын — талунья көзяиньслөн овыс да нимвичыс. Вымпельяс век өшалөны, а көзяиньясыслөн овьясыс частөкодь вежласьөны: выпелсө босьтны көсийсыс абу этша. А клубө кө он пырав, то и вөр делянкаын медбур йөз йывсьыс төдмалан. Бригада кө төлысьөн пөрөдіс тысяча сайө кубометр вөр, то сылөн трактор кабинано расуйтсьө звездочка. Тадзи быдлаын вөчсьө. Но Мадмасын звездочкаыссьө гырысякодь расуйтөны: ылісянь синмад шыбитчө. Мукөд тракторас звездочкаыс сы мында нин, мый регыд сөсся и расуйтнысө некытчө лоө. Гуго Крейслөн бригадалысь тракторсө колөм во мичмөдісны сизим звездочка, Рейнгольд Фрицлөн, Аэтян Хонановлөн, Альгеман Фрейдерлөн, Афанасий Бурдинлөн бригадаяслысь — квайт звездочкаөн.

Төдөмысь, производствоса передөвикьясөс не сөмын ошкөны. Налы тшөтш и премияыс сеталөны став лесопункт син водзын.

Иван Федорович төдмөдіс менө лесопунктса уна йөзкөд. Заводитім улыс складсянь.

— Николай Эдуардович Яцкевичлөн бригада, — висьталіс лесопунктса начальник. — Буретш сійө Яцкевичыслөн, коді велліс гортас, Белоруссияө, но миянө бөр воис. Кольөм төлысья задание тыртіс

154 процент вылө. Миян медбур бригадаясысь өти.

— Мыйла «медбуръясысь өти»?— чуйми ме.— Ещö на бурджыкъяс али мый эмöсь?

— Эмöсь и бурджыкъяс,— нюмдис Иван Федорович.— Сергей Абраменковлөн кражъясысь бригада тыртис заданиесö 170 процент вылө, Григорий Дутенколөн — 174 процент вылө, а Константин Аристовлөн бригада, кодi сöвтö вагонъясö вөр,— 200 процент вылө.

— Вот тайöс, сидзкö, и пасьям,— кыски ме зептысь блокнотöс.

— Пасйыны кө нин — ставсö,— эз сöгласитчы Иван Федорович.

— Да öд медбурыс Аристовлөн?

— Кольöм тöлысын вöли. Но миян сэтшöмыс шоча овлө, медым öти бригада кык тöлысь дорвыв медводзын мунис. Мукöдыс абу жö, кыз шуласны, рыжöйöсь.

Николай Вильгаукöс ми суим гаражын. Сийö буретш ремонтируйтис машинасö. Кольöм во сийö пöшти кык пöв вевтыртис заданиесö, кыскис 10 тысяча сайö кубометр вөр. А машинаыс Николайлөн абу нин дзик «том», мöд машинной нэм олö, сизим арöс неважөн тыртис: норма серти сылы пöлагайтчö мунны 170 тысяча километр, а мунис 250 тысяча. Став семилетка чöжыс Николай уджалис öти машинаөн, 55 тысяча кубометр вөр лэччöдис улыс складö. А öни со дзоньталыштö да көсийö на и выль пятилеткаын тайö машинанас уджалыштны.

Тöдöмысь, Николай кодь шоферыс лесопунктын мöд сэсся эз вермы лоны. Ме пырысь-пыр тадзи и пасйи блокнотö.

Но Иван Федорович бара на веськöдис:

— Миян медбур шоферъясысь öти.

Вөлöмкö, Маркел Мешкело 50 тысяча кубометр жö кыскöма семилетка чöжнад, Роберт Матвих — 44 тысяча, а Богдан Волин — весиг 58 тысяча сайö.

И сöмын öти мортöс улыс склада да гаражса уджалысьяс пи-

ысь — Евгений Иванович Чирковöс — лесопунктса начальник шуис медбурөн. Евгений Иванович дас вит во трудитчö столярной цехын. Отшöтш сийö и слесарь, и плöтник, и весиг вурсысь. Веськавлас кө сыкиö машинаыд, то оз нин сылы лояндзим «йöз» водзас петны: и кузовыс, и кабинаыс, и дышлоыс, и пуклöсыс,— ставыс дзик выль кодь лө. Цехас Евгений Иванович öтнасөн и эм.

Вылыс складын тöдмасим Александр Федорович Терехинлөн бригадкöд, кодлы сетöма коммунистическöя уджалысь коллективлысь ним Кольöм во сийö пöрдис да трелюйтис 10 тысяча сайö кубометр вөр, тыртис нормаөн-джыйнөн. Бригадир — вöвлөм моряк. Сийö и тани, вöрын, кужис лöсьöдны, кыз шуласны, морскöй пöрадок.

— Но, адзылинныд миянлысь йöзсö,— юалис менсьым Иван Федорович, кор ми тöдмасим, гашкö, джын лесопунктыскöд.— Татшöм йöзыдкöд мый и не уджавны...

Ме, дерт, сöгласитчы. Сöмын ас думысь содти:

— Кужан кө веськöдлыны сийö йöзнас да бура котыртны налысь уджсö, сибалан кө йöз динас.

* * *

Февраль помын Мадмасса да Гарьяса вөр лэдысьяс шуисны:

— Мартын кутам уджавны ударной. Партиялөн съезд кежлö шедöдам выль успехяс.

Мадмасса да Гарьяса вөр лэдысьяслысь водзмöстчöмсö ошкис КПСС обкомлөн бюро.

Некымын лун мысти ме звöнитли Иван Федоровичлы, юали, кыззи мунöны делöяс.

— Норасыны оз позь,— висьталис Иван Федорович.— Сетöм кыв пöртам олöмö.

А ещö некымын лун мысти чукöртчис областной партийной конференция. Иван Федорович Сидоровöс сэни бöрийсны КПСС XXIII съездывса делегатөн.

Нимыд кӧ тэнад — коммунист

Тэ коммунист. Сійӧ партиялӧн член, кодӧс народ шуӧ мян эпохалӧн вежӧрӧн, сӧвестьӧн да честьӧн. Тэ боец. Ленинскӧй гвардиялӧн дас кык миллион боец пӧвстысь ӧти. Тэ пыр сулалан стройын, пыр водзӧ мунысьяслӧн радын, водзӧ видзӧ дысьяскӧд орччӧн. Тэ пыр кывкутан сы вӧсна, мый вӧчсьӧ партияын да странаын. Тэныд шуӧма нуӧдны ас бӧрсяыд йӧзӧс, котыртны найӧс, быдтыны, тышкасны на вӧсна.

Сэк жӧ тэныд некор оз позь пуктыны асьтӧ йӧзсьыс вылӧджык, оз позь ышнясны на водзын. Тэ сӧмын верман унджык вӧчны ас пайсьыд, унджыктор вӧсна кывкутны.

Кор тэ босьтан киад партияса членлысь гӧрд билетсӧ, некор эн вунӧд Ленинлысь кывъяс: «Коммунистъяс примитӧны партияӧ выль членъясӧс оз сы вӧсна, медым найӧ босьтисны аслыныс унджык выгӧда, кодӧ вермас лоны правительствоса партияын сулалӧн, а сы вӧсна, медым найӧ петкӧдлісны збыльысь коммунистическӧй уджлысь пример».

И тайӧн — восьлавны ставсьыс водзын, пыр лоны медся сьӧкыдінъясын — коммунист гӧрдитчӧ, таын сійӧ аддзӧ асьыс шуд. Коммунист оз кеж сэтчӧ, кӧн кокныдджык да шы ни тӧвджык, а восьлалӧ сылань, кӧнӧ медьӧна колӧны сылӧн выньясы, сылӧн зльӧмыс да сямыс. Коммунистъяслӧн нимкӧд йитчӧмаӧсь и космосӧ пискӧдчӧм, и атом вынлысь тайна восьтӧм, и индустрияса гигантъяс кыпӧдӧм, и ыджыд мывкыда электроннӧй машинаяс

лӧсьӧдӧм, и кӧдзыд Войвыв сӧвмӧдӧм да сідз водзӧ.

Фуфайкаяс да брезент спецовкаяс пасьталӧмӧн коммунистъяс восьлалӧны геологъяс радын, муноны на бӧрся. Водз садьмӧны, сӧрӧн водӧны. И быдмӧны вӧрын да тундраын выль посӧлокъяс да заводъяс, шахтаяс данефть перьян промыселъяс.

Уна коммунист уджалӧ Ухтаса промышленнӧй районуын. Найӧ водзӧ сӧвмӧдӧны да мичмӧдӧны асьыныс сідз нин мича карнысӧ, кыпӧдалӧны гырысь керкаяс Сосногорскын да Улыс Ӧдӧсын. Налӧн быктор сяммысь киясыс пискӧдчӧны мупытша пыр выль и выль озырлунъяслань, нюжӧдалӧны газопроводъяс, шӧралӧны татчӧс вӧръяс да нюръяс автомобильнӧй туйясӧн.

Эз ӧд весьшӧрӧ СССР-са Верховнӧй Сӧветлӧн Президиум наградит Ухтокомбинатса коллективӧс Трудӧвӧй Краснӧй Знамя орденӧн. Нефтяникъяслӧн карын и вӧр пасьтала разгысӧм бурӧвӧйяс вылын ыджыд кыпыдлунӧн тӧдмалісны тайӧ радуитана юӧрсӧ. Ыджыд награда вылӧ вочавидзӧмӧн нефть перийсыяс шуӧны уджавны ещӧ кыпыдджыка, медым пыр унджык и унджык сетны рӧдиналы му пытшкӧслысь сьӧд вирсӧ.

Нефть перийсыяслы ыджыд отсӧг сетӧны Ухтаса стрӧитчысыяс. Квайт тысяча морт лунысь-лун вежӧны татчӧс местаяслысь ӧбликсӧ. Семилетка воясӧ быд пӧлтӧс уджъяс вӧчӧмыс налӧн содӧс кык пӧв. Планаысь вывті стрӧитӧма уна дас тысяча квадратнӧй метр оланін.

Они Ухтаса строятся тэрма-сьоны овмодны, строятны мый колё нефтьон озыр Тэбукин, выльмодны нефть да газ переработайтан заводъяс. Найо нюждоны сидз жё Тэбук-Сосновка газопровод, строятчоны Жешартса фанерной да Коми-электростеатит заводъясын.

И быдлаын, строятчосьяслон первой радъяссы, ти верманныд аддзыны коммунистьясос. Трестса партийной организацияын сулалё 400 гогор морт, кодъяс новлодлоны морос берданис горд билетъяс. Унджык коммунистыс, коть кутшом удж эз вочны, пыр петкодлоны мукодлы бур пример. Железобетонной изделияс вочан заводын татшомъяснас лооны коммунистьяс Дегов, Казуркин, Коробков; первой строительно-монтажной управлениеын — Вокуев, Таланов, Модод управлениеын — Морозов, Степанов, Лысков.

Татшом жё ногон позьо казътыштны овнысо и уна мукод строятчось-коммунистьяслысь. Быдон на пиысь разной характера йоз, но налон быдонлон эмось и ставлы лосланаторъяс. Сийо — бура уджалом, удж динё ыджыд кывкутом, не сомьн ас вснаыс тождысьом, но и на всна, кодэ оло да уджалё накод орчон.

Миян быдлаын эмось сэтшомъяс, кодъяслысь позьо босьтны пример, кодъяслысь позьо велодчыны. Партиялон пошти куим нельод юконыс уджалё сэнэ, конэ вочсьо страналон материальной озырлуныс — заводъясын да шахтаясын, колхозъясын да совхозъясын, транспорт вылын да строительствеын.

Бур боксянь петкодло асьсё Александр Акимович Артеев, Ижемской районса «Заветы Ильича» колхозысь кор видзосьяслон бригадаон веськодлысь. Тайо мортыс скромной, радейто удж и кужо уджавнысё. Кыз нель во сийо новлодло кор стадаяс войвыв тундралон помтом-дортом эрдъясод. Дас нель во дорыв веськодло бригадаон да воысь-во шедодо пыр выль вермомъяс. Вит во сайын на Артеевлон бригадаыс январса быд 100 кор выло вузавлявлис государство-

лы 18 центнерон яй, а они вузалонин 27 сайо центнерон.

Ена уважайтоны кор видзосьяс асьыныс бригадирнысё. Сы всна мый сийо ыджыд сёлёма, абу чульодлысь морт. Мыйко ко оз кажитчы сылы, висьталас веськыда, а коло ко отсог, первойон нюждас кисо. Не этша сьокылдун вичмис Александр Акимовичлы оломас. Уджавны пыр тундраын. Ковмис быдтыны, сувтодавны кок вылас и посныдджык чой-воксо, а они — сизим челядьос. И быдонос сийо ичотысъяныс велодо радейтны удж, лоны честнойон, правдивойон.

Партия да Правительство выло донъялисны коммунист Артеевлысь уджсо — 1965-од войн сийос наградитома страналон медса ыджыд наградаон — Ленин орденон.

Коммунизм строитан паськыд фронт вылын тышкасьоны ленинскойой партиялон салдатъяс. Коммунист некор оз вунодлы общественной долг йылысь, сы йылысь, мый асьсё жалиттог коло служитны народлы; сылон став койсьомъясыс пыр состомось, благороднойось. Лоны боедон — со мый коро Устав партияса быд членлысь. Лоны боедон быдлаын — производство вылын, гортса оломын, общественной уджын. Коммунистысь быдтор всна юавсьо: партия всна, страна всна и аслас коллектив всна.

Быд коммунистлон эм вына оружие. Тайо оружиеыс — сылон аслас примерыс. Од коммунистлон обликысь беспартийнойяс корсьоны аския мортлысь чертаясё. Сидзко коло овны да уджавны сидзи, мед мукодыс босьтисны пример. Коммунистлон обликыс артмо-тэчсьо сыысь, кызэ сийо пырочо уджо, кызэ видзодо ертъяс вылас, семья вылас, кызэ сийо быдто челядьсё. Коммунистлон ко вылын идейной, духовной да моральной обликыс, сэки бурджыка делбасыс мундны коллективын, конэ сийо уджалё, а сидз жё сылон семьяын, гортас.

Прилузье пасьтала нимало Лойма совхозысь сизимод бригадаон веськодлысь Вачериан Сюткинлон нимыс. Сидзко, эм мыйысь, тюпкиляпки уджнад он на енатэ нимав.

Валериан Сюткин бригадиралö нин кызь во. Кызь во сёлöмсяньыс служитö сиктса йöзлы. Дерт, тайö каднас эз этша сёлкылун паныдасьлы. Ковмылис быдторсö нуöдны ас вывтис: кыптылём и бөр усылём, радлун и шог. Но сиктса войтырлөн нырщик зумыда восьлалö олёмöдыс, нуöдö ас бёрсыс мукöдöс. Валериан Сюткинлөн некор оз куслы ыджыд көсийём — мунны пыр водзö, шедöдны пыр выль вермёмьяс.

Сизимöд бригада — совхозын медбурьясысь öти. Сылөн войтырыс тышкасьöны коммунистическöя уджалысь коллектив ним вöсна. И тайö туй вылас шедöдисны нин öттор-мöдтор, налысь позьö нин велöдчыны. Кольём во совхозын картупельлөн шöркөдь урожайыс воис 50 центнерён гектар вылысь. А сизимöд бригада дас квайт гектар вылын быдтис 100 центнерён быд гектар вылысь. Валериан Сюткинлөн бригада босьтис и няньлысь медбур урожай.

Мыйын нö делöйс? Öд быдөн вöдитöны öткодь му, кыз шуласны, енмыс öткодья зырышталö суседьяслөн муяс вылö? Ставыс сыын, мый разнöй бригадаясын оз öтмоза пырöдчыны удж вылас, оз öткодья сёлмсянь вöдитны мусö. Сюткинлөн войтыр лоисны муыслы бур да кужысь көзяиньясөн, найö бура пелькөдöны-вынсөдöны сийöс, тöждысьöны быд гектар вöсна.

Валериан Васильевичлөн эм сэтшём правилö — быдтор вöчны ас кадö и буретш сидз, кыз тшöктö агрономия кузя наука. Бригадир во гөгөр думайтö урожай йылысь, тöждысьö сы вöсна. Öни нин позьö повтөг шуны, мый сизимöд бригадаын лөсьөдöма зумыд подувлоктан урожайлы. Медбур кадö көдзöма öзимьяс. Коллектив сёлмсяньыс тöждысьö көйдыс вöсна, зильö бурджыка вынсөдны-күйöдавны муяс.

Сизимöд бригада — комплекснöй, сэтчö пырö и скöt видзан ферма. Валериан Сюткин некор оз вунöдлы и сы йылысь. Морттö быд лун позьö аддзывны фермаысь. И со, öтувья скötлы лөсьөдöма бур картаяс, заптöма тырымён көрым,

мөсьяс да мукöд животнöйяс пöтöса төвийöны.

Коммунист Сюткин ёна уважайтö йөзöс, бура тöдö налысь олёмсö, тöдö быд мортлысь характерсö да кодi мый вермö вöчны. Та вöсна бригадир ас кадö вермö могмөдны бура уджалысьöс да, колö кө, мыждыны удж торкалысьöс. Морт кө вöчис öшыбка эз нарошнö, аслыс казавтөг, Валериан Васильевич велöдас сийöс, петкөдлас, кызди колö бурджыка вöчны сийö либö мөдудж. Мортлөн кө лоёма мыйкө лектор гортас, и сэки бригадир оз мунбокытi, мыйöнкö да мыйöнкö отсалас. Со мый вöсна Сюткин воö сёлмө вылас и пöрысь пöльлы, кодi нэм чöжыс мырсис видз-му вылын, и томиник механизаторлы, кодi неважөн на пуксис трактор руль сайö.

Колхозса бригадирлөн уджыс, кыз шуласны, юр вывтырыс. Он бара служитысьяс моз урчитöм кадö мун гортад. Страда дырйи сийö муно гортсыс сэк, кор сикт весьтын тыдовтчöны первой тшынторьяс, а бёрсö воö рытъя кыа кусигөн. Со мый кузя бригадирлөн луныс. А öд Валериан Васильевичлөн эмöсь на ещö и общественнöй тöждысьöмьяс. Сийö агитатор, разöдö газетьяс да журнальяс. Неважөн Прилузьяса коммунистьяс бөрйисны Сюткинöс партия райкомса членö. И некод оз шу, мый Сюткин сөмын... почётнöй член. Сийö, кызди вермö, тшöтш отсасьö райкомлөн уджлы.

Зильны мунны пыр водзö, нуöдны ас бёрсыс мукöдöс, отсавны йöзлы лоны бурджыкөн, активнөйджыкөн — со мыйысь шоналö сёлөмыс прамöй коммунистлөн.

Эжваса речникьяс пөвстын унаөн төдöны капитан Анатолий Алексеевич Тчанниковöс. А мыйысь төдöнысö?

Анатолий Алексеевич аслас олөмысь комын вит во сетис войвывса юяс вылын пароходство сөвмөдöмлы. Дерт, та дыратö уджалигөн быдторыс жö паныдасьлис — не сөмын бурыс, но и лөкыс. Коммунист Тчанников некор оз бöрыньтчы сёлкылуньяс водзын, пыр петкөдлө пример, кызди колö уджавны

бурджыка. 1955-од воын флотса войтыр заводитсны пырѳдчыны мѳд профессияяс велѳдѳмѳ. Водзмѳстчысыя пѳвстысь первояс лыдын вѳлї и Анатолий Алексеевич. Сїѳ пуксьѳ парта сайѳ, велѳдѳ выль техника. Некымын тѳлысь мысти нин капитанлы сетѳны механикыльс диплом. Та бѳрын Тчанников ещѳ бурджыка вѳчѳ ассыс делѳсѳ, ещѳ бурджыка велѳдѳ командаса войтырѳс. А колѳ шуны, мый флотын уна во уджалїгѳн сїѳ сувтѳдїс нин кок вылѳ уна том специалистѳс. Сыѳн веськѳдлан судноса экипаж тышкасьѳ коммунистическѳя уджалысь коллектив ним вѳсна.

Севернѳй речнѳй пароходствоса медбур капитанъясысь ѳти, Анатолий Алексеевич некор оз вешїыв олѳмыслѳн визув вылысь. Сїѳ Вычегодскѳй судостроительно-судоремонтнѳй заводын партийнѳй бюроса член, дружинник. Сылысь нимсѳ пасїѳма семилеткаса передовикъяслѳн книгаѳ. Республикаса Верховнѳй Сѳветлѳн Президиум присвоитїс Тчанниковлы Коми АССР-са народнѳй овмѳсын заслуженнѳй работникыльс звание. Ставыс тайѳ ещѳ ѳтчдысь висьталѳ сы йылысь, мый Анатолий Алексеевич бура служитѳ народлы.

Да, нимыд кѳ тѳнад коммунист, тѳ некор он вешїыв олѳмыслѳн визув вылысь. Кѳть эськѳ киад тѳнад и эм нин пенсионнѳй книжка.

Ижмаса ылі Мохча сиктын олѳ-вылѳ пѳрысь учитель Максим Николаевич Вокуев. Мортис нелямын вит во нин партиян. Нѳль во сайын петїс пенсия вылѳ, но шойчѳм йылысь оз на и думышты. Сїѳ пыр на зїльѳ вѳчны йѳзлы бурѳс. Сиктса йѳз бѳрїисны Максим Николаевичѳс тѳварищескѳй судса председателѳн, а коммунистъяс — районнѳй партийнѳй организациан ревизионнѳй комиссияѳ председателѳн. Пѳрысь учитель — медся зїль лекторъясысь ѳти, веськѳдлѳ «Знание» обществолѳн первичнѳй организациан. Коммунист ставсѳ тайѳс вѳчѳ дон босьтѳг, быд удж вѳчѳ сьѳлѳмсянныс, кадѳн лыддысьтѳг.

Онї, кор партия пѳртѳ олѳмѳ коммунизмыльс зумыд подув лѳсьѳдѳм

кузя гырысь могъяс, ещѳ ѳнджыка кыптѳ рольыс коммунистлѳн, кызди массаяс котыртысьлѳн, народнѳй овмѳсѳ быд пѳлѳс выльторъяс пыртысьлѳн. Кѳнї кѳть сїѳ эз уджав — предприятїеын либѳ институтын, колхозын либѳ лабораторияын — коммунисты быдлаын колѳ лоны водзмѳстчысьѳн, мед эськѳ сїѳ век видзѳдїс ылѳ водзѳ, думъяснас пыр пановтїс кадсѳ. Прамѳй коммунисты абу на тырмымѳн — вѳчны сѳмын ассыс уджсѳ. Сылѳн местаыс тшѳтш и общественнѳй конструкторскѳй бюройн, народнѳй университетлѳн кафедра вылын, рационализаторъяс да изобретательяс лыдын, народнѳй дружинаын.

Мисьтѳм видзѳдны сѳтшѳм коммунист вылѳ, кодї бызгѳ-ошїысьѳ, ланьтѳдѳма шедѳдѳмтор вылын, кодї вылѳ пунктѳ асьсѳ. Тѳ кѳ ленинскѳй партиан бур боец, тѳныд колѳ критическѳя донъявын асьыд уджтѳ, не кытшлавны ѳсь вопросъяс да решиттѳм проблемаяс гѳгѳр, колѳ кужны адззыны сьѳкыдлунъяс да пыр тѳждысьны сы вѳсна, мед народлѳн олѳмыс лунысь-лун бурмис.

Ми огѳ вермѳй син куньѳмѳн видзѳдны сы вылѳ, мый миян эмѳсь на ещѳ сѳтшѳм коммунистъяс, кодъяс олѳны оз Устав серти. Видзѳдан да, мыччысяс на ещѳ и партияса сѳтшѳм член, кодї медъѳна радейтѳ лѳндыжык олѳм, кодї зїльѳ куравны асланысьджык. Овлѳ, мый ѳткымынъяс торкалѳны коммунистическѳй нравственностыльс нормаясѳ, став вылас видзѳдѳны кодзыда, оз сулавны ас кыв вылын.

Видлавсьѳ коммунист Поповлѳн персональнѳй делѳ. Уджалѳ сїѳ «Летскѳй» совхозын, веськѳдлѳ шѳр отделениеса коймѳд бригадан... Бокыса мортлы дивѳ кодѳн кажитчѳ нин сїѳ, кызди Попов кутѳ асьсѳ собрание вылын. Сїѳ некодлысь оз кывзысь, ѳтарѳ паныдалѳ кывнас сѳрнитысьясѳс. Колѳ кѳ пѳ, чѳвтѳй бригадирысь. Асьныд пѳ уджалѳй. Юи кѳ пѳ, эг тїяннысь ю! Да сїдз водзѳ.

И ѳд коммунистъяс пиысь некод, кызд шуласны, оз сувтѳд Поповѳс места вылѳ, оз донъяв сылысь

тшетшкѳмсѳ партийнѳй ногѳн. Радѳвѳй коммунистьяс пѳвстысь некод эз кыпѳдчы да эз шу: «Тырмас, Попов ѳрт! Тѳ янѳдан ставнымѳс мянѳс! Кад кутны кыв аслад олѳмысь да уджысь партиялѳн закон водзын». Некод татшѳм ногѳнсѳ нинѳм эз шу. Весиг мѳдарѳ, аддзисны сѳтшѳм ѳртъяс, кодъяс кутисны дорйыны Поповѳс, корсявны абутѳм заслугаяс, петкѳдлыны сийѳс, кыз «удж бура котыртысьѳс». И, дерт, татшѳмъясыс корисны Поповѳс ѳнасѳ не мыждыны.

Гашкѳ, Попов сѳмын неуна, аслыс тѳдлытѳг, прѳступитчыштис? Да нинѳм сийѳс и мыждынысѳ?

Сидзи кѳ эськѳ. А. С. Попов йылысь тадзисѳ сѳрнитлисны нин унаысь. Но ѳнджыкасѳ пыр прѳщайтлисны сылы.

Кольѳм вося тулысѳ, кор йѳз синсыныс би петмѳн уджалисны гѳракѳдза вылын, Попов юис. Куйм лун чѳж некѳн дукуыс эз кывсылѳн. Чайтаннѳд, мыйкѳ вѳчисны таысь? Нинѳм эз. Шучисны сѳмын, мый тадзи вѳчны абу лѳсьыд. Александр Степанович сетис кыв, мый тадзи сѳсся некѳр оз ло. Эскисны.

Воис страдна кад. Став сикткѳдыс — томъяс и пѳрысыс — пѳсьсѳ кысьтѳ видз вылын. Колѳ тѳрмасыны, сы вѳсна мый повѳдьяс пыр дзуглясьѳ. Татшѳм каднас быд час дѳна, непѳштѳ лун. Колѳ кужѳмѳн котырты став уджсѳ... И буретш тайѳ пѳсь каднас бригада колис веськѳдлысьтѳг. Попов бара вошис. Лун абу мортыд, мѳдѳс, витѳдѳс... Быдса вежѳн кѳжлѳ вошлис бригадир... Милиция кутис корсыны сийѳс. Медбѳрын сѳсся аддзисны жѳ. Кузя юѳмысла дзикѳдз пыктѳма...

И бара тувсовъя мозыс жѳ и лѳи. Поповѳс янѳдыштисны, кагаѳс моз пинялыштисны. И ставыс. Мыжыс бара войтыштис сы вылысь утка гѳн вылысь ва моз. Но, а Попов, дерт, бара сеталис клятваяс, бара шуалис: медбѳрьяысь пѳ...

Вѳлѳ матысмѳ вьль, 1966-ѳд во. Попов, буракѳ, медъяна кылис сылысь воѳмсѳ да быдѳнысь водз заводитис встречайтны сийѳс. А помалис «праздничайтнысѳ» медбѳрын. Кутшѳм нѳ сылы делѳ, мый гижтѳ-

мѳсь нарадъяс, мый сы вѳсна рабочѳйяс ас кадѳ оз вермыны бѳсътны удждѳннысѳ. Некытѳ сылѳн оз вись и сысысь, мый ѳтувъя скѳт, кѳрым вайтѳмла, сулалѳ тшыг нисѳ пѳт.

Отделениеса управляющѳй Кетов ѳртлѳн потѳ терпеннѳйс. Сийѳ корѳ партийнѳй бюрѳс обсудитны Поповѳс партийнѳй собрание вылын. Кыдзи мунис тайѳ собраниеыс, ми аддзылим нин... Сидзкѳ, тайѳ партийнѳй организацияс йѳз оз кужны требуйтны ѳта-мѳдныслысь. А ѳд Попов аслас мисьтѳм оласногѳн няйтѳсьтѳ партияса членлысь сѳстѳм званиесѳ, чинтѳ парторганизациясыслысь авторитетсѳ, ныжмѳдѳ сылысь уджсѳ. Та вѳсна либерализмыд танѳ — дзик ковтѳм, весигтѳ вайѳ вред. Сийѳ некутшѳм ногѳн оз воспитывайт коммунистьясѳс. Некѳр оз ков вунѳдлыны, мый коммунистьяслѳн татшѳм поведениеыс вайѳ вред мян став партиянымлы. ѳд партия — сѳветскѳй народлѳн авангардыс, сы вылѳ видзѳдѳны став йѳз, и сы радъясын колѳ лѳны збыльысь передѳвѳй йѳзлы, сѳтшѳмъяслы, кодъяс торъялѳны вылын коммунистическѳй сознательностьѳн, принципиальностьѳн, чорыд дисциплинаѳн.

Партия кѳ кутас весавны ассыс радъясѳ сѳтшѳм йѳзысь, кодъяс лякѳсьтѳны коммунистлысь сѳстѳм званиесѳ, сѳки сийѳ кутас сѳмын ѳныны, кутас кыпѳдны народ син водзын ассыс авторитетсѳ. Но мыйлакѳ паныдасылѳны на сѳтшѳм партийнѳй юралысыс, кодъяс быттьѳ полѳны вѳтлыны партия радъясысь недостѳйноѳ коммунистѳс. Та дырйи найѳ шуѳны: «Вылынджык сулалысь партийнѳй органъяс сѳ равнѳ оз вѳтлыны». «ѳд, кѳть мый эн шу, мортыс коркѳ бура уджавлис».

Мукѳд дырйиыс тадзи шуасысьясыс правѳсь кольѳны. Овлѳ сидзи, мый партия райком либѳ горком оз вынсьѳдны первичноѳ партийноѳ организациалысь решениесѳ, кѳнѳ коммунистьяс вѳтлѳны партия радъясысь сийѳ либѳ мѳд недостѳйноѳ мортѳс. А ѳд коллективыс, кодкѳд ѳтлаын олѳ да уджалѳ мыжа мортыс, бурджыка тѳдѳ, кутшѳм

сійо эм, вермө-ө водзё лоны партияын.

Неважён помасис Советской Союза Коммунистической партиалон кызь коймод съезд. Примитома миян странаса народной овмос водзё совмодом выло выль вит вося план. Сидзко, коммунистяслон виджид армиялы эм мый вылын уджавны. Оні быд коммунистлы колө аслас бур уджон, аслас примерон ышодны уджалысь йозос на водзын сулалысь гырысь могъяс олөмө портөм выло. Колө вочны сидз, медым партиаса быд член сетис отувья делөлы став вынъяссо, став кужомлунъяссо, ассыс сьбломсө. Некод оз мыжды коммуни-

стос сысысь, сийо ко мыйко да мыйко оз вермы вочны, оз ко тырмы выныс вочнысө. Но одвако бур кывйон кутасны казтывны сэтшөм мортос, кодэ оз кут вочны сы мында, мыйта вермө.

Партиалон отувья выныс өкмочукормо сылон членъяслон активностысь. Коммунистяс нуоны массясө идеяс, беспартийнойяскөд отвылысь портөны олөмө партиалысь планъяссо да решенияссо. Со мый вөсна партия требуйтө быд коммунистянь лоны боецон, кывкутны быдтор вөсна, унджык вочны народлы выло. Буретш таын и эм коммунист олөмлөн смыслыс.

ГЕОФИЗИКЪЯС ОРДЫН.

Фото И. Петровлон.



УДОРАСА СОТЧЫСЬ СЛАНЕЦЪЯС

Удора районлысь территориясö омöля на тöдмалöма, этша на изучитöма. Но тані, кызди тöдса нин лой, эмöсь сотчысь сланецъяс.

Первойысь Удораын вöлі аддзöма сотчысь сланецъяслысь пластъяссö (сідз шусяна юрскöй отложениеяс) да дженъдыка опишитöма 1931 воын геолог Н. С. Кобозевöн Лоптюга ю пöлöнысь (усьö Вашка вылö веськыдладорсянысь) да Чим ю усянінсянь вылысь-джык (видзöд сотчысь сланецъяслысь петанінъяс петкöдлысь схемасö).

Аддзöма да дженъыда опишитöма вöлі сідз шусяна нижеволжскöй возраста сотчысь сланецъяслысь нель пласт, кодъяслöн öтувъя мощностыс (кызтаыс) 2—3 метр судта, а öти пластлөн кызтаыс воö весиг сизим метрöдз.

Тайö восьтöмторйыс сэки нин сетіс Н. С. Кобозевлы позянлун шуны, мый Удора районын, торйөн нин Лоптюга ю бассейнын, ёна паськалöмаöсь юрскöй отложениеа сотчысь сланецъяслөн пластъясыс. Таысь кындзи сійö лыддö вöлі, мый юрскöй отложениеа босьтöны ыджыд места Вашка, Яреньга да Мезень юяс костын, көні вермасны жö паныдасыны сотчысь сланецъяс. Такöд тшöтш Н. С. Кобозев кутіс тöд вылын юрскöй отложениеа сотчысь сланецъяслысь пластъяссö Яреньга ю бассейнысь, кодъяс йылысь тöдісны нин сэки.

Геолог Н. С. Кобозевлөн трагическöя кувсöм бöрын уна во кежлö дугöдсывліс Удора районлысь да


торйөн нин Лоптюга ю бассейнысь геологиясö да пöлезнöй ископаемöйяссö изучайтöмыс.

Тані колö пасйыны, мый Лоптюга юлөн бассейныс, кор сэні нуöдіс исследованиеяссö Н. С. Кобозев, зэв ылын вöлі туйясынь, а көрт туйсянь сэтчöдз вöлі 500 кымын километр.

Н. С. Кобозевöн нуöдан исследованиеслысь материалсö эз вöв обработайтöма. Сотчысь сланецъяслөн качестваыс эз вöв сетöма кола на донъялöмсö.

СХЕМА,

код серти позьö тöдмавны Удора районын сотчысь сланецъяслөн петанінъяс йылысь.
Масштаб 1 : 1 500 000



● Сотчысь сланец, кодс аддзöма Н. С. Кобозевöн.

▲ Сланец, кодс аддзöма 1964-öд воын.

1935 воын Лоптюга ю бассейнын геологическый съёмка нуодис геолог М. П. Раюшкин. Сийö сідз жö шуис, мый тайö ю бокас Чим ю усянинсянь вылынджык эмöсь сотчысь сланецьяслөн пластьяс. М. П. Раюшкин аслас отчётон пасйис, мый Лоптюга ю пöлöнысь, устьяняныс 70 да 83 километръяс костысь, витлаысь лои аддзöма сотчысь сланецьяслысь пластьяссö. Сланецьяс сора сёйлөн 15 метр кызта слöй пытшкын паныдасьлöны сланецьяслөн нель пластöдз, кодьяслөн öтувья мощностыс 2—3 метр кызта.

Выль пластьяс Чим ю йылын вöли аддзöма 1964 воын. Тайö пластьяссö бура видлалöма и лои аддзöма, мый наöдз, веськыда кö артавны, Микунь — Кослан кöрт туйсянь сöмын 10 километр и эм (видзöд схемасö); пластьясылөн мощностыс воö кык метрöдз, кодьяс куйлöны горизонтальнöя. Тайö сотчысь сланецьясыс ас пытшкас

кутöны уна аммонитьяс, пелелиподьяс, мöд ногон кö, животной организмьяслысь колясьяссö; сотчысь веществоясыс пластлөн вылыс юкөнса öти метрын 72,28 процент, пöим — 27,72 процент, а улыссаджык пластьясас сотчысь веществоыс 55,67 процент, пöим — 44,33 процент.

Вайöдöм лыдпасьясыс сетöны подув лыддыны, мый Чим юдорса сотчысь сланецьяс тöдчымон бурджыкöсь Сыктыв ю бассейнса да весиг Айюва бассейнса сланецьясыс. Тöдса, мый Айюваса сотчысь сланецьяс пытшкын пöимыс 44,9—68,9 процент мында, сыктывсаяс пытшкын — 46,62 процентсянь 78,85 процентöдз.

Сы вöсна мый Яреньга да Лоптюга ю бассейнъясса сотчысь сланецьяслөн залежьяс матынöсь öта-мöдсяныс, тайö районсö колö лыддыны перспективнöйöн. Тани колö водзö паськöдны разведочнöй уджьяс.

ОВНЫТӨ КОЛӨ КУЖНЫ, ВОКӨ

Талун, удж помасьём бёрын, ме вёлі долыд сьёлёмөн, васьлала гортлань. А мый нё не радлыны? Удж вылын ставыс мунё шылыда, пöчитайтöны йöзыс, сьём локтö тырмымөн, талун на премия сетисны. Гортын шань гöтыр вичысьö, кодi кужö пуны чöскыд шыд... Майбыр овнытö — кувны оз ков.

Нимкодяся-муна тадзи, и друг мышсянь, кыла, горöдисны:

— Проня, сулавлы, эн коль!

Ме ас кежысь чукрасьышти тайö гөлөссьыс. Сы вöсна, мый тöдi сувтöдысьсö. Тайö вöли мяян отделин уджалысь — Дима. Ми ськөд коркө öти кадö пыравлим управлениеö — томиник зонъяс на вöлим. Но ме регыдөн пановтi сийöс служба поскөд кавшасигөн. Пуктисны менö старшöй сотрудникö, сэсся отделса начальникöс вежысьö. А Дима кызди вöли, сiдзи и коли радөвöйөн... Тайötö мед эськө, шуам, да öд век важ моз кутö мекöд асьсö. Быттьö век на чайтö, мый ми öткодьöсь ськөд, öтвылнаын сулалам.

Но со вötöдис менö, чöла вöсьла-лыштим орччөн. Сэсся сийö друг юалис:

— Проня, висьтав, мыйла тэныд сэтшöма везитö олöмас?

Ме весигтö шай-паймунли. Мися, мый сöмын оз во сылы юрас. Сэсся вочавидзи:

— Абу сöмын везитöмын делöйс, другö,— шуи тадзи, сэсся кöсии содтыны: «колö кужны овнытö...» — но содтi мөдногджык:— Колö ёнджыка зильны-старайтчыны...

— Но, заводитiс! — дözмыштис

Дима.— Тайöс ме и тэтöг тöда. Да и ачыд тэ меысь ёнджыкасö он жö жугöдчы удж вылад! — серöктiс, бокам зургыштис гырddзанас:— Сiдзкө, он висьтав секреттö? Но ладнö, кызкө-мыйкө ас ног нин олам...

И пановтiс менö — кокъясыс сылөн тэрыбөсь, чань моз котралö.

А мый нö эськө ме сылы висьтала? Мыйла нö меным везитöджык сылы дорысь? Ачыс мыжа сийö. Öти-кө, абу вежлив. Меысь ичөтджык чина, а вичөн менö некор оз шулы. Дерт, шуам, коркө öти кудйысь петавлим, но öд тайö кор нин вöли. Көть ортсыяньыс быттьö и он скөрмы та вылö, но пытшкөсыд век жö гудырмывлö. Мукöдлөн сiдз жö дай. И, видзöдан да, старшöй сотрудникö бара на мөд морт веськалöма, абу Дима. Сэсся Тi вылö колö шыöдчыны ыджыдджык чина-яс дiнад. Тадзинад сьёлөмсö сылысь выя бордйөн моз мавтыштан, да сийö и небзьыштас.

Сэсся накöд, кодi сулалö тэысь вылынджык, колö польштöмөн овны, а не кызд веськалö.

Дерт, веськыда кö шуны, Димаыс зэв киподтуя уджавнысö, сюсьлун и сямлун тырмö. Но оз куж ладөн овны начальникьяскöд. Көнкө паныд кыв шуас, жөнкө и бон-бус пинясяс. А öд колö и терпITYштыны. Мед көть и дойдыштасны мукöд дырйыс. Кызд нö сытöг... Сэки саксьём дорсыд öдийдджык казяласны, премия списокад на гижасны и.

Со босьтам менö. Начальникьяс-тö некор ог шу вичтöгыд, ог «тэ»-кайт. Удж вылад пыр локта водз-

джык ыджыдджыкъяс серти, пукала, петкөдла ассым старанньоос, көтө эськө овлө, мый нинөм ог вөч. И кор найө локтавны кутасны удж вылад, сувтыштлөмөн чолөмасы, юрөс копыртла, синмөй неуна васөд кодь. А управлениеса начальниклы воча веськыда сувта и некымынысь юрөс копыртла, и мича нюмөн нюмдышта. Со көнө колө ассыд вежөрлунтө петкөдлыны!

Удж вывсыд начальствосыд водзтө некор жө ог мунлы. Найө петны кутасны, отсала на пасьтасыны, пальтоас некутшөм бус чир абу, а ме нарошнө копыртчывла и киөн пыркнитышта. Ме тода: сөмын ыджыд терпенньоын везитөмыд. И менө казаялісны. Со кыпті нин отделса начальниккөс вежысьөдз.

А премиятө кымынысь сетлісны? Тэ со, Дима, висьмывлін, эз сетны отсөгтө, а меным асьныс вөзйисны. Кыдзкө сёрниө воим, и ме прөстүпитчи,—висьталі тьөщалөн пинь висьөм йылысь. Пыр жө начальник тшөктіс гижны заявление. И сетісны. Меным эськө эз кодь вөв лөсьыд, быттө пыксьышти, но начальник меным пельпомө кинас

тапкыштіс: нинөм лө яндысьны, сетігөн босьтлөны. И ме радпырысь босьті. Сьөмыд, көтө меным и сытөг тырмис, оз горзы, оз дуксьы, некор сійө абу лишнөй, Згөдитчас. Книжка вылө пукті.

Праздникъяс дырйид ме век корла ас дорысь ыджыдджыктө гөститны.

Сійө, гашкө, и оз лок ме ордө, мый меысь пөльзаыс, но уважайтөмыс мясянь лоис. А сійө буретш и эм медся коланаыс! Либө со ещө пример. Начальникыд тэ вылө скөралө, а тэ лөня юв, юртө улө лэдзөмөн, эн воча кывьястө шуав. Да-а!

Тэ со, Дима, и институтад велөдчигад век вензьевлін сопромат кузяыд, но и сідз водзө, а тройкаысь уна эз тэчлыны зачөткаад. А ме и этшаджык тэысь төдлі, но чөтыреыд пыр сералөмөн ме вылө видзөдіс. Сэтшөм тэ и удж вылад, век тэд мыйкө вьльтор колө. Начальствоыд көтө мукөд дырйиыс и абу прав, а колө на ног овны, а кутан кө уна адззыны да төдны, некор оз везитлы, кувтөдзыд радөвөйын ковмас ветлыны...

Овнытө колө кужны, вокө!

Кодзыд. Төла. Эрдья-иньясын кыпалёны то-лаяс. Эз вөв лөнь тайё войыс и Салтыр Паладь керкаын.

Мыйся Салтыр Паладь? Коді сэтшөмыс?

Коркө Паладьлөн верөсыс, Салтыр Микол, ветлөдльвліс керкаыс керкаё да лыддывліс салтыр кулөмаяс дорын да война вылын усьсыяслөн паметь луньяс

кузя. Сэссия Салтыр Миколод кув-сис. Сы бөрын Паладь ачыс кутіс ветлөдлыны сикт кузя кыз молит-венникөн. Тыдалё, мед лоны Салтыр Паладьлөн. И лоис од мортыд!

Тайё турөба войнас Паладь ордись летісны ыджыд гөлөсьяса кык нывбаба, пөнараёсь. Мөдөд-чисны карта өдзөсланьыс. Тайё вөліны асьныс, эня-ныла. Найё мыйлакө ёна копрасисны, быттьөкө туй вывсыс корсисны вошөмтор.

— Со, со кыті мунөма антикрис-тыд,— шуалис Паладь.— Часлы-ы, видзөдлам, кытчө тэ муніні! Ме тэнө кутысь лола на, еретникаёс...

Өти кок туй гуялөм бөрын весь-калісны мөд кок туйё. Сійё вөлі муртса нин төдчө. Но позис казья-ны — мортыс мунөма Пига Марья керкалань.

— Господьёй-енмөй, видзөдлы! Сюсьмөдчөма кызди. Туй помсө вошталөма еретникаыд. Мед, мед, меысь он мын. Көть тэ сюсь, а ме ещө мудер. Энлы, Марьюшкаёй, ку-тан на тэ менө казьятывлыны.— Туясис да грөзитчис Салтыр Паладь.

Сэтысянь эня-ныла бергөдчисны, кытшовтісны керка гөгөрыс, кыті мунөма еретникаыд.

— Видзөдлы, со кызди чечча-лөма. Этані со куйлөма кияссө паськөдөмөн. Вынсө, буракө, муыс-лысь босьтөма, антикрисстыд.

— Мамө,— шыөдчис нылыс,— тані мужичөй куйлөма да, абу Марьяыд. Со папиросыс зепсыыс усьөма весиг.

Михаил ЛУДЫКОВ

Абу тай еретнича — еретник вөлөма

ВИСЬТ

Лым пиын туплясисны папирос пачка да гаечной ключ. Салтыр Паладь бөбмис. Сійё төдіс буре: Пига Марья оз куритчы.

— А-а, мисьтөм чужөмыд тай кок туйсө көсьөма табакавын,— дзик лөсьявтөмтор крапкис-шуис Паладь.— А, гашкө, өзтыны көсийс керканымөс? Мый нө дуввидзан!— горөдіс сійё нылыслы, коді омөля эскис мамыс кывъясь.— Аддзөмыд мужичөйөс! Тайё Марья, мөс пель пасьялысь. Дзик сійё.

Паладь пыраліс картаас. Тыра мөс сьөкыда упкис-лолаліс, шен-зьөмөн видзөдльвліс то Паладь вылө, то Паладь ныв вылө.

— Сідзи и төді. Мыйкө, мися, вө-час да кысь!

А Пигө Марья немтор эз төд, грекыд вылө асьывнас сов водзө-савны локтіс Салтыр Паладь ордө. Муртса на удитіс калькнитны өдзөссө, а Салтыр Паладь куимысь нин сьөлыштіс джоджө, чөвтис пер-напас да горөдіс:

— Весась, антикрис, менам кер-каысь!

— Мый нө, бласлө кристос, тіян лои. Сов водзөсавны локті,— шуис Марья.

— Сов ковмис еретничалы!— мө-дысь горөдіс Паладь, сэссия гумов-тіс пельсаысь көдзыд ва көш да койыштис Марьялы чужөмас.

Марья садьтөгис чепөсийс кер-каысь, немтор эз гөгөрво, мый лөма Паладькөд өти войөн.

Регыд и Марья пельөдз кывсис мисьтөм сёрниыс: сиктын кыкнан помас и шбрас вййпсисны: еретнича Марьяыс али абу еретнича.

Марья эз вермы терпитны весьшөрө суклясьөмсө, шыөдчис төварищескөй судө. И со, өти шойччан лунө лои суд. Тi, дерт, он төдөй, мый керсисны сэни. Веськыда шуа, Вавилонын башня кыпөдигөн, чайта, эз вөв сы ыджда зыкыс. Төварищескөй судөн веськөдлысь өдва вермис лөсьөдны пөрадоксө. Судса юралысь лыддис Марьялысь шыөдчөмсө, сэсса юалис Салтыр Паладьлысь:

— Мый тi верманныд вочавидзны та вылө, Пелагея Семёновна?

— Мый вочавидза? Вочавидза, мый Марья еретнича. Ме весиг докажитны верма,— рочалыштис Паладь да лөг синъясөн видзөдліс Марья вылө.— Қоркө тайө антикрист Марьяыс воліс ме ордө, ог нин помнит, мыйла. Ми пажнайтны пуксим. Пуксьөдiм и Марьяөс. Ме ог на вөлі төд, мый Марья еретнича, прөсти господи. Нинөм төдтөгыд ме шыд пытшкө содтөдсө пач водз дорысь дарйөн вайи. Марьялы тай эз ковмы плеть — пызан сайсьыд чепөсйис. Аттьө лө, пөтi пө нин. Ме мырдөн кори пуксыны, а

сiйө чышьянасис дай петіс... Дерт жө, еретнича.

Паладь эз на удит помавны — друг жодкө горөдіс өдзөс дорсянь:

— Ме төда еретникнытө. Ноко, кывзылөй менсьым! — судьялань пискөдчис ыджыд тушаа, ар кызь сизима мужичөй. Тайө вөлі Салтыр Паладьлөн ыджыдджык пиыс — Егор, кодi мамыс дінысь торйөдчыліс нин. Уджалө трактористөн.

Став пукалысьяс шөйөвошины. А судья сетіс Егорлы кыв.

— Прөститөй менө, бур йөз, ме сөмын на локтi районысь, пөшти вежон ветлөдлі. Кывлі, мый тани мамөөс судитөны да локтi дорйысьны. Со кызди делөыс вөлі. Еретникыд сiйө войнас вөлі код. Сiйө лэччис вылыс сиктысь да мөвпыштис пыравны мам ордө, содтысьыштны, этшаджык, буракө, лоөма да. Туй вывсяньыс веськыда келөма керка дорөдзыс, корсьөма кильчөсө, но, дерт нин, тыдалө, абу аддзөма... Тi нинөм на эн гөгөрвоой? — Егор синъяссө веськөдіс судьялань, а сэсса висьтасис водзө.— Вот онө кө төдөй: тайө еретникыс вөлі ме, бур йөзөй. Мамбяс карта сайын куйлигөн зептысь усьөма папирос пачкай да гайкаяс разялан ключөй.

Йөз ызөбтисны...

Серам серамөн, а Салтыр Паладьлы ковмис штраф мынтыны.

ЛОНЫ АС МОРТӨН

Абу кокни лоны ас мортөн. Өд сэтшөмдлы эскөны помөдз, арталөны сылөн отсөг выло.

А поэтлы ас мортнад лоны нөшта на сьөкыд. Войтырыслысь пыдди пуктөмсө сылы колө шедөдны кывйөн.

Но сын и шудыс гижысьдлөн, мый сяммас кө, зэв уна мортлы вермас сьөлөм сетны, коланаөн налы лоас, кызди медбур ёрт. Буретш тайё шуд вөснаыс и сулалё пессыны.

Иван Вавилин важөн нин лои ас мортөн коми лыддысьсысыслы. Төдөмысь, инаөн лоб налы и поэтлөн бөръя кывбур чукбрыс, кодй шусьё «Муыв кодзувъяс». Книгасө тайёс неважөн на лэдзис Коми издательство.

Поэт сьөлөмнас кылө, мый колө эськө сэтшөм кывбурьяс гижны, мед наысь быдөн, кодй лыддяс, өзъяс выль көсьёмөн, синъялас олөмсыс бурсө, нинөм вылө оз бурас лөкыскөд. Веськыда со и гижө та йылысь:

Кывбурёй, сойястө шенышт!
Тадзнад өд шуасы тэныд,
Абу пө мянлы пөв,
Тэ кодъыд эз пө-й мед вөв.

Вавилинлөн татшөм майшасьөмыс зэв гөгөрвоана и инө-артө пуктана. Көть и воө аслыд сьөлөм вылад гижөм кывбурыд, но код төдас на, кызди донъяласны сийөс йөзыс. Гашкө, син пырыс сөмын и нуөдасын.

Ми, дерт, огө жө лысьтөй войтыр нимсяньыс доньясьны, та вылө мянөс некод эз индывлы дай оз и инды. Сидзкө, ас нимсянь и ковмас сёрнитны танй ыджыд судьяалөмысь вежавидзөмөн.

Юр кутысь пыддиси книгаас поэма «Онйя элегия». Мед, абу кө сийө медся водзын. Сы вылө медся уна усө книгасө котыртан сьөкыдлуныс, весиг турас сертыс.

Нимсыс нин кутшөмакө поэьё гөгөрво-

ны, мый поэмаыс шогтор йылысь. «Элегия» кывйыс өд буретш тайёс петкөдлө.

Поэт, збылысь кө быттө сийө поэт, оз вермы өтдортчыны йөз олөмсыс, сысыс, мый найө шогалөны. А шогавны ковмис ставнымлы: өд кымынөн мунисны водзасыны фашизмкөд да пуктисны юрысө.

Но поэмаса геройлы таысь на өдтор вичмис. Видзөдлыны кө сылөн олөм вылө матыс синваа мортлөн синмөн, поэьё шуны: «Коньөрөй дай зонмөй, эз и адззыв шудсө!»

Збылысь өд, төдлліс өмбй Одер югыд шудсө, гөгөрвоны кө шуд улас сөмын ассьыд нинөмысь мантычтөм олөмтө? Эз төдлы. Пондыліс радейтны нылөс, но сувтис костаныс Елесь Васька да сэтшөма сукляліс, мый Капакөд өтув олөм панөм пыдди Одер веськаліс бытшласяна сутуга сайё. Сэн сылы, дерт нин, эз эскыны тырвуйё, көть эськө лөк вөчөмсыс эз мыжав войтырсө ни чужан мусө да сьөлөмсяныс уджаліс выль нефтешахтаын. Сэсья война, кытчө босьтисны тшөтш и сийөс. И томөнкадөн быри мортыд. Вөлі и эз ло.

Мыйла буретш татшөм туйвизя мортсө босьтис герой пыддиси Иван Вавилин? Эз-ө сьөдас уськөдчы? Эз. И лыддысьсыс, төдөмысь, босьтас сьөлөм дінас поэтлысь водзмөстчөмсө, мый эз вунөд сийө йөз йывсыс, кодъяслы мыжтөг уси курыд пуд.

Гашкө, оз ков вөлі казтывны төдса шүштөмторьяссө, кодъяс сьөд мырьяс моз сулалөны мян бөрө кольөм туй вылын? Дерт, тадзтө эськө дольдджыка овсис. Но важ йөз на зэв веськыда шулөмаьс: мый вөлі пө, сысыс он пышйи.

Төдөмысь, эз вөв кокни поэтлы ыштыны гижны «шудтөм» морт йылысь. Өд коліс чужтыны лыддысьсысь вежбын сэтшөм мөвп, мый югыд подула олөм оліс мортыс. И колө шуны, Иван Вавилин сяммис вайөдны мянөс татшөм мөвпөдзыс. Мед, этшасысь кө нюмдыліс Одерлы олөмыс. Мян водзө сийө сувтө — сьөстөм сьөлөма, ыдысьтөм, зумыд оласа. И сылөн кулөмыс

ыджыд жыннян моз чукалө мянөс дор-
йны мир.

Но оз на ставыс мөгмөд поэмаас. Шуам,
быть-ө коліс «вбчны» Одерсө ссылной
украинецлөн да коми анылөн пйөн? Од тайө
сөмын «рушмөдө» поэмасө, асьсө жө ав-
торсө унаыс кежөдлө ыджыд идеясылы
пөшти ковтөм казытылөмтасы вылө. Чиніс
өмөй эськө поэмаислөн мянлы мөрчөмыс,
айыс и мамыс кө геройислөн вөліны коми-
яс? Дерт, эз.

Коми зонтасы, да и ачыс поэтыс, повтөг
дорйисны Совет му, тшөтш перйисны мезд-
лун фашизм улө веськавлөм йөзыслы.

...Кутшөм чунь курччан,
Сійө и доймө,—

важөн нин, но зөв стөча гижліс Иван Ва-
вилін. И дзик нинөмла вөлі төдчөдны,
мый Одерлы дона Украинаыс тшөтш и
батыс кузя. Дерт, тайө абу лектор, но
коланлуныс содтөд төдчөдны тайөс эз вөв.

Этша мый сетө поэмаислы и Одерлөн
пленас веськалөмыс, полячка-нывьяслөн сы
дінын сөрниси. Эськө вөлі кө авторыслөн
мөвп петкөдлыны геройислыс пленас олөм-
сө, сэки кызкө эскысис татшөм сюжетной
коланлуныс. А өні оз. Сы вөсна, мый Одер-
ыс «водзвыв» кулө, да ми огө и төдлөй,
кызди кутө сійө асьсө пленас.

Позь вөлі кытшысыс петігас Одерыслөн
усьөмөн и гөрддзавны поэмасө. А то өні
сылөн пленас веськалөмыс дөрөмын коймөд
сос кодь.

Да и Одер овыс абуджык сэтшөм сиба-
лысь вежөр дінад, көть эськө сьөлөмнад и
такөдан асьтө, мый быд пөлөс овыс эм му
вылад. Төдөмыс, чьөти эськө эз ворссы
авторыс, мөд овөн кө сетіс геройсө, тшөтш
и нимсө висьталіс сылысь.

...Одер ю дорын Одер узыө...

Тайө строкасыс кындзи сэсся некыс он
аддзы кутшөмкө коланлун поэтическөя
ворсөдны геройислысь овсө.

Иван Вавилін гижөма поэмасө косавлө-
мөн. Төдмөдө геройыскөд фронт вылын,
сэсся висьталыштө сылөн воддза олөмысь
мыйкө, бара война, и бара неуна кольөм
кадсыс. И тайө ньөти оз парскы, весиг
кылан татшөм нога косавлөмыслысь колан-
лунсө. Сьөрсьөн-бөрсөн кө эськө «туяліс»
геройсө, гажтөмджык да дөзмөданаджык
вермис артмыны поэмаис.

Быд гижөдын колө зільны этшаджык
кывйөн унджыктор висьтавны. Но кывбур-
ын да поэмаын медся нин өна.

Но и ниа жө! Но и мыгөр!

Ог на вөлі ми төдө, кутшөм Одерыс,
а поэт зөв дженьыда да ясыда со петкөд-

ліс. Та бөрын ми, дерт нин, эскам, кор
сійө

Миномөтыдылсь стволсө босытис,
Сэсся нөбаліс дзонь квайт пуд.

Войналөн медводдза төлысысө мянлы
вөлі зөв сьөкыд: ковмыліс бөрынтычывны.
И чужліс сэки аслынымлы жө веськөдөм
юалөм:

Мыйла мянөс вөрөг зырө,
Збыль мөй ми дорыс унджык вын?

Тайө эз вөв ыдтасыөм: видзны-ө водзө
чужан му? Но бөрынтычөмла доймис став-
лөн сьөлөмыс, тшөтш и Одерлөн. И со ку-
тшөм серпаса кывьясөн петкөдлө тайөс
поэт:

Морттө пескөс моз, дерт, он поткөд,
Оз тай өтиыс артмы кык.
Сідзкө, мыйла нө мөд морт кодкө
Олө сы пытшкын, панө зык?

Уна поэмаас аслас поэтлөн адзөм образ-
серпасыс. Төдөмысь, некод оз лысьт шуны,
мый кысыкө лыддыліс нин, шуам, татшөм
строкаяс:

Кильлань гартыштчө еджыд сямөд —
Он өд ас йөзлы лектор си.

И кутшөма таыс радлан, сэтшөма жө
дөзман, кор казялан важөн нин төдса-
тортасы:

Көть и сьөлалө били биыс,
Көртлы паныдөн шковтө көрт.

Быттьө лөсыда шуөма, но мөдысь нин.
Од «Василий Теркинас» на А. Твардов-
ский гижліс:

Есть металл сильней металла,
Есть огонь сильней огня.

Ошкөма, а сэсся кулитыштөма лои Иван
Вавилинлысь «Өнія элегия» поэмасө. Но
тайө некутшөма на оз висьтав, мый мян
кывным вожаліс. Збылсь поэмаис су-
лалө сы дон, мед сійөс пуктыны пыдди,
пасйыны кызди поэтыслысь вермөм. И ин-
дөма кө лои өткымын тырмытөмтортасы
вылө, то сөмын нөшта бурмөдөм могысь.

А өні бөр косавламө кывбуртасы дінас.
Турас сертиыс на пөвстын шыбитчө синмад
«Ленинлы памятник». Гижсьө сәні вөвлөм-
тор йылысь: кызди видзисны сывдөмысь
Эйслебен нима немецкөй карын Ленинлы
бронзасыс вөчөм памятник, кодөс фа-
шисттасыс вайисны мян му вылысь.

Төдчө поэтлөн сьөлөмсаян босытчөмыс —
гижны тырбур кывбур. Мыйта вын да сям-
лун пуктөма сійө, медым петкөдлыны не

сöмын Ленинöс радейтöм, но и сълöн туй
вылö сувтны кодсюрöлысь мөвпыштöм,
шуам, немецкöй рабочöй Юнгельсь.

Но тайö вöвлöмтор йывсыс вöли гижöма
нин рочь литератураын, и ыджыд вöсьтöм-
ыс Иван Вавилинлөн тані эз ло, весиг эз
аслас мыж вöсна. Но шуны, мый вöсьшö-
рö лои поэтыслөн уджыс, ми некутшöма ог-
лысьтöй, да и сьöлöмным оз лэпты: кыв-
бурыс век жö мörччана.

Лöсьыда вöсьтöма чужан му тема «Ас му
йылысь» кывбурын.

Рöдинай ичöt дырйи
Менам вöли Лöкчим кырийн.
Кор нин тыри дас вит арöс —
Паськаліс тай Ськтывкарöдз.

...Кодыр муни чим веж ягысь
Нöйтны Рöдиналысь врагöс,
Сэки помсö чужан мулысь
Аддзи Прут дорса Кагулысь.

Политическöя кутшöм стöча да джуджы-
да петкöдлöма тані советскöй мортлысь
чужан му кылöмсö!

Но мортыд öд быдөн кöнкö чужлö, и
сэкса матигöгöрыс медся ёна вужъясьö сы-
лөн сьöлöмö. Позис вичысьны, мый поэт
татчö бөр и бергöдас панлöм мөвпсö.
И сійö бергöдö, сöмын оз дзик вичысяна.
Сійö йитö ассыс ичöt чужанінсö ставнас
странанымкöд:

...Тшöтш и менам вöра керöс
Лоасны век СССР-өн!

Абу поэянлуныс сёрнитны паськыда быд
кывбур йылысь. Но казътыштны кö на
пиысь бурджыкъясьсö, ковмас пасйыны
«Кияс йылысь», «Эжва дорö бара лэччи»,
«Ешö Тарас йылысь», «Шоныд зэр» да
нöшта öткымынöс.

Сьöкыд шуны, вöли-ö коланлуныс суйны
книгаас кöдзыдпырысьджык гижöм кыв-
буръяс, кöни тöдчö поэтыслөн сöмын лöм-
тор кузя шыдчыны кöсйöм. Но öти кöс-
йöмыд, тыдалö, этша на. Та вöсна оз и
вöрзöдлыны лыддигад «Виль эралөн пер-
вой лун», «Съездъяслөн дворецын», «Морöс
тырөн лолав, парма» да «Виль волю».

И нöшта индöм-гарыштöм: книгаcö ко-
тыртигас коліс эськö мынтöдчыны тыдалана
нин жеб кывбуръясысь, кöни кывйөн вор-
сöдчöм кындзи нинöм абу. «Отсöг», «Строй
бöрся вöсьлалö комбат», «Кывзы, гожöм-
гожöмбй», «Паметьыс бур» — сöстöм
джодж шöрын ёг моз шыбитчöны найö
синмад.

Художествоа гижöд видлалöмыд — абу
бöртöм улöс донъялöм. Верман сорассыны.
Та вöсна тайö статьяыс и оз вермы лоны
медбөръя кыв шуöмөн.

Мый лон висьталöма тані, сöмын ас ним-
сянь. Сэсянь жö и кывкöрталам: кызвыннас
Иван Вавилинлөн тайö виль книгаыс воö
сьöлöм вылö и, тöдöмысь, содтöд ас мортö-
дас поэтсö лыддысьяс пöвстын. Татшöм
коланлунсяныс öд и панлім сёрнисö.

Литературной КАЛЕНДАРЬ

Николай ПОПОВ

КОМИ ГИЖЫСЬЯСЛӨН МЕДВОДДЗА ОРГАНИЗАЦИЯ

Нелямын во сайын, 1926 вося март 12 луно, Сыктывкарын олысь писательяс чукортчисны Коми издательствоо собрание выло, медым котыртны гижысьяслысь организация. Собрание шунс котыртны коми пролетарской писательяслысь ассоциация — КАПП, кодi кутас пырны Ставсоюзса пролетарской писательяслөн ассоциация — ВАПП-ö (сёрнджык сийö лои ВОАПП).

КАПП-ö пырисны 12 морт. Найö бöрйисны правление да правлениеса юралысьöс.

Тадзи нелямын во сайын Коми областын котыртчис гижысьяслөн медводдза организация.

КАПП водзын сулалiс мог — кыскыны литературной уджö выль, том гижысьясöс уджалысь йöз пöвстысь. Тайö уджыс медводдөр заводитчис селькорьяс пöвстын, совпартшколаын да шöр школаясын велöдчысьяс пиын, комсомольской организациясын.

Коми литература йöз пöвстö паськыда пыртöм могысь да пролетарской писательяс радьясын выль вынъяс быдтöм могысь, КАПП-лөн правление лöсьöдö йитöдьяс партийной, комсомольской да профсоюзной организацияяскöд, учительяскöд, избачьяскöд, культпросветкружокьяскöд. Колана отсöг сетöны комсомоллөн Коми обком, облпрофсовет, облоно.

Сэкса гижысьяс унаысь вöлины водзмöстчысьясöн Сыктывкарын да сиктыясын литературной рытыяс нуöдöмын, спектакльяс сувтöдалöмын, аддзысьлисны лыддысьяскöд, том гижысьяскöд, отсасисны лэдзны стенгазетьяс.

Сёрнджык КАПП веськöдлöм улын школаясын котыртасöны литературной кружокьяс. 1927—28 воясын литкружокьяс уджалiсны Педтехникумын, Совпартшколаын, Сыктывкарса мöд ступеня школаын, Сереговоын, Помöсдинса да Абычайса ШКМ-ясын, а ещö сёрнджык — Сыктывкарса öткымын предприятиеясын. Некымын

литкружокын лэдзлисны ки помысь гижöм журналыяс.

1926 вося июнын Сыктывкарын мунiс рабселькорьяслөн первой областной съезд. Съезд чукалiс рабселькорьясöс топыдджыка йитчыны писательяскöд.

КАПП уджын программаон да ыджыд отсöгөн вöли «Художественной литературын партийлөн политика йылысь» РКП(б) ЦК-лөн 1925 вося июнь 18-öд луня постановление. КАПП-лөн уджыс мунiс партийлөн Коми обком веськöдлöм улын, кодi унаысь кывзылись сы удж йылысь отчётьяс, сетались индöдьяс да колана отсöг.

1926 вося августын КАПП-лөн мунiс первой конференция. Сэки нин организациын вöли 30 член. Гижысьяс кындзи сэнi вöлины и публицистыяс. Сийö воясас публицистыяс вермисны сетны уна отсöг коми художественной литературалы: литературной кыв озырмöдöмын, критика сөвмöдöмын, селькорьяс пысь писательясöс быдтöмын. Сэсса КАПП-ö пырисны и переводчикьяс, медым коми йöзöс паськыдджыка тöдмöдны роч литературалын, торъя нин роч советской писательяслөн гижöдьясөн.

КАПП-лы колö вöли лöсьöдны ассыс литературной печатной орган. Ассоциация котыртiгөн Коми областын петiсны роч кыв вылын кык журнал «Коми му» да «Коми просвещенец», комион лэдзсис öти вожонся газет «Коми сикт».

Журнальяс эз вермыны могмöдны писательясöс, торйөн нин том гижысьяслы отсасöм кузя.

«Коми сикт» газетын быд номерын вöли лэдзсö литературной лист бок. Сэнi медсясö печатайтчисны том гижысьяс. Но вожонся газетад öти лист бокод вöли вывтi нин этша.

Партиядлөн Коми обком шудм серти, 1926 вося октябрь тöлысьянь кутiс петны «Ордым» журнал. Сийö вöли общественно-политической журнал, лэдзис ВКП(б) об-

ком, быд тӧлысын ӧтчӧд. Обком пыртис редколлегияӧ ӧти писательӧс, индӧс сийӧс редакторӧн, журналны сетис литературалы места. Сэки нин КАПП-лӧн правление вермис журнал пыр паськыджыка отсавны быд писательлы петкӧдлыны ассыс творчествӧ. Журнал редакцияӧ Коми мулӧн став пельӧсысянь уна авторсянь куӧсны воавны кывбурьяс, висътыас. 1927 воын май да июнь тӧлысыясы номерьясын В. А. Савин аслас критическӧй статьяын гижис, мый сы ордын эмӧсь кывбурьяс да прозаа гижӧдьяс 127 авторлӧн.

1926—27 воасын журналны печатайтисны ассыныс первойя кывбурьясӧ да висътыасӧ И. И. Сажин (Ичӧт Иван), И. Е. Худяев (Кос кабыр), И. Н. Симаков (Сим Вань), П. С. Попов (Спира Прокӧ), Г. А. Фёдоров (Педь Гень), И. В. Изъюрлов (Изъюр Иван), П. А. Щеболкин (Виль Паш), Е. А. Шахов (Сандрок Егор), И. М. Вавилин (Баярса Иван), Я. И. Чупров (Биа Ӧгыр), Н. А. Фролов (Сук парма), В. И. Елькин (Иван Вась) да мукӧдьяс. 1928 воын журналны гижӧдьясӧн шыӧдчӧны М. П. Доронин (Шыладорса Миш), И. И. Пыстин (Иливапыс), Я. М. Рочев (Митрук Як), П. Г. Доронин, Д. В. Конюхов (Вась Мить) да унаӧн мукӧдьяс.

Виль, том поколенийлӧн литератураӧ локтӧмыс эз сӧмын содты коми гижысыяслы кадрыяссӧ. Том гижысыяс, виль олӧм тӧчӧмын активнӧя уджалысыяс, вайисны литератураӧ кыпид мӧвпьяс, сетисны виль геройяссӧ.

1928 вося сентябрын мунис КАПП-лӧн мӧд конференция. Сэки тайӧ организацияс вӧли 28 член. Конференция вӧлӧ первойыс волисны коми-пермяккӧй гижысыяс, на пинь тӧдчана поэт да прозаик Михаил Лихачев.

КАПП правление удж йылысь отчӧт кындзи конференция вылын вӧлины докладьяс коми литературалӧн водзӧ паськалан туйяс йылысь, коми литературнӧй кыв йылысь. Вӧли юбртӧм ВАПП-лӧн съезд мунӧм йылысь, сийӧс вӧчис Илья Вась, кодӧ съезд вылын вӧли миян ассоциациясянь делегатӧн.

Конференция пасйис, мый коми литература кыптӧмын эмӧсь вермӧмьяс, но и индӧс писательяс уджын уна нелючкия вӧлӧ: оз на паськыда да пыдисянь петкӧдлыны найӧ олӧмысь вильторьяссӧ, торъя гижӧдьясын овлывлӧны мелкособственническӧй мӧвпьяс, петӧны идейно-художественнӧй боксянь слаб гижӧдьяс. Быд писатель водзӧ вӧли сувтӧдӧма мог — пыдисянь велӧдны марксистско-ленинскӧй теория. Паськыда тӧдмасыны роч литератураӧ да коми фольклорӧн. Правлениелы вӧли

индӧма журнал лист бокьясын вылӧджык кыпӧдны критика, кодӧ эськӧ джуджыда востӧтис идейно-художественнӧй боксянь бурсӧ да жебинъяссӧ писательяслӧн гижӧдьясысь.

Тайӧ конференция бӧрас, ВКП(б) Коми обком шуӧм серти, 1928 вося октябрыянь «Ордым» дзоньнас лои литературно-художественнӧй журналӧн. Редколлегияӧ индӧсны КАПП-са членъяссӧ. Коми издательство да Москваын Центриздатын вильӧн востӧм Коми отдел куӧсны унджык печатайтны коми художественнӧй гижӧдьяс.

Коми литература водзӧ сӧвмӧмлы ыджыд отсӧг сетис «Коми художественнӧй литературалӧн состояние йылысь» ВКП(б) Коми обком бюрӧлӧн 1929 вося августын примитӧм постановление. Обком сэки пасйис, мый КАПП пыртис аслас радъясӧ медбур коми гижысыяссӧ, ӧтувтис найӧс виль вӧсна тышын, содӧс коми кыв вылын литература да с. в.

Коммунистическӧй партиялысь индӧдьяссӧ да асланыс конференциясылысь шуӧмьяссӧ олӧмӧ пӧртӧмӧн гижысыяс зилисны бурмӧдны гижӧдьяснысӧ идейно-художественнӧй боксянь. Войдӧрджык кӧ найӧ уна гижлисны кывбурьяс ичӧтик темаяс вӧлӧ да риторическӧя, этша кӧ вӧли проза, сэки нин литератураын тыдовтчисны олӧмысь бостӧм гырысьджык социальнӧй темаяс гижӧдьяс. Нӧбдӧсна Виттор гижис ыджыд драма «Кулӧмдӧнса бунт», Илья Вась сетис поэма «Мунӧны», петисны Тима Веньлӧн поэмаяс: «Му вежандыр» да «Ленин гу дорын», Виль Пашлӧн кывбур «Коми му», Биа Ӧгыр гижис ненецьяс йылысь поэма «Сялӧ Микулай».

Мед кӧть и эз на тырвйӧ, но вӧрзис и проза. И. И. Сажин гижӧ висът «Ӧльӧксан», Г. А. Фёдоров — «Олӧм чегласӧм», а сэсыя сӧрӧнджык сетис ыджыд повесть «Сиктса асыв», Тима Вень гижис висът «Трипан Вась», И. И. Пыстин — висът «Семук», В. А. Савин — висът «Луча» да с. в.

Но литературнӧй критика пыр на вӧли зэв улын.

Коми гижысыяс уна уджалисны классикьяслысь да сӧветскӧй кадся роч гижысыяслысь произведениеяссӧ коми йӧз пӧвстын паськӧдӧм кузя. Вуджӧдалисны роч писательяслысь уна гижӧдьяс да печатайтисны коми кыв вылын «Ордым», а сӧрӧнджык «Ударник» журналъясын, школаяслы учебникъясын, лӧдзисны торъя книгагӧн. Нӧль воӧн «Ордым» да «Ударник» журналъяс йӧздӧисны гижӧдьяссӧ М. Горькийлысь, Демьян Бедныйлысь, В. Маяковскийлысь, Д. Фурмановлысь, А. Безыменскийлысь, А. Жаровлысь, Л. Толстойлысь, А. Пушкинлысь да мукӧдьяслысь.

1930 вося октябрын чукӧртчис КАПП-лӧн коймӧд конференция. Сійӧ муніс зэв тӧдчана кадӧ. Сыӧдз неважӧн вӧлі Коммунистическӧй партиялӧн XVI-ӧд съезд, кодӧ пырис исторіяӧ социализмлӧн став фронт пасьта наступайтан съездӧн. Партия водзын, став сӧветскӧй народ водзын XVI-ӧд съездӧн сувтӧдӧм вӧвлытӧм гырысь могъяссь сӧветскӧй литература кутіс кольччыны. Партия эз ӧчыл сетлы индӧдъяс РАПП-ӧн (Российскӧй Федерацияса пролетарскӧй писательяслӧн ассоциация) веськӧдлысьяслы уджсӧ выль ног котыртӧм йылысь, медым матыстчыны социализм стрӧбитан могъяс дінӧ.

Социализм тэчан могъяссьс коми литературалӧн кольччӧмыс вӧлі ешӧ нин ылжыд. Гижысьяслӧн коймӧд конференция эз вермы мунны таысь боқыті. Сійӧ примитіс резолюция: «Реконструкция кадын коми литература водзын сулалан могъяс йылысь». Конференция индіс, мый коми гижысьяслы асланыс творчествоын колӧ петкӧдлыны

миян странаын социализм тэчӧм, индустриализация кыптӧм, сиктын коллективизация нуӧдӧм, тышкасьны классӧвӧй врагкӧд да с. в.

1932 вося апрель 23 луно петіс ВКП(б) ЦК-лӧн «Литературно-художественнӧй организацияс перестроитӧм йылысь» постановление, кӧні ЦК шуис бырӧдны ВОАПП да РАПП, ӧтувтны став гижысьясс, кодъяс сулалӧны Сӧветскӧй власть платформа вылын да зільӧны участвуйтны социалистическӧй строителствоын, ӧти союзӧ, сӧветскӧй писательяс Союзӧ.

Партиялӧн Коми обком котыртіс сӧветскӧй писательяс Союзлысь Коми оргкомитет, кытчӧ мукӧдъяскӧд тшӧтш пырисны олӧмаджык коми сӧветскӧй писательяс В. Т. Чисталев да М. Н. Лебедев.

Партия ЦК-лӧн историческӧй постановлениес восьтіс ешӧ паськыдджык туй кыптыны да дзоридзавны сӧветскӧй художественнӧй литературалы. Сы лыдын и коми литературалы.

Техн. редактор *И. Оплесник*

Адрес редакции: г. Сыктывкар, ул. Советская, 13.

Сдано в набор 25/III-1966 г. Подп. к печати 6/IV-1966 г. 70 × 108¹/₁₆. Печ. листов 4. Приведенных печ. листов 5,48. Тираж 4461 экз. Ц00738. Заказ № 1822. Цена 15 коп.

г. Сыктывкар, Республиканская типография Управления по печати при Совете Министров Коми АССР.

ЮРГЫ, РЕСПУБЛИКА КОМИ

Кывъяс Ф. Щербаковлөн.

Музыка П. Чисталевлөн.

ТОРЖЕСТВЕННӦЯ
СОЛИСТЪЯС

mf ЛЕ-НИН-ЛЫСЬ ЗНАМ-Я МИ КЫ-ПӦ-ДИМ ВЫ-ЛӦ,
 КЫ-А МОЗ ЛО-МА-ЛӦ СӢ-ЙӦ БЫД СУТШ.
 КО-МИ РЕС-ПУБ-ЛИ-КА ЙЫ-ЛЫСЬ МИ СЫЫ-ЛАМ,
 НИ-МӦ-ДАМ СӢ-ЙӦС, НА-РО-ДӦС И УДЖ.
 ЮР-ГЫ, РЕС-ПУБ-ЛИ-КА

СТАВОН
f ЮР-ГЫ, РЕС-ПУБ-ЛИ-КА КО-МИ,
 ЛЕ-НИН-ЛӦН ОР-ДЕ-НА МУ!
 2. ЛЕНИНЛӦН ОР-ДЕ-НА МУ!
 НЭ-МЫД ТЭН ЛО-НЫ ВЕК ТО-МӦН,
 2. ЛО-НЫ ВЕК ТО-МӦН,
 МИЧ-МӦД-НЫ ДРУЖ-БА ДА ШУД!

Ленинлысь знамя ми кыпӧдӧм вӧлӧ,
 Кыа моз ломалӧ сӧйӧ быд сутш.
 Коми республика йылысь ми сьылам,
 Нимӧдам сӧйс, народӧс и удж.

Припев:

Юргы, Республика Коми,
 Ленинлӧн ордена му!
 Нэмыд тэн лоны век томӧн,
 Мичмӧдны дружба да шуд!

Партия сыв улын путкыльтӧм важсӧ,
 Шуштӧмыс сэсса оз ловзьи-нин бӧр.
 Пармаын тулыс веж дзоридзӧн вашкӧ,—
 Ловзӧдӧм мича том карьясӧн вӧр.

Припев.

Ставлӧн девиз-миан сӧлӧмын ӧти —
 Кыпӧдны олӧм, мед вынйӧр эз быр.
 Мортлӧн тыр шуд вӧсна делӧяс вӧчны,
 Бур вӧсна тышкасьны, ӧзйыны пыр.

Припев.

Миян дона друг, „Войвыв кодзув“ лыддысь!

Ми чайтам, мый тэ бара кутан судзӧдны да лыддыны «Войвыв кодзув» журнал.

Кызди и кольӧм вэ, журналын йӧзӧдан гижӧдъяслӧн медся главнӧй теманас лӧб миян ӧнӧя, талунъя олӧм, а налӧн главнӧй геройяснас лӧбны уджыввса йӧз.

Журнал лист бокъяс вылысь тэ аддзан коми гижысьяслысь выль повестьяс, висьтъяс, очеркъяс, пьесаяс, поэмаяс, кывбуръяс.

Тайӧ воын журнал кутас сетны Великӧй Октябрлы 50 во тыригкежлӧ да В. И. Ленин чужан лунсянь 100 во тыригкежлӧ сиӧм очеркъяс, публицистическӧй статьяяс, казтылӧмъяс.

Редакцияӧ ассьыныс выль гижӧдъяссӧ кӧсьысисны вайны Василий Амосов, Александр Ануфриев, Владимир Безносиков, Василий Белых, Николай Дьяконов, Михаил Игнатов, Иван Коданёв, Василий Кудakov, Нина Куратова, Семен Кынев, Василий Леканов, Александр Матвеев, Сергей Морозов, Леонид Огнев, Леонид Палкин, Николай Попов (Жугыль), Иван Потолицын, Прокопий Пунегов, Егор Рочев, Яков Рочев, Иван Тарабукин, Иван Торопов, Геннадий Фёдоров, Петр Шахов, Владимир Ширяев, Михаил Шурганов, Николай Щукин, Геннадий Юшков да мукӧдъяс.

Поэзия юкӧнысь лыддӧй выль кывбуръяс да поэмаяс Иван Вавилинлысь, Альберт Ванеевлысь, Эраст Ванеевлысь, Юрий Васютловлысь, Василий Власовлысь, Дмитрий Конюховлысь, Василий Лыткинлысь (Илля Васьлысь), Александр Мальцевлысь, Пантелеймон Образцовлысь, Борис Палкинлысь, Владимир Поповлысь, Серафим Поповлысь, Юстина Поповалысь, Егор Потаповлысь, Владимир Тиминлысь, Федор Щербаконлысь да мукӧдлысь.

Пыркадся юкӧнъяс лыдӧ журнал содтӧ краеведческӧй юкӧн — „Коми муын“.

Журнал вылӧ гижсян доныс: во кежлӧ — 1 ш. 80 кӧп., во джын кежлӧ — 90 кӧп., 3 тӧлысь кежлӧ — 45 кӧп. Ӧти номерлӧн доныс — 15 кӧп.

